

四庫全書

子部

欽定四庫全書

子部
釋氏稽古略卷四

詳校官給事中_臣鄧文津

檢討_臣何思鈞覆勘

總校官編修_臣王燕緒

校對官待詔_臣胡士震

謄錄監生_臣王志遠

欽定四庫全書

釋氏稽古畧卷四

元 釋覺岸 撰

宋

趙姓以王德王
都汴今汴梁路

太祖 太宗 真宗

仁宗 英宗 神宗
高宗 孝宗 光宗

寧宗 理宗
度宗 幼主

太祖

諱玄朗初名光胤曰匡胤西京洛陽人趙姓仕
周至歸德軍節度使殿前都點檢受周禪年三

十四歲即皇帝位以二月十六日為長春節在位
十六年壽終五十歲帝屢造佛寺每歲度僧八千

人錄年繫年錄者
北魏天監寺所編也

建隆三
乾德五

開寶八

庚申
建隆元年
大遼
應歷十年
遼鄭王也居西京洛陽開寶六年正月殂於房州謚曰恭帝

趙
北漢劉鈞
鳳翔
吳越
荆南高氏唐
蜀
漢殷

天會四年
保勗立
廣政
天寶章

九月帝征李重進於淮南十二月詔於廣陵
今揚州
戰地造寺額曰建隆賜田四頃拔薦戰亡軍士命

沙門道暉
主之
繫年

辛酉
建隆二年
大遼
應歷十一年

趙
北漢承約
鳳翔
吳越
荆南高氏唐炬立
蜀
南漢

天寶章

春二月十六日聖誕罷三教論講始自開寶已後
召召三學僧入殿庭試義凡自京師普天之下歲
遇聖誕節則命僧陞座說法祝聖遞代傳
流之實本於試義也宋僧史畧容齋隨筆

壬戌

建隆三年

大遼

應歷十二年

趙

北漢

鳳翔

吳越

荆南高氏唐

蜀

南漢

牙繼冲立

天寶五年

詔僧門童行每歲經本州考試入京師執政重監
試所業其妙法蓮華經七卷通者奏名下祠部給
牒披剃若特詔疏恩如建隆太平
興國普度僧尼不限此例也錄年

癸亥乾德元年

大遼

應歷十三年

荆南高繼冲奉表納土
歸宋合五十七年國除

趙

北漢劉氏

鳳翔

吳越

荆南唐

蜀孟昶南漢鋹

承鈞

國除

天寶年

甲子

乾德二年

大遼

應歷十四年

趙

北漢

吳越

唐

蜀

南漢

天寶七年

乙丑

乾德三年

大遼

應歷十五年

趙

北漢

吳越

唐

蜀滅

南漢

天寶八年

丙寅

乾德四年

大遼

應歷十六年

北漢

吳越

唐

南漢

天寶九年

詔秦涼既遁遣僧百人
往西域求佛經法

丁卯

乾德五年

大遼稱宗

應歷十七年

北漢承鈞

吳越

唐

南漢

天寶元年

戊辰

十一月改開寶元年

大遼穆宗被弒景宗立保德元年

北漢繼元立

吳越

唐

南漢

廣運元年

壬午

九月二十七日詔成都府造金銀字佛經各一藏勅兵部侍郎劉熙古監視冬十一月郊祀畢肆赦改元

壯漢

秋七月承鈞寢疾召平章事郭無為執繼恩手付以後事繼恩嗣位謚承鈞曰考和皇帝經六

十餘日九月侯霸榮郭無為弒繼恩迎繼元而立之改元廣運初漢主劉旻壻曰薛釗甚賢生子曰繼恩而釗卒其婦再適何氏生子曰繼元何氏夫婦卒定王承鈞無子是以二子命承鈞養之至是弒繼恩而

立繼元

載記

大遼

穆宗末年殘忍猜忍人人屏息虞禍會醉索食不得欲斬庖人堂膳者恐禍及因捧食以

進挾刃弑帝於黑山下九月也謚曰天順皇帝廟號穆宗景宗立諱明記更名賢世宗烏雲子也初世宗破弑之時帝年九歲御廚尚食劉嘉哩以糲束之藏于積薪中得免至是即位嬰風疾多不視朝壬午乾亨九年十二月崩謚孝成皇帝廟號景宗

己巳

開寶二年

遼

景宗

保寧二年

北漢

繼元

吳越

唐

南漢

廣運七年

春二月十六日帝長春節詔許四海僧上表入殿庭比試三學下開封府功德使差僧證經律論義十條全通者賜紫衣號手表僧至太宗太平興國四年功德使奏天下一家不煩手表自此皇帝誕

日宰輔親王監司刺史各薦所知三學僧惟兩街僧錄所薦者是日入內受門下牒謂之簾前師號仍給紫衣謂之簾前紫衣分賜訖便同賜齋自餘王侯薦者間日方出節制廉問牧守則又轉降而賜焉

賜焉
僧史

庚午

北漢

廣運三年

吳越

唐

南漢

張降

南漢

嶺南廣也劉鋹舉國降宋封鋹恩赦侯合六十七年除國是歲勅修京師舊封禪寺為開

寶寺前臨官街北鎮五丈河屋數千間連數坊之地極於鉅麗

李肅長編

辛未

開寶四年

遼

保寧四年

北漢

廣運四年

吳越

唐

六月十一日勅成都再造
金字佛經一藏宋僧史錄

壬申

開寶五年

遼

保寧五年

北漢

廣運四年

吳越

唐

帝自用兵平列國前後凡造金銀字佛經數藏
今年勅雕佛經印一藏計一十三萬版北山集

癸酉

開寶六年正月周遼
恭帝殂

保寧六年

北漢

繼元

吳越

南唐

李氏

甲戌

開寶七年

遼

乾亨元年

北漢

廣運七年

吳越

唐

帝命曹彬與潘美曹翰征江南也唐十一月濟師
彬嘗面奉帝旨母殺人明年冬攻之垂克彬稱疾
不視師潘美帥諸將省之彬曰予病非藥石能治
須諸公共誓城破不殺人則自愈矣諸將諾共焚
香為誓是日拔金陵也康李氏降城中按堵彬位
至使相父子配食清廟貴戚累世實不殺之報應
也

乙亥

開寶八年

遼

乾亨二年

三月往聘宋宋乃初通使於遼

北漢

廣運八年

吳越

南唐

李煜降宋封違命侯
合三十九年而國除

丙子年夏四月上幸西京有事于南郊是歲
十二月二十三日改為太平興國元年

格齊

太宗

諱炁太祖母弟封晉王開寶九年太祖崩帝即
位年三十八偃武修文改講武殿為崇政殿選

用賢良謹擇刺史謂刺史最為親民苟非其人民受其禍求言納諫風俗醇厚在位二十一年壽五

十九歲崩以十月十七日為乾明節

太平興國八
淳化五
至道三
端拱二

丙子
十二月改
遼
乾亨三年

太平興國元年
北漢
廣運九年
吳越

丁丑
太平興
遼
乾亨四年

北漢
廣運十年
吳越

京師舊龍興寺周世宗廢之為龍興倉至是主僧擊登聞鼓訴復寺帝感歎詔復之賜名太平興國

寺仍為營葺極

宏壯之制

聖朝

戊寅

太平興
國三年

遼

乾亨五年

北漢

廣運十一年

吳越奉表入

朝納土

三月吳越忠懿王錢俶上表
歸宋入朝盡獻十三州之地

四月陳洪進奉表獻漳泉兩郡秋八月十三日翰
林學士知制誥李昉反北西中書舍人扈蒙直史館

李穆宋白鄭隣幾徐鉉奉勅表進太平
廣記帙成五百卷錄佛法者列三十卷

沙門贊寧隨吳越王入朝帝賜號通慧大師勅住
左街天壽寺命修僧史明年詔寧乘驛進明州何
育王山釋迦文佛真身舍利入禁中供養得舍利
一顆因之以開寶寺西北闕地造浮圖十一級下

欽定四庫全書

卷四

七

作天宮以葬之皇朝太平興國七年十月勅寧編
修大宋高僧傳聽歸浙東秉筆初梁武帝天監十
八年嘉祥寺沙門慧皎作高僧傳始後漢明帝永
平十年至天監成十四卷唐太宗貞觀二十年終
南山西明寺道宣律師作續高僧傳始天監之末
迄貞觀成三十卷寧作始自唐貞觀二十年至此
端拱元年成三十卷用梁唐義例開十科一譯經
科二慧解科三禪定科四戒律科五護法科六感
通科七遺身科八讀誦科九興福科十雜科聲德
正傳者五百三十三人附見者一百三十人端拱
元年冬十月遣弟子顯忠智輪詣闕上表以進璽
書賜帛獎諭勅入大藏流通十一月詔寧赴闕淳
化元年奉旨著驚嶺聖賢錄一百卷淳化二年詔
寧充史館編修遷至道二年詔除寧掌洛京
教門事宋僧傳戊戌真宗咸平元年詔擢寧汴州
右街僧錄主管教門公事次年進左街己亥延平

二年春二月東京左街僧錄史館編修主管教門
公事通慧大師贊寧歸寂壽八十二三月葬全身
於天壽寺己巳仁宗天聖七年寧曾孫宗盛啓塔
茶毘之收遺骸舍利歸葬錢塘故里寧生杭州臨
安縣後唐明宗天成中出家杭州祥符寺潞王清
泰初入天台具探律部博通三藏吳越忠懿王補
寧兩街僧統號明義宗文大師
所作僧史僧傳並行于世錢塘記

己卯

太平興
國四年

遼

乾亨六年

北漢五月太原劉繼元降宋封

彭城公合二十九年國除

庚辰

太平興
國五年

遼

乾亨七年

譯經

河中府傳顯密教沙門法進請西域法天三
藏譯經于蒲津詔入京師初興譯事詔童子

欽定四庫全書

釋氏教義
卷四

七

五十人習
梵學總譯經錄

辛巳

太平興
國六年

遼

乾亨八年

詔立右街副僧錄詔致祭建康鍾山
寶誌大士賜號道林真覺菩薩碑記

壬午

太平興
國七年

遼乾亨九年十二月帝崩治平
五年謚孝成皇帝廟號景宗

詔立譯經傳法院于東京太平興國寺之西如唐
故事以宰輔為譯經潤文使設官分職西天中印
度惹蘭陀羅國密林寺天息災三藏與法天施護
等譯大乘莊嚴寶華經帝製大宋新譯三藏聖教
序詔普度天下童行為僧不限有司常例自太
平興國元年至八年度僧一十七萬餘人僧史

大遼

聖宗立諱隆緒景宗長子年十二即位改元
統和尊母蕭氏為承天太后臨朝稱制凡二

十七年乃歸政于帝癸丑改元開泰復國號大契
丹太平十年六月三日崩于上京諡曰天輔皇

帝治四

十九年

癸未

太平興
國八年

遼聖宗立
統和元年

御贊舍利

初太祖迎洛陽唐高宗顯慶年間大沙
門宣律師天王太子所獻佛牙舍利于

東京相國寺灌頂院安奉至是帝親以烈火煨試
晶明堅固光彩五色照人帝製贊曰功德積劫印

文端不是南山檀傳師得恐難眼觀數重金色潤

手擎一片玉光寒煉時百火精神透藏千年年瑩

彩完定果熏脩真秘密正心莫作等閒看改灌頂

院為法華院建重閣以智照大師慧溫主香火山

碑舍利

甲申

雍熙元年

遼

統和二年

春三月日本國僧裔然入朝因言其國傳世八十一
歷年三千二百矣帝謂輔臣曰中國自唐末五代
分裂不但其君朝成夕敗臣亦誅死相尋朕兢兢
求治冀上宮鑒祐為子孫長久計卿等亦保世祿

三朝聖
政錄

詔脩泗州僧伽塔加謚
大聖二字寺曰普照

十月詔隱士陳搏入見賜
號希夷先生尋請歸華山

乙酉

雍熙二年

遼

統和三年

丙戌

雍熙三年

遼

統和四年

秋八月二十五日秀州高僧晤恩端坐面西而逝
初天台宗元自唐德宗建中三年荆溪尊者滅後
五傳而至清疎疎有二弟子曰義寂曰志因寂以
觀教正脉傳義通通傳知禮四朝遵式下竺源源
授受志因傳晤恩恩名著僧史恩傳洪敏源清清
傳智圓孤山慶昭昭傳繼齊咸潤境觀解行各師
其說四明知禮辭而闕之衡
嶽家世斥之為山外宗教天部

丁亥

雍熙四年

遼

統和五年

十月天台教荆溪尊者下六世螺溪傳教
定慧院淨光法師義寂入寂義通嗣之傳林

四川西路益州成都香林院禪師名澄遠二月入
滅師生西川漢州綿竹上官氏嗣雲門偃禪師傳錄燈

戊子

端拱元年

遼

統和六年

義通法師

傳天台教是年十月十八日入寂于明州寶雲院通本高麗王種初出家傳華

嚴起信有聲石晉天福中渡海來謁螺溪義寂頓悟開顯十法界圓融之旨嗣法流通逾二紀得知

禮遵式高第

益大其傳

記

己丑

端拱帝建開遼二年寶寺成

統和七年

庚寅

淳化元年

遼統和八年

詔參知政事蘇易簡撰三教聖賢事跡易簡奏天壽寺通慧大師贊寧太乙宮道士韓德純分領其事通慧贊寧著驚嶺聖賢錄一百卷

辛卯

淳化二年

遼統和九年

壬辰

淳化三年

統和十年

癸巳

淳化四年

統和十一年

首山

汝州首山禪師名省念萊州狄氏子受業本郡南禪寺纔具戒徧遊叢席常密誦法華經

衆目之曰念法華受風穴沼禪師記別開法首山為第一世次住本州葉縣廣教及寶應於昨淳化三年十二月四日午時上堂說偈曰今年六十七老病隨緣且遣日今年却記來年事來年記著今朝日至今年十二月四日辭衆上堂仍說偈曰白銀世界金色身情與非情共一真明暗盡時俱不照日輪干後示全身言訖泊然而逝茶毘救舍利建塔師嗣風穴延沼沼嗣南院慧顥顯嗣興化存獎獎嗣臨濟義玄禪師其嗣師之法道者汾陽善昭葉縣歸省神鼎洪諱谷隱蘊聰廣慧元璉丞相

王隨相公等凡一十二人省傳浮山法
遠遠傳淨因道臻等法道昌盛於後

甲午

淳化五年

遼
統和十二年

乙未

至道元年

遼
統和十三年

御製

秘藏詮二十卷緣識五卷逍遙詠十卷
命兩街僧箋註入釋氏大藏頒行

丙申

至道二年

遼
統和十四年

丁酉

至道三年
三月帝崩

遼
統和十五年

真宗

太宗第三子諱恒二十九歲即位務從簡易作
文武七條以賜臣僚轉運知州並帶勸農事東

封泰山西祀汾陰以文理太平治二十五年
壽五十四歲以十二月二日為承天節

咸平六 景德四 大中祥符九

天禧五 乾興一

戊戌咸平元年 遼 統和十六年

己亥 咸平二年 遼 統和十七年

庚子 咸平三年 遼 統和十八年

夏大旱浙東天台講宗知禮四明尊若明遵式下同脩

護國金光明三昧懺三日乃雨明州太守蘇為以

碑頌其德四懺主行業記浙西自春涉夏亦不雨給

事中知杭州張去華率僚屬具禱蓋鼓吹迎天竺

圓通大士禱于梵天寺繼時雨靈四境沛足此觀

世音菩薩出應民望慈悲靈感之始也上竺傳記實

辛丑 咸平四年 遼 統和十九年

天竺三藏朝散大夫試光祿卿明教
大師法賢進新譯經帝製序

大藏經
字玉

壬寅

咸平五年

遼 統和二十年

西天譯經三藏朝奉大夫試光祿卿傳法大師施
護譯給孤長者女得度因緣經請帝製繼聖教序

天竺教藏
字玉

癸卯

咸平六年

遼 統和二十一年

帝勅右街僧錄備儀仗音樂華幡迎大相國寺佛
牙舍利供養于開寶寺塔下帝製讚曰西方有聖
釋迦文接物垂慈世所尊常願進修
增勝果庶期饒益富黎元

三輔御讚

甲辰景德元年

遼

統和二十二年

傳燈錄

吳僧道原集釋迦世尊初祖迦葉以至東土禪宗傳嗣諸祖機緣為景德傳燈錄三

十卷進呈帝覽之嘉賞勅翰林學士楊億等刊正撰序頌入大藏天下流行

經目

日本國僧寂照賁本國禪師源信所陳經論義目二十七條問擬于四明法師知禮受教歸國錄行

四明大法師知禮著十不二門指要二卷開明南嶽天台所證一心三觀之妙

教行錄

乙巳

景德二年

遼

統和二十三年

丙午

景德三年

遼

統和二十四年

丁未

景德四年

遼

統和二十五年

戊申

大中祥符元年

遼

統和二十六年

冬十月帝東封泰山祀上帝十一月朔幸曲阜祭孔子加謚曰玄聖文宣王追謚齊太公曰昭烈武成王周文王曰文憲王各立廟尋以聖祖諱改玄聖為至聖己酉年二月詔許曲阜先聖廟立學紀

己酉

大中祥符二年

遼統和二十七年

禪師名遇賢姑蘇長洲林氏子七歲出家依嘉興永安可依大德年三十剃落圓具往叅龍華球禪師發明心印回居明覺院唯事飲酒醉而成歌警世道俗號之酒僊歌曰揚子江頭浪最深行人到此盡沉吟他時若到無波處還似有波時用心曰金竿又聞泛玉山還報頽莫教更漏促趣取月明回曰一六二六其事已定一九二九我要喫酒長伸兩脚眠一寤暗起來天地還依舊曰門前綠樹無啼鳥庭下蒼苔有落花脚與東風論箇事十分春色屬誰家曰秋至山寒水冷春來柳綠花紅一

點動隨萬變江村煙雨濛濛有不有空不空笨籬
撈取西北風曰生在閭浮世界人情幾多愛惡祇
要喫些酒子所以創街卧路死後却產婆婆不願
超生淨土何以故西方淨土且無酒酤至是祥符
二年上元日師凌晨索浴罷就室握拳以右舉左
張其口而化平江陳師嗣龍華彥球球嗣長慶稜

稜嗣雪峰存禪師存

詔諸州路置

嗣德山鑒禪師鈕燈

天慶觀紀帝

申國長公主太宗第七女生不茹葷至是懇求為
僧進封吳國賜名清裕號報慈正覺大師都城西
為建崇真資聖禪院續御三十人詔兩禁送之入
寺賜齋申國俗壽三十八尼夏十六而八滅事朝

庚戌

大中祥符三年

遼

統和二十八年

冬十月有旨改明州保恩院為延慶院勅改華亭
陸機別業大明寺額曰普照勅改義興函亭鄉禪

欽定四庫全書

卷四

林院額曰聖感禪寺傳十方
住持奉祠山祀典神祇碑文

辛亥

大中祥符四年

遼統和二十九年

詔譯經潤文使叅知政事趙安仁
翰林學士楊億撰大藏目錄

趙安仁

壬子

大中祥符五年

遼統和三十年

天竺酤蘭古國利帝利種沙門覺稱至京師館于
譯院年始四十許通四十餘本經論潤文使丁晉
公嘉其敏慧遣譯者導之見楊翰林億也設茗
果與之語覺稱曰願至五臺山拜文殊即還本土
入此國見屠殺猪羊市肆懸肉痛不忍觀西竺舉
國不食肉他日晉公問數萬里遠來更何所為曰
併欲禮宣律師塔
耳

楊皇

朝公

類范

及

范

癸丑

大中祥符六年

大契丹

開泰元年

春三月帝賜御製法音

集付傳法院箋註

藏經目錄

帝賜譯經院修心偈曰初祖安心在少林不傳經教但傳心後人若悟真如性密印由來妙理深

教明

正宗

卷十二

大遼復號大契丹以幽州為析津府改元曰開泰至丙午咸雍二年復稱大遼

甲寅

大中祥符七年

大契丹

開泰二年

天竺三藏朝散大夫試鴻臚卿傳教大師法天譯金剛大教寶王經冬十一月京師建玉清昭應宮成起自大中祥符二年四月至是年十一月畢工總二千六百一十區丁晉公詔為修宮使土木金

石丹漆之用搜材選勝于天下沈存中筆談曰溫州鴈宕山諾矩羅尊者所居前世人所不見因昭

應採木此境

始露

洪邁筆客

乙卯

大中祥符八年

大契丹

開泰三年

大法師遵式講于天台東掖山十有二年矣至是

始西渡居杭州古靈山寺

天今下初西晉天竺慧理

法師居焉隋高僧真觀講法華之地唐道標繼成

之至僖宗時為寇所毀西巖有檜枯株存於焚敗

之餘法師以水灑而祝之枝葉重榮力行四種三

昧建金光明懺堂一椽一甃必誦大悲咒七遍殿

宇全備奏蒙朝廷賜天竺靈

山寺額傳

天台教觀

懺主行業記

丙辰

大中祥符九年

大契丹

開泰四年

丁巳天禧元年

大契丹

開泰五年

詔天下立放生池明州大法師知禮自丙辰春偕
十僧誓修法華三昧三年滿如藥王故事燒身供
養妙法蓮華經以生淨土翰林學士楊億聞知郵
置長書堅請住世仍委郡守李夷庚保護天禧四
年宰相寇準翰林楊億以知禮行業及遺身事奏
聞帝曰但傳朕意請留住世特賜師號法智大師
錄教行

秋七月太尉文正公王旦薨公在政府十八年病
革囑翰林學士楊億曰吾深厭煩腦願未來世為
芴芻林間宴坐觀心為樂至易簣時君為我剃鬚
髮著壞色三衣用火葬禮營骨塔於光瑩之側億
曰公三公也斂贈公衮豈可加於僧體乎與諸
孤議但以三衣置柩中不藏寶玉而已

文鑑湘

戊午

天禧二年

大契丹

開泰六年

己未

天禧三年

大契丹

開泰七年

庚申

天禧四年

大契丹

開泰八年

辛酉

天禧五年

大契丹

開泰九年

詔殿頭俞源清往明州延慶院為國修懺三
晝夜法智大師知禮著修懺要旨一卷錄行

壬戌

乾興元年

大契丹

太平元年

二月帝崩

帝特賜杭州天竺寺法師遵式號慈雲大師章獻
明肅皇后劉氏遣使至天竺為國修懺法師著護
國金光明三昧
儀一卷上進懺記

春二月杭州西湖孤山法慧法師智圓號中庸子
十七日自作祭文挽詩十九日入滅圓撰通經十
疏處士林逋和靖為隣天竺法師遵式為友壽四
十七歲臘三十九葬以陶器也仁宗景祐三年因
積雨山頽啓其封全體如生爪髮俱長唇紅微開
齒如珂雪為襲新衣散衆名香瘞之高宗紹興中

孤山建四聖觀遷師塔于

北山瑪瑙坡孤山間業記

仁宗

禎真宗第六子年十三即帝位帝務仁厚裁抑
僥倖委任賢良專置諫官六員納諫不倦置學

校創廣慧院以處窮民自奉甚薄利澤施民號為
極治以四月十四日為乾元節行崇天歷在位四

十一年壽

五十五歲

天聖九 明道二 景祐四 寶元二 康定一
慶歷八 皇祐五 至和二 嘉祐八

癸亥天聖元年

行崇大契丹
天曆

太平二年

甲子

天聖二年

大契丹

太平三年

臨濟下五世汾州太子院禪師名善昭太原俞氏
子剃髮受具杖策遊方所至少留隨機叩發歷叅
知識七十一員後見首山念禪師契悟玄旨遊衡
湘及襄沔間每為郡守以名刹致師凡歷八請師
皆不赴洎首山沒西河道俗遺僧契聰迎請住持
師閉關高卧聰排闥而入讓之曰佛法大事請退
小節先師棄世今何時而欲安眠哉師曰非公不
聞此語乃赴其請至是天聖二年龍德府尹李侯
致師往承天价三返不起价再至辟函師曰老病
業已不出山借往當先後之价曰唯師所擇師命
具饌且趣裝曰吾先行矣停筇而化闍維收舍利
建塔師嗣首山念禪師有曰十智同真者師之語

也

乙丑

天聖三年

大契丹

太平四年

丙寅

天聖四年

大契丹

太平五年

詔天台教部入大藏流行初天竺寺僧思悟求教
藏流行自乙丑春禱于大悲觀音至是行願克遂
乃焚身於日觀菴
前用報佛恩

天竺別集

丁卯

天聖五年

大契丹

太平六年

九月光祿大夫少子少傅文元公晁迥
藏法藏碑金十卷皆理性自得之學也

戊辰

天聖六年

春正月五日明州法智尊者知禮趺坐集衆而言
曰吾建延慶道場誓在流通法華三昧爾等莫作
最後斷佛種人生必有死猶旦暮然精修無間世
世生生相逢有在語畢驟稱阿彌陀佛而寂露龕
二七日爪髮俱長儀容如生闍維也舌根不壞
舍利五色莫知數資政殿大學士守太子少保清
獻公趙抃著法
師行業碑
鐫行

己巳

天聖七年

大契丹

太平八年

禪宗廣燈錄

尉馬都尉李遵勗撰三十卷帝製序
賜之都尉堯附見慈明園禪師章下

庚午

天聖八年

大契丹

太平九年

楞嚴經疏

嘉興秀州長水法師名子璿秀州人初
依本州洪敏法師學楞嚴經至動靜二

相了然不生有省聞滁州瑯琊山覺禪師道望趨
往叅見及門值其陞座遂問曰清淨本然云何忽
生山河大地覺厲聲曰清淨本然云何忽生山河
大地璿當下豁然大悟擬稟嗣之覺禪師謂之曰
汝宗不振久矣宜勵志扶持以報佛恩璿如教後
住長水衆幾一千以賢首宗教疏楞嚴經十卷御
史中丞王隨序之行于世疏長水瑯琊
山廣照禪師名慧覺嗣汾陽昭禪師

辛未

天聖九年

大契丹

太平十年

六月三日帝崩諡曰天輔皇帝廟號聖宗在位四十九年

夏四月詔迎韶州曹溪南華禪寺六祖大鑒禪師
衣鉢入禁中清淨堂供養八月十五日遣使送還
賜南華長老普遂號智度大師續燈錄大契丹興宗
即帝位諱宗真番名木不孤順聖元妃所生聖宗
第八子也在位
二十五年崩

壬申明道元年

大契丹興宗

景福元年

章獻明肅太后劉氏修

西夏趙元昊

京師景德寺成

長通編

封西平王

冬十月八日杭州天竺靈山寺慈雲靈應尊者遵

式入寂遺命卧全身于遐榻葬寺東月挂峯下嗣

法明智大師祖韶韶有二弟子曰慧辯即海月都

師也曰元淨即辯才法師也海月華亭人受業普

照寺元淨字無象生杭州於潛徐氏

賜紫衣號辯才元豐六年入寂

碑林此傳

癸酉

明道二年

大契丹

重熙元年

甲戌景祐元年

大契丹

重熙二年

勅試經通者度為僧宋宣獻公綬夏英公竦在政
府同試童行有行者誦法華經不通問其習學幾

年曰十年二公笑且憫之各取法華經七軸誦之
宋公十日夏公七日不遺一字人性之相遠也如
此歐陽修
歸田錄

乙亥

景祐二年

大契丹

重熙三年

丙子

景祐三年

大契丹

重熙四年

丁丑

景祐四年

大契丹

重熙五年

戊寅寶元元年

大契丹

重熙六年

西夏

僭帝號
大慶元年

西夏

初唐太宗貞觀三年冬閏十二月乙丑党項
酋長細封步賴并別部拓跋氏等來降僖宗

中和元年夏四月拓跋思恭以兵赴國難戰黃巢
有功帝命思恭權知夏綏節度使八月陞思恭為

夏綏節度使賜姓李氏昭宗乾寧二年八月癸巳
思恭弟保大節度使李思孝攻王行瑜黎園寨有
功癸卯以保大節度使李思孝為北面招討使定
難節度使李思諫為東面招討使至是宋太宗太
平興國七年壬午歲十月李繼捧來朝獻州四夏
銀綏宥縣八其西夏自天福石晉以來未嘗入覲
繼捧來太宗嘉之繼捧且自陳諸兄弟多相怨懟
願留京師詔授彰德軍節度留京師奉朝請賜姓
趙氏名保忠錫夏綏銀宥密五州使淳化元年庚
歲夏四月李繼遷寇邊命將出師敗繼遷於夏州
淳化二年秋七月繼遷降賜姓趙氏名保吉授銀
州觀察使保忠陰與保吉為唇齒雖外示歸順而
潛結羌戎侵寇不止先是趙保忠奏繼遷誘蕃戎
入寇乞師帝命翟守義帥師屯夏州繼遷恐乃奉
表歸順淳化五年戊午春正月李繼捧與李繼遷
叛帝遣李繼隆率兵攻之進攻夏州李繼捧狼狽

出降就擒繼捧以歸帝詰責數四詔釋之留京師
繼遷終反覆不臣卒為國累至道元年歲己未九月
李繼遷犯邊寇靈州至道二年歲丙申九月帝復命
李繼隆分五路討李繼遷丁酉年二月繼遷遁去
十二月繼遷遣使修貢求備邊任時真宗初登位
方在諒陰姑從其請加繼遷定難節度封以夏綏
銀宥靜五州咸平四年歲辛丑九月繼遷陷清遠軍
詔討之壬辰年三月李繼遷陷靈州咸平六年十
二月李繼遷陷西涼府潘羅支邀擊之繼遷中流
矢死子德明襲位天禧元年丁卯趙德明以民飢上
表乞糧數百萬詔許之丁卯仁宗天聖五年也五
月趙德明寇邊明道元年封趙元昊子德明也西平王
至是實元元年十二月趙元昊僭號先是元昊欲
南侵恐嘉勒斯賚制其後復舉兵攻蘭州諸羌至馬
街山遂築瓦川會城元昊既悉有夏銀綏靜宥靈
鹽會勝甘涼瓜沙肅之地仍居興州阻河依賀蘭

欽定四庫全書

卷四

山為固始大補偽官創十六司以統衆務又置十八監軍司委酋豪分統其衆為鎮守總十五萬人又選豪族善弓馬三千迭直號六班直元昊制番書改元大慶卒用其黨楊守素之謀築壇受冊號始文英武興法建禮仁孝皇帝國稱大夏改大慶二年曰天授遣使來告僭號納旌節敕告上表畧曰臣父德明嗣奉世封勉從朝命三十年邊情善守五千里職貢常輸臣偶因端間輒生狂妄制小番之文字改大漢之衣冠不期厯運在茲軍民同請伏望皇帝陛下許以西郊之禮冊為南面之君敢竭愚庸常救歎好朝廷議討之元昊從此猖獗寇陷軍州或順或逆至理宗寶慶三年國滅

巳卯

寶元二年

大契丹

重熙七年

西夏

大慶二年改曰天授

庚辰康定元年

大契丹

重熙八年

西夏

寇宋

慈明

潭州石霜山慈明禪師名楚圓全州李氏子少為書生年二十依湘山隱淨寺出家其母

有賢行使之遊方謁汾陽昭禪師昭默器之經二年未許入室每見必詬罵或毀詆諸方及有所訓皆流俗鄙事一夕訴之曰至法席再夏不蒙指示但增世俗塵勞歲月飄流已事不明失出家之利語未竟昭罵曰是惡知識敢裨販我起舉杖逐之師擬伸救昭遽掩其口師乃大悟曰是知臨濟道出常情遂服役七年辭去依唐明嵩禪師嵩謂師曰楊大年內翰知見高入道穩實子不可不見師乃往見大年大年問曰對面不相識千里却同風師曰近奉山門請大年曰真箇脫空師曰前月離唐明大年曰適來悔相問師曰作家大年便喝師曰却是大年復喝師以手劃一劃大年吐舌曰真是龍象師曰是何言歟大言顧令別點茶曰元來是家裏人師曰也不消得良久又問如何是圓上

座為人司師曰切大年曰作家作家師曰放內翰
二十拄杖大年撫膝曰這裏是甚麼處所師拍手
曰不得放過大年大笑又問記得唐明悟時因緣
否師曰唐明聞僧問首山佛法大意首山曰楚王
城畔水東流大年曰只如此語意何如師曰水上
掛燈毬大年曰與麼則辜負古人去師曰內翰疑
則別叅大年曰三脚蝦蟆跳上天師曰一任蹠跳
大年乃又笑館于齋中朝夕質疑智證因問前言
往行恨見之晚大年諱入朝見尉馬都尉李公鼎
曰近得一道人真西河獅子李公曰我以拘文不
能就謁奈何大年默然歸語師曰李公佛法中人
聞道風遠至有願見之心政以法不得與侍從過
從師黎明謁李公李公閱刺使童子問之曰道得
即與上座相見師曰今日特來相看又令童子曰
碑文刊白字當遣種青松師曰不因今日節餘日
定難逢童子又出曰都尉言與麼則與上座相見

去也師曰脚頭脚底李公乃出生坐定問曰我聞西
河有金毛獅子是否師曰甚麼處得此消息李公
便喝師曰野狂鳴李公人喝師曰恰是李公大笑
既辭去問臨行一句師曰好將息李公曰何異諸
方師曰都尉又作麼生曰放上座二十拄杖師曰
專為流通李公又喝師曰瞎李公曰好去師曰諾
諾自是往來楊李之門以法為友久之辭還河東
大年曰有一語寄唐明師曰明月照見夜行人大
年曰却不相當師曰更深猶自可午後更愁人大
年曰開寶寺前金剛近日因什麼汗出師曰知大
年曰上座臨行豈無為人句師曰重疊關山路大
年曰與麼則隨上座去也師作噓聲大年曰真獅
子兒師還唐明唐明即太原路承天院三李公遣
兩僧訊師師於書尾畫雙足寫來僧名以寄之李
公作偈曰黑毫千里餘全擲示雙趺人天渾莫測
你重赤鬚胡師時以母老南歸至瑞州西今江首衆

於洞山聰禪師會中依止三年先是汾陽曰我徧
叅雲門兒孫特以未見聰為恨師故依止焉遊仰
山袁州太守黃宗旦請往南源山廣利寺遷潭州
道吾移住石霜山崇勝寺遷南嶽杜嚴寺移潭州
興化寺寶元元年駙馬都尉李公遵勗遣使邀師
曰海內法友惟師與楊大年耳大年棄我而先僕
年來衰落忍死以一見師乃東下至京師見李公
月餘公畫一圓相書偈遺師曰世界無依山河匪
礙大海微塵須彌納芥拈起幘頭解下腰帶若覓
死生問取皮袋師曰如何是本來佛性公曰今日
熟如昨日隨聲便問師臨行一句作麼生師曰本
來無罣礙隨處任方圓公曰晚來困倦更不答話
師曰無佛處作佛公於是泊然而逝仁宗皇帝聞
都尉之化與師問答嘉嘆久之師臨壙而別有音
賜師官舟南歸至是康定元年正月五日師入寂
世壽五十四歲僧臘三十二夏銘行實於興化寺

塔前身於石霜山師嗣汾陽昭臨濟六世也嗣師者分宗曰黃龍南陽岐會續燈錄僧寶傳

琅琊

滁州琅琊山今淮東道廣照禪師名慧覺西洛人也弱冠扶父衡陽太守柅歸洛過澧州藥山

古寺宛若宿契緣此出家既得度遊方叅學得法汾陽應緣滁水與明州雪竇顯禪師雲門宗派同時唱

道四方謂之二甘露門逮今淮南

遺化如在師嗣汾陽昭禪師續燈錄

辛巳慶厯元年

大契丹

重熙九年

西夏

湖州淨覺法師仁岳撰楞嚴經集解十卷說題一卷熏聞記五卷翰林侍讀學士知制誥胡宿序之曰室中千燈多光五入堂下六樂正聲相宣鼓吹妙經藻火圓教法施宣方法哉師英宗治平元年三月二十四日入寂葬全身何山傳本

壬午

慶曆二年

大契丹

重熙十年

西夏

癸未

慶曆三年

大契丹

重熙十一年

西夏

來宋請和

西夏趙元昊夏四月遣使來宋稱臣請和
又復遣使稱男不稱臣但稱臣於契丹

錄

譯經院朝散大夫試鴻臚卿光梵大師惟淨見執
政裁省譯院之務預自奏疏乞罷帝曰三聖崇奉
朕而敢罷且琛貢所籍名件皆異域文字非鴻臚
誰識不几未幾御史中丞孔道輔等果乞罷譯館
帝出淨疏示之道
輔之論遂止

湘山錄

御讚佛牙

夏旱損稼六月詔迎相國寺佛牙禱于
禁中隨時大雨其佛牙舍利祖宗御封

帝手啓之灌以海上薔薇水得舍利一顆五色光
發帝貯以琉璃餅製贊曰三皇掩質皆歸土五帝

潜形已化塵夫子域中稱至聖老君世上亦言真
埋軀只見空遺塚何處將身示後人惟有吾師金
骨在曾經百煉以太氣試色長新以七寶莊嚴金盃
貯之藉以白氈覆以瓔珞龍鳳之衣供養踰月造
金殿四門以象天宮而歸之詳見翰林
知制誥王珪三朝御贊佛牙舍利序詩

甲申

慶曆四年

大契丹

重熙十二年

西夏

宋冊趙元昊為國主

十二月宋冊元昊為夏國主歲賜
銀絹二十三萬元昊更名囊霄繼

乙酉

慶曆五年

大契丹

重熙十三年

歐陽公脩自諫院除河北都轉運使左遷滁州遊
廬山東林圓通寺遇祖印禪師居訥談論大教折
中儒佛與韓文公
見大類相類外歐陽

欽定四庫全書

新氏刊古署
卷四

二十四

丙戌

慶歷六年

大契丹

重熙十四年

楊歧

袁州楊歧山禪師名方會郡之宜春冷氏子弱冠至瑞州九峯恍若舊遊遂投師剃落每

閱經心融神會叅慈明圓禪師圓自南源遷道吾赴石霜師皆佐之總院務依之雖久然未有省發每咨叅圓曰庫司事繁且去他日又叅圓曰監寺異時兒孫遍天下在何用忙為圓適出雨忽作師偵之小徑擲住曰這老漢今日須與我說不說我便打圓曰監寺知是般事便休語未卒師大悟即拜於泥塗來日具威儀詣方丈禮謝圓呵曰未蓋示寂焉皇祐元年建塔于本山嗣明寺會元

丁亥

慶歷七年

大契丹

重熙十五年

貝州王則反則元隸宣殷軍小校以妖術惑衆據
貝州僭號東平王國曰安陽改年號曰德勝尋滅

之

戊子

慶曆八年

大契丹

重熙十六年

己丑皇祐元年

大契丹

重熙十七年

汴京自周朝毀寺太祖建隆間復興兩街止是南
山律部慈恩賢首疏鈔義學而已士大夫聰明超
軼者皆厭聞名相因果而天台止觀達摩禪宗未
行也淳化_{年太宗}以來四明尊者知禮天竺懺主遵
式行道東南而觀心宗服照耿天下翰林楊億晁
迥首發明之至是內侍李允寧奏施汴宅一區創
興禪席帝賜額曰十方淨因禪院帝留意空宗下
三省定議召有道者住持歐陽公脩程公師孟奏

欽定四庫全書

新刊古史
卷四

二十五

請廬山圓通寺居訥允寧奏施汴宅下江州訥稱
目疾不起帝益敬重聽舉自代訥乃以懷璉應詔
傳僧寶

江西湖東道江州路廬山圓通禪寺禪師名居訥
梓州陳寔氏子生而英偉讀書過目成誦年十一
出家十七試法華經得度隸業講肆會禪者南四
勉其叅詣於是偏歷荆楚間迄無所得至襄州榮
禪師處密契心要留止十年遊廬山道望日重南
康守程師孟請住歸宗遷國通至是淨因詔之不
起舉懷璉以自代天下賢訥為知人既老休居寶
積巖神宗熙寧四年二月八日無疾端坐而逝壽
六十二臘四十五塔于巖塢師禪坐初叉手自如
至中夜漸升至膺侍僧每候之以待晚色師嗣襄
州子榮禪師榮嗣智門祚祚嗣
香林遠嗣雲門偃禪師傳僧寶

庚寅

皇祐二年

大覺璉

禪師名懷璉福建道漳州龍溪陳氏子齣

泐潭法席投機承印可事之十餘年遊廬山掌訥
禪師記室於圓通昨皇祐元年詔圓通居訥禪師
住持左街十方淨因禪院訥舉師代已至是庚寅
二月十九日召對化成殿問佛法大意奏對稱旨
賜號大覺禪師齋畢傳宣劾南方禪材儀範開堂
演法又宣左街副僧錄慈雲大師清滿啓白倡曰
帝苑春回皇家會啓萬乘既臨於舜殿兩街護奉
於堯眉爰當和煦之辰正是闡揚之日宣談祖道
上副宸衷問答罷乃曰古佛堂中曾無異說流通
句內誠有多談得之者妙用無虧失之者觸途成
滯所以谿山雲月處處同風水鳥樹林頭頭顯道
若向迦葉門下直得堯風蕩蕩舜日高明野老謳

哥漁人鼓舞當此之時純樂無為之化焉知有恙
麼事皇情大悅後遣中使問曰才去豎拂又立難
當師即以頌回進曰有節非干竹三星遶月宮一
人居日下弗與衆人同帝覽大悅詔入對便殿賜
羅扇御題元寂頌於上帝與師問答詩頌書以賜
之凡十有七篇至和二年三月師乞老山居進頌
曰六載皇都唱祖機兩魯金殿奉天威青山隱去
欣何得滿篋唯將御頌歸御和頌曰佛祖明明了
上機機前薦得始全威青山般若如如體御頌收
將甚處歸仍遣使宣諭曰山即如如體也將安歸
乎且住京國作興佛法師再進頌謝曰中使傳宣
出禁園再令臣住此禪扉青山未許藏千拙白髮
將何補萬機霄露恩輝方湛湛林泉情味苦依依
堯仁況是如天闊應任孤雲自在飛帝初閱投子
山禪師語錄僧問如何是露地白牛投云叱叱由
此有契乃製釋典頌十四首今以一賜師曰若問

主人公真寂合太空三頭并六臂臘月正春風師
進和曰若問主人公澄澄類碧空雷雲時鼓動天
地盡和風帝覽之宣賜龍腦鉢孟師謝恩罷乃曰
佛法以壞色衣以瓦鐵器此鉢非法遂焚之中使
回奏帝嘆訝久之修撰孫覺莘老以書問宗教師
答之其畧曰妙道之意聖人嘗寓之易至周衰先
王之法壞禮義亡然後奇言異術間出而亂俗迨
我釋迦入中土醇以第一義示人而始末說為慈
悲以化衆生亦所以趣時也自生民以來淳朴未
散則三皇之教簡而素春也及情實日鑿則五帝
之教詳而文夏也時與世異情隨日遷故三王之
教密而嚴秋也昔商周之誥誓後世學者有所難
曉彼當時人民聽之而不違則俗與今如何也及
其弊而為秦漢也則無所不至而天下有不忍願
聞者於是我佛如來一推之以性命之理教之以
慈悲之行冬也天有四時循環以生成萬物而聖

人之教迭相扶持以化成天下亦猶是而已矣至其極也皆不能無弊弊跡也道則一耳要當有聖賢者世起而救之也自秦漢至今千有餘歲風俗靡靡愈薄聖人之教裂而鼎立互相詆訾不知所從大道寥寥而莫知返良可嘆也師以禪寂自任持律嚴甚於都城之西構精舍舜老夫禪師名曉舜住廬山棲賢為郡吏臨以事民其衣依師而住師館之于正寢而自處偏室執弟子禮甚恭王公貴人來候者恠之師具以實對曰吾少嘗問道於舜今其不幸其可以像服二吾心哉帝知之賜舜再落髮仍住棲賢寺舜瑞州人住南康雲居嗣洞山曉聰禪師聰嗣文殊應真真嗣德山緣緣密嗣雲門偃禪師舜於璉昆季也英宗治平二年師上疏丐歸帝付以劄子曰大覺禪師懷璉受先帝聖眷累錫宸章屢貢款誠乞歸林下今從所請俾遂閒心凡經過小可庵院隨其住持或十方禪林不

得逼抑堅請師攜之東歸鮮有知者既渡江少留金山西湖四明郡守以阿育王山廣利禪寺虛席

迎之九峯詔公作疏勸請師乃赴之九峯鑿詔四峯泐澤澄

明之人相與出力建大閣藏所賜御製詩頌榜之

曰宸奎翰林學士兼侍讀端明殿學士蘇軾為記

軾以書問之曰承意作宸奎閣碑謹已撰成哀朽

廢學不知堪上石否見衆寥說禪師出京日英廟

賜手詔其畧云任性住持不知果有否如有切請

錄示全文欲添入此一節師終藏而不出逮委順

後獲於篋筍江西瑩仲溫羅湖錄稱之曰大覺之

不暴耀足以羞挾權持寵者之顏若夫仁廟萬機

之暇與璉唱醅揮宗乘以資至治所以宸奎閣

闕謂得佛心法古今一人而已誠哉斯言也大覺

年八十二歲哲宗元祐五年無疾而化師嗣泐潭

澄澄嗣五祖戒戒嗣雙泉

寬寬嗣雲門偃禪師會五元

浮山九帶

禪師諱法遠鄭州王氏子年十九遊并州冀寧路今投三交嵩公出家為沙彌侍

嵩有省進具後謁汾陽昭葉縣省皆蒙印可嘗與達觀穎薛大頭七八輩遊蜀幾遭橫逆師以智脫之衆以師曉吏事故號遠錄公住舒州安慶路浮山號圓鑒禪師歐陽公脩聞師奇逸造其室未有以異之與客茗師坐其旁文忠遽收局請因茗說法師即令搥鼓陞座曰若論此事如兩家茗若相似何謂也敵手知音當機不讓若是綴五饒三叉通一路始得有一般底祇解閉門作活不能奪角銜闢硬節與虎口齊張局破後徒勞連幹所以道肥邊易得瘦肚難求思行則往往失黏心麤而時時頭撞休誇國手謾說神仙贏局輸籌即不問且道黑白未分時一著落在甚麼處良久曰從來十九路迷悟幾多人文忠嘉歎久之從容謂同僚曰脩初疑禪語為虛誕今見此老機緣所得所造非

悟明於心地安能有此妙旨哉范文正公請師開
山住持平江路蘇天平寺暮年歸休會聖巖叙佛
祖奧義作九帶年七十餘而歸寂自稱柴石野人
師嗣汝州葉縣廣教院禪師歸省省嗣首山念
嗣風穴沼沼嗣南院顯顯嗣興化
獎獎嗣臨濟玄禪師九帶全塔文見
夏五月十八日台州東掖山神照法師本如入寂
師從法智悟經王而繼慈雲東掖三十年嗣子植

庵有嚴白蓮處咸
神悟處謙鐵行錄

心經

李觀字泰伯盱江人時稱大儒至是皇祐二
年范文正公以表薦之就門除一官復差充

大學說書未幾而卒泰伯初嘗著潛書又廣潛書
力於排佛明教大師高公攜所著輔教編謁之辯
明泰伯方留意讀佛經乃悵然曰吾輩議論尚未
及一卷般若心經佛道豈易知耶其門下士黃漢

儒者以書詰其然泰伯荅之畧曰民之欲善蓋其天性古之儒者用於世必有以教導之民之耳目鼻口心知百體皆有所主其異端何暇及哉後之儒者用於世則無以教導之民之耳目鼻口心如百體皆無所主舍浮圖何適哉婦經心經凡三譯皆行于世今泰伯所稱者乃唐太宗詔三藏法師玄奘所譯之本五十四句二百六十七字

辛卯

皇祐佛宗寂大契丹三年二十年

重熙十九年

西夏

壬辰

皇祐四年

大契丹

重熙二十年

儂智高陷雍州即州建大南國僭號仁惠皇帝改元啓歷據南詔南詔去蜀二千餘里

雪竇

明州雪竇山禪師名重顯字隱之太平興國五年四月八日生遂寧府李氏幼依益州普

安院仁鏡上人出家受具出蜀浮沈荆渚間嘗與
賓大陽北遊至復州北塔祚禪師愛師精銳留止
五年盡得其道將造錢塘值曾學士於淮南曾以
書薦師於靈隱珊禪師師至陸沉已三年曾公奉
使浙西訪師於靈隱堂僧千餘人無識之者檢床
歷物色得之曾問向所附書師袖而納之曾大笑
珊益以奇之師出世蘇州翠峯遷明州雪竇宗風
大振至是皇祐四年六月十日一作七月沐浴出杖
屨衣盂散及徒衆攝衣北首而逝壽七十三夏五
十全身塔于寺之西塢賜號明覺大師得法上首
天衣懷禪師等師暮年悲學者尋流失源作為道
日損偈曰三分光陰二早過靈臺一點不措磨貪
生逐日區區去喚不迴頭爭奈何其數揚宗旨妙
語偈頌徧播叢林師嗣智門祚祚嗣香林遠遠嗣
雲門偃

禪師

傳燈錄

癸巳

皇祐五年

大契丹

重熙二十一年

西夏

知制誥呂溱出知杭州首請法智下第一世實相法師梵臻以天台教觀主天竺看經院紅牒

甲午至和元年

大契丹

重熙二十二年

宋封孔愿

曰衍聖公

乙未

二年

大契丹二十三年八月

西夏

月改元清寧

八月契丹主崩在位二十五年壽四十一歲諡曰文成皇帝廟號興宗子洪基立改重熙二十三年為清寧元年

丙申

嘉祐元年

大契丹

清寧二年

丁酉

嘉祐二年

大契丹

清寧三年

戊戌

嘉祐三年

大契丹

清寧四年

定祖圖

明教大師契嵩明道年間從龍興西山歐陽氏昉反祀兩借其家所藏之書讀於奉聖

院遂以佛五戒十善通儒之五常著為原教是時歐陽文忠公修纂韓文公昌黎排佛盱江李泰伯亦其流師乃攜所業謁泰伯以論儒釋脗合且抗其說泰伯愛其文之高服其理之勝因致書譽師於文忠公既而師居杭州靈隱撰正宗記定祖圖至是嘉祐三年齋往京師經開封府投狀府尹王公素仲儀以劄子進之曰臣今有杭州靈隱寺僧契嵩經臣陳狀稱禪門傳法祖宗未甚分明教門淺學各執傳記古今多有爭競故討論大藏經備得禪門祖宗所出本末因刪繁撮要撰成傳法正宗記一十二卷并畫祖圖一面以正傳記謬誤兼註輔教編四十篇印本一部三卷上陛下書一封

欽定四庫全書

卷四

三十一

並不干求恩澤乞臣繳進臣於釋教粗曾留心觀其筆削註述故非臆論頗亦精緻陛下萬機之暇深得法樂願賜聖覽如有可采乞降中書看詳特與編入大藏目錄取進止帝覽其書可其奏乃送中書丞相韓魏公琦參政歐陽文忠公脩相與觀嘆歐陽公曰不意僧中有此郎探經考證既無訛謬於是朝廷旌以明教大師號賜書入藏中書劄子曰權知開封府王素奏杭州靈隱寺僧契嵩撰成傳法正宗記并輔教編三卷宜令傳法院於藏經內收附劄付傳法院準此初出瑩仲溫羅湖文集正宗記下仲溫瑩公贊之曰嵩之高文至論是以寄宣大化既經進獻獲收附於大藏則維持法網之功日月不能老矣嗟夫吾徒有終身不過目者豈知潛利陰益所自耶

己亥

嘉祐四年

大契丹

清寧五年

西夏

歐陽公脩宋公祁修唐書成修又撰五代史七十
四卷洪邁容齋三筆曰舊唐書五代史二書關佛

氏處新書

史刪盡矣

四月帝以周恭帝子崇義
公給田千頃令奉周祀

帝紀

庚子

嘉祐五年

大契丹

清寧六年

西夏

達觀禪師名曇穎杭州錢塘丘氏子年十三依龍
興寺為大僧二十遊京師師為人奇逸智識敏妙
書史無不觀詞章尤雅麗夏文莊公疎王文康公
曙歐陽文忠公脩節度使李端愍端愿咸扣玄關
敬以師禮殊相樂也時錄其語目之曰登門集師
初謁大陽明安禪師次謁石門聰公侍之日久盡
契玄奧東遊初任舒州今安慶路香爐峯遷潤州今鎮江
因聖太平之隱靜明州雪竇再遷潤之金山至是

嘉祐四年除夕遣侍者持書別揚州刁景純學士
曰明旦當行不暇相見厚自愛刁驚曰當奈何乃
復書訣別馳書吏至岸師遽命擊鼓陞座叙出世
本末勉衆勿怠又曰吾化當以賢監寺補次金山
師下座讀景純書畢歸方丈大衆擁隨之跣趺良
久乃化壽七十二夏五十三師嗣襄州谷隱山慈
照禪師蘊聰聰嗣首山念念嗣風穴沼臨濟派也
燈達觀嘗作性辯其文曰古今聖賢言性者只得
情也脫能窮理不能盡性何也不知三才萬物皆
性也天性上地性下金利水濕木直火熱土厚此
五行性也統而論之精而察之萬物之性皎然可
見矣就中最靈者人也陰陽交造而生變化而動
者情也約人情純粹者也其所以可上可下為賢
為愚受性上者君子也外情不能惑性雖混於小
人猶金玉之土石耳至於堯舜禹湯垂名萬古乃
當時保高位守常道而察人情隨性立法也桀紂

幽厲感富貴失大寶縱自性被情遷也天地雖無
情風雨四時易其候山川萬物亂其形唯人居中
度天時隨地利而不失其節所以人為天地心也
情意識皆本乎性也隨物所顯故外有多名耳餘
不可備叙也情者心也牽於用意者志也記於事
識者知也辯於物愛惡喜怒皆情也夫為大聖人
者性決定也不被外惑不為情牽性制於情也所
以我教謂之正覺者也易唯知窮理盡性之說而
未見乎出古入今

之道者也

僧寶

越州天衣禪師名義懷温州樂清陳氏子長遊京
師依景德寺為童行天聖年間試經得度師七座
道場晚年以病居池陽杉山庵門弟子杭州臨平
山佛出禪師智才迎歸侍奉至是嘉祐五年才往
蘇州師速其歸才至師說偈曰紅日照扶桑寒雲
封華嶽三更過鐵圍拶折驪龍角才曰却塔既成

如何是畢竟事師舉拳示之遂就寢推枕而寂塔
全身寺東之原師嗣雪竇顯禪師徽宗崇寧中謚

振宗
禪師

辛丑

嘉祐六年

大契丹

清寧七年

西夏

文潞公彥博以使相鎮魏府曰北京也文慧禪師
名重元居天鉢寺一日言別公曰師老矣復何往

師曰入滅去公語其子友甫曰元公道韻深穩言

笑有味非常僧也往候之果已坐脫方盛暑香風

襲人火化煙色白瑩舍利無數公執上所賜白琉璃

瓶祝曰舍利可得乎煙即入瓶中舍利填滿公

愈信重留心內典師生青州千乘孫氏年十七出

家冠歲圓具遊方至天衣法席頓悟玄旨天衣曰

此吾家千里駒也師四易名藍在

處緇白仰慕嗣天衣懷禪師傳燈錄

會正記

堪律師所作師名允堪錢塘人幼從天台崇教大師慧思祝髮學無不通專精律部

慶厯皇祐以來依律建戒壇于杭之大昭慶蘇之開元秀之精嚴歲歲度僧祝延聖壽師著會正記等文十二本講續南山宣律師之律藏自其後有靈芝律師元照繼嗣其宗焉師是年十一月二十六日入寂於昭慶移塔西湖
善提號真悟智圓大律師銘塔

壬寅

嘉祐七年

大契丹

清寧八年

雲峰禪師名文悅生隆興徐氏七歲剃髮於龍興寺粹美有精識年十九徧叅江淮意詣荊州金鑾瑞州大愚先至大愚見芝禪師屋老僧殘荒涼如傳舍芝自提笠日走市井暮歸閉闔高枕欲去之芝適上堂曰大家相聚喫茱萸喚作一茱萸入地獄如箭射下座師駭焉夜造丈室芝曰來何所求

曰求佛心法芝曰我忍飢不暇何暇為汝說法汝
可為衆乞飯去師即請行未幾芝遷西山翠巖師
從之詣丈室芝曰又欲求佛心法耶汝不念昨住
屋壁踈漏且寒雪我忍寒不能何能為汝說法佛
法未到爛却可為衆營炭師奉命及還維那闕職
師造丈室芝曰佛法不怕爛却堂司一職今以煩
汝師有難色欲棄去自念勤勞日久何得中止然
抑有恨於芝適後架架上桶籊爆桶墮地乃大悟
頓見芝從前用處亟著伽梨走至寢堂芝迎笑曰
維那且喜大事了畢師再拜汗下服勤八年而芝
歿師東遊三吳所至叢林改觀雪竇顯禪師尤敬
畏之每集衆茶必橫設特榻示禮異之南昌移文
請住翠峯又遷雲峯上堂曰語不離窠臼焉能出
蓋纏片雲橫谷口迷却幾人源所以道言無展事
語不投機承言者喪滯句者迷汝等諸人到這裏
憑何話會良久曰欲得不招無問業莫謗如來正

法輪上堂有情之本依智海以為源含識之流總
法身而為體祇為情生智隔想變體殊達本情忘
知心體合諸禪德會歷古佛與露柱相承佛殿與
燈籠關額若也不會單重交折至是嘉祐七年七
月八日陞座辭衆說偈曰住世六十六年為僧五
十九夏禪流若得旨歸鼻孔大頭向下遂泊然而
逝闍維五色舍利塔於禹溪北師嗣大愚禪師
守芝芝嗣汾陽善昭昭嗣首山念禪師僧寶

癸卯

嘉祐三月大契丹
八年帝崩

清寧九年

西夏

英宗

諱曙濮王子太宗孫也即位年
三十三在位四年壽三十七歲

治平

四

甲辰治平元年

大契丹

清寧十年

西夏

寇宋邊

乙巳

治平二年

貢行大契丹
明矣歷

咸雍元年

秋八月三日都城大雨水泛漲下詔求直言歸田
宰相魯公亮嘗因數陳知杭州沈文通奏天竺看

經院寺也世觀世音菩薩始自石晉至今治平福天
下澤民生前後靈跡甚著蒙旨賜曰天竺靈感觀

音院端明殿學士禮部侍郎蔡襄繼
守是邦一新院宇用揭新額

丙午

治平三年

大遼

咸雍二年

契丹復
號曰遼

西夏 寇宋邊

丁未

治平四年

帝崩

咸雍三年

正月詔民間私造寺院屋宇及三十
間者悉存之普賜額曰壽聖

宋繪
壽聖

神宗

諱顓英宗子年二十即位銳意求治 大教東被
卒于涇肆在位十八年壽三十八歲 一千年矣

熙寧十
元豐八

戊申熙寧元年

大遼

熙寧四年

己酉

熙寧二年

大遼

熙寧五年

西夏

宋冊東常
為夏國主

隆興府黃龍禪師名慧南信州章氏子依泐潭澄
禪師分座接物名振諸方偶同雲峯悅禪師遊西
山夜話雲門法道峯曰澄公雖是雲門之後法道
異矣師詰其所以異峯曰雲門如九轉丹砂點鐵
成金澄公藥汞銀徒可翫入煅則流去師怒以枕
投之明日峯謝過又曰雲門氣宇如王甘死語下
乎有法授人者死語也死語能活人乎師曰若如
是則誰可汝意峯曰石霜圓手段出諸方子宜見
之師即造焉中途聞慈明不事事忽叢林遂登衡
嶽謁福嚴賢命師掌書記俄賢卒郡守以慈明補

席入院貶剥諸方件件數為邪解師為之氣索遂
造其室明曰書記領徒遊方借使有疑可坐而商
畧師哀懇愈切明曰公學雲門禪必善其旨如云
放洞山三十棒是有喫棒分是無喫棒分師曰有
喫棒分明色莊曰從朝至暮鵲噪鴉鳴皆合喫棒
師遽炷香作禮明端坐受之復問之曰趙州道臺
山婆子我為汝勘破了也且那裏是他勘破婆子
處師汗下不能加荅次日又詣明詰罵不已師曰
罵豈是慈悲法施耶明曰你作罵會那師於言下
大悟作頌曰傑出叢林是趙州老婆勘破有來由
而今四海清如鏡行人莫與路為難呈慈明明頌
之後開法同安初授請日泐潭來僧審提唱之語
有曰智海無性因覺妄而成凡覺妄元虛即凡心
而見佛便爾休去將謂同安無折合隨汝顛倒所
欲南斗七北斗八僧舉似澄澄不懌師住黃龍室
中設三轉語人人有箇生緣舉手曰我手何似佛

手垂足曰我脚何似驢脚叢林目曰黃龍三闍遷
黃蘗師嗣慈明圓禪師至是熙寧二年三月十七
日午刻饌客罷起至寢室前大衆肅侍跏趺端坐
而逝闍維似舍利五色塔于前山謚普覺禪師傳
嗣弟子真淨克文東林
常總晦堂祖心等錄燈

佛印禪師名了元字覺老饒州浮梁林氏子世業
儒幼歲出家實積寺禮沙門日用為師試法華經
受具遊廬山謁開先進禪師暹稱賞之年十七謁
圓通訥禪師訥以書記懷璉應詔虛其職以師補
之年二十八住江州承天為開先之嗣自承天遷
淮之斗方廬山之開先歸宗潤之金山焦山江西
袁州之大仰住雲居四十年間德洽錙素蘇翰林
軾謫黃州師住廬山歸宗與黃州對岸相與酬酢
章句哲宗元符元年正月四日談話別衆一笑而
化世壽六十七歲僧夏五十有二師嗣開先善還

退嗣德山遠遠嗣雙泉

郁郁嗣雲門偃禪師燈緒

庚戌

熙寧三年

大遼

咸雍六年

西夏

富鄭公弼以使相鎮亳州迎至潁州華嚴禪院證
悟禪師脩顯語決心法及致仕居洛陽以頌寄蘇
州圓照本禪師曰曾見顯師悟入深因緣傳得老
師心東南謾說江山遠目對靈光與妙音仍有書
曰弼留心祖道為日已久常恨不遇明眼人開發
蒙陋雖久聞盛德而無由瞻謁昨幸出守亳社與
潁川接境因里人張比部景山請得顯師下訪相
聚幾一月以慈悲方便之力令有悟處會結夏逼
日四月初遽且歸潁其於指磨淘汰則殊未有功
衰病相仍昏鈍難入昔古靈師所謂不期臨老得
聞極則事見之於弼今日矣天幸天幸弼雖得法
於顯師然本源由老和尚而來宗派甚的必須亦

欲成持更望垂慈攝受遠賜接引未至今
至則為南嶽下龐蘊百丈下裴休也經訓

趙清獻公拈平居以北京

名今路大

天鉢重元禪師天

懋為方外友而咨決心法暨牧青州日聞雷有省

即說偈曰退食公堂自凭几不動不搖心似水霹

靂一聲透頂門驚起從前自家底舉頭蒼蒼喜復

喜刹刹塵塵無不是中下之人不得聞妙用神通

而已矣已而答富鄭公書畧曰近者旋附節本傳

燈三卷當已通呈今承制宋威去餘七軸上納拈

伏思西方聖人教外別傳之法不為中夏根機之

所設也上智則頓悟而入一得永得愚者則迷而

不復千差萬別唯佛與祖以心傳心其利生接物

而不得已者遂有棒喝拳指揚眉瞬目拈椎豎拂

語言文字種種方便去聖逾遠諸方學徒忘本逐

末棄源隨波滔滔皆是斯所謂可憐憫者矣拈不

佞去年秋初在青州因有所感既已稍知本性無

欠無餘古人謂安樂法門信不誣也比蒙太傅侍
中俾求禪錄抄素出恩紀聞之喜快不覺手舞而
足蹈之也伏惟執事富貴如是之極道德如是之
盛福壽康寧如是之備退休閒逸如是之高其所
未甚留意者如來一大事因緣而已今茲又復於
真性有所悟入抃敢為賀於門下也清獻公至是
元豐元年以太子少保致政歸衡州與里民不問
位貌築居曰高齋有偈見意曰腰佩黃金已退歲
箇中消息也尋常時人要識高齋老只是柯村趙
四郎又誌其壽塋曰吾政已致壽七十二百歲之
後歸此山地彼真法身不即不離充滿大千普現
悲智不可得藏不可得置壽塋之說如是如是公

元豐七年秋
八月薨

羅湖集錄

辛亥

熙寧四年

大遼

咸雍七年

西夏

十一月夏

請和於宋

夏六月歐陽公脩以觀文殿學士太子少師致仕
居潁州公以文章道德為儒者宗心雖一貫言必
排釋氏仁宗嘉祐五年為樞密副使六年閏八月
參知政事兼譯經潤文使既登二府多病嘗夢至
一所十人冠冕環坐一人曰參政安得至此宜速
反舍公出門數步復往問之君等豈非釋氏所謂
十王者乎曰然因問世人飯僧造經果有益乎曰
安得無既寤病良已自是深信佛法丹陽葛勝仲
得此說於簡齋陳與義與義得於
公之孫恕昭然也吳克齋語陽秋

壬子

熙寧五年

大遼

咸雍八年

西夏

實相法師梵臻是歲居杭州南
屏興教寺通守蘇軾敬之遺教軌

舒州慶也白雲禪師名守端衡陽葛氏子幼事翰
墨冠依茶陵郁禪師披剃往叅楊岐岐一日忽問

受業師為誰師曰茶陵郁和尚歧曰吾聞伊過橋
遭蹶有省作偈能記否師誦曰我有明珠一顆久
被塵勞闕鎖今朝塵盡光生照破山河萬朵歧笑
而趨起師愕然通夕不寐黎明咨詢之適歲暮歧
曰汝見昨日打驅儺者麼曰見歧曰汝一籌不及
渠師復駭曰意旨如何歧曰渠愛人笑汝怕人笑
師大悟巾侍久之辭遊廬山圓通訥禪師舉師住
承天聲名籍甚又遜君圓通法徒法華龍門興化
海會所至衆如雲集至是熙寧五年入寂壽
四十八歲嗣楊歧會會嗣慈明圓禪師傳寶

癸丑

熙寧六年

大遼

咸雍九年

西夏

三月夏

寇泰州

秋七月十七日天竺靈山寺海月大師慧辯晨起
盥潔謝衆趺坐而寂杭州通守蘇軾弔以三詩序
而贊之辯之後慧淨大師思義義有四弟子德賢
仲元永堪慧月皆相踵主法元之弟子曰慈明大

師慧觀又繼日師住持觀收慈雲懺

主詩文為靈苑金園天竺三集

天竺事跡

甲寅

熙寧七年

大遼

咸雍十年

西夏

乙卯

熙寧八年

大遼

咸雍十一年

丙辰

熙寧九年

大遼

咸雍十二年

丁巳

熙寧十年

大遼

咸雍十三年

荆國公王安石臨川人至是熙寧三年冬十二月

拜相七年夏四月不雨安石罷相八年二月再相

紀帝九年冬十月安石罷政歸建康十年奏施建康

舊第為禪寺請克文住持帝賜額曰報寧賜文號

真淨禪師文隆興寶峯雲庵禪師也名克文生陝

府鄭氏參黃龍南禪師深得玄奧嗣南禪師至徽

欽定四庫全書

卷四

四

宗崇寧元年十月十五日出道具散諸徒中夜沐浴更衣趺坐而逝煙焰五色所至皆舍利分骨葬

泐潭新豐焉

木碑記

荆公謂蔣山

建康

佛慧泉禪師曰

世尊拈花迦葉微笑頃在翰苑偶見大梵王問佛

決疑經三卷有云梵王在靈山會上以金色波羅

華獻佛請佛說法世尊登座拈華示衆人天百萬

悉皆罔措獨迦葉破顏微笑世尊曰吾

有正法眼藏涅槃妙心分付迦葉

集漢

佛慧禪師名法泉生隨州時氏

路隨州

號泉萬卷遍參知識

湖北道州

出家羣書博覽過目成誦雅號泉萬卷遍參知識

玄機穎悟應世住持屢遷大刹住蔣山日

建康

因

雪上堂召大衆曰還有過得此色者麼良久曰文

殊笑普賢喚眼裏無筋一世貧相逢盡道休官去

林下何曾見一人上堂快人一言快馬一鞭若更

眼睛定動未免紙裏麻纏脚下是地頭上是天不

信但看入九月紛紛黃葉滿山川晚年詔住京城

大相國智海禪寺上堂問衆曰赴智海留蔣山如
何即是衆莫知對便歸方丈索筆書偈曰非佛非
心徒擬議得皮得髓謾商量臨行珍重諸禪侶門
外青山正夕陽擲筆跏趺而逝使回奏帝訝之勅
謚佛慧禪師師嗣雲居晚齊禪師齊師嗣洞山
聰聰嗣文殊真真真嗣德山密密密嗣雲門偃禪師偃
錄師嘗作北印行治陽其文曰前山後山高我我
喪車麟麟日日過哀歌幽怨滿巖谷聞者潛悲薤
露歌哀歌一聲千載別孝子順孫徒泣血世間何
物得堅牢大海須彌竟磨滅人生還如露易晞從
來有會終別離苦樂哀感不暫輟沉復百年驚夢
馳去人悠悠不復至今人不會古人意栽松起石
駐墓門欲為死者長年計魂魄悠揚形化土五趣
獄獄人人生生魂魂茫茫井輪度今人還葬古人墳今墳古墳
無定主洛陽城裏千萬人終為北印山下塵沉迷
不記歸時路為君孤坐長悲辛昔日送人哭長道

欽定四庫全書

卷四

今為孤墳卧芳草妖狐穿穴藏子孫耕夫掘骨尋
珠寶老木蕭蕭生野風東西壞塚連晴空寒食已
過誰享祀塚畔餘花寂寞紅日月相催若流矢貧
富賢愚盡如此安得同遊常樂鄉縱經劫火無生
死

仲溫
紀雲
談

夏京輔大旱帝齋禱甚力夜夢一僧馳馬空中口
吐雲霧既而沛然雨足帝大悅使以像求之得於
京城相國寺山門閣五百羅漢中第十三尊者也
宰相王珪賀以詩曰良弼為霖承眷望神僧作霧
應精求叅政元絳曰仙驥乘雲穿仗下
下佛花吹雨匝天流人爭誦之

東軒
筆

戊午元豐元年

大遼

咸雍十四年

西夏

杭州南山法師慧才解行入四明法智尊者之室
每持大悲咒必百八遍而後止嘗夢觀世音菩薩

脫袈裟以衣之至是春三月為靈芝元照及道俗
千人授菩薩大戒于雷峯方羯磨觀音像故光明
初貫寶鏃漸散講堂燈炬日光皆為映奪淨慈法
真禪師守一作證戒光記米芾書龍井辯才法師
元淨立
石塔靈芝銘

己未

元豐二年

大遼

咸雍十五年

西夏

冬十月二十日慈聖光獻太皇太后曹氏崩宣淨
因禪師道臻入慶壽宮陞座說法僧問慈聖僊遊
定歸何處師曰水流元在海月落不離天宮庭無
不如敬稱之曰善帝悅賜與甚厚及神宗上僊哲
宗詔師福寧殿登高座說法詔曰禪
師道臻素有德行可賜號淨照禪師

禪師名道臻字伯祥生福州古田戴氏幼不茹暈
十四歲出家上生院又六年為大僧閱大小經論

置之曰此方便說耳即持一鉢走江淮遍叅知識得旨於浮山遠禪師遊京師謁大覺璉禪師於淨因璉使首衆僧於座下璉公歸吳衆請師繼住淨因開堂日英宗遣中使降香賜紫方袍徽號京師四方稱慶至哲宗元祐八年八月十七日沐浴更衣說偈已跏趺而化壽八十歲僧臘六十一師嗣浮山法遠禪師遠嗣葉縣省省嗣首山念念嗣風穴沼沼嗣南院顥顥嗣興化獎獎嗣臨濟玄禪師

實井
侍僧

事東
嘉郡

庚申

元豐三年

大遼

咸雍十六年

西夏

譯經官制自唐以來至是元豐譯經僧官皆授試光祿卿少卿試鴻臚卿少卿今改賜試卿曰三藏大法師試少卿曰三藏法師

客齋
三筆

文同字與可東川梓潼人嘗守洋州浙西湖州歷館職文行高潔畫竹精妙至是一夕沐浴冠帶正坐而逝館職崔公度聞之驚曰昨別與可於州南意翛翛然曰明日復來乎與公畫公度攜賓往候觀其畫也與可不荅明日獨往與可曰與公畫遂左右顧恐有聽者與可徐曰吾聞人不妄語者舌可過鼻即吐舌引至眉間三疊如餅狀今言其死與可信異人也

東都事本傳

辛酉

元豐四年

大遼

咸雍十七年

西夏

蘇州

江都

瑞光寺禪師宗本移住杭州淨慈奔走

僧如

天下

禪子

道場甚盛靈芝照律師送布三衣

僧如

今遵

奉事

因時舉道藉人弘勉其受持為後學勸

師受之

終身

食用瓦鉢陞座

說法

服此

大布之衣

照律師行業記

丞相張無盡居士英諱商平居與廬山東林照覺總
禪師為方外侶當是辛酉秋以序送羽士蹇拱宸
字翊之往參問於總曰成都道士蹇翊之來言於
余曰吾鄉羽衣之族世相與為婚姻娶妻生子與
俗流無異拱宸因觀道藏神僊傳記翻然覺悟當
吾血氣剛強視聽聰明喔咻嗚順吾耳青黃赤
白炫吾目甘脆膏腴爽吾口馨香馥烈適吾鼻滑
澤纖柔佚吾體歡欣動蕩感吾意此六寇者乘吾
瞽亂晝夜與吾相親而未嘗相釋也一旦吾之形
耗而羸氣耗而衰精耗而萎神耗而疲八風寒暑
之所薄百邪鬼祟之所欺陰魄欲沉陽魂欲飛則
六寇者曾莫吾代而天下之至苦吾獨當之房闥
之戀莫如婦血肉之恩莫如女拱宸於是悉囊中
之所有與之而謝去給以他事出遊百里遂泛涪
江下濮水歷縉雲出塗山訪岑公之洞府瞻神女
之祠觀而達於渚宮也將泛九江入廬山結茅於

錦繡之谷長嘯乎香爐之頂撫陶石以搖想挹遠
谿以濯足蓋吾之術以性為基以命為依始乎有
作終乎無為竊聞先生究離微之旨窮心跡之歸
奏無弦之曲駕鐵牛之機故不遠而來見先生也
當試為余言之余曰壯哉子之志乎難行能行難
棄能棄吾弗及子矣余適有口疾不能答子吾有
方外之侶曰常總居於東林必能決子
之疑請持吾之說而往問焉

見雲山記
溫仲談

壬戌

元豐五年

大遼

咸雍十八年

西夏

五月寇鄜延

詔中使梁從政開汴京相國寺六十四院為二禪
八律起自元豐庚申成是壬戌之秋以東西序為
慧林智海二臣禪剎驛詔杭州淨慈禪師宗本住
慧林江州廬山東林禪師常總住智海總辭之因
詔客之就賜號
廣慧禪師僧寶

冬十月八日溫州法師繼忠沐浴更衣結印坐脫
紅光亘空而西去忠得法於廣智尚賢述廣智傳
法智十類之義成十卷扶宗記一卷嗣法二子曰
從義有天台三大部補註一十四卷曰處元有義
例隨釋六卷輔贊記三卷元傳之道

淵淵傳道環即圓辯法師是也

釋傳

傳

東京慧林圓照禪師名宗本世稱生常州道西無錫管氏年十九依蘇州也

平江

承天永安道昇禪師

出家巾侍十年剃度受具又三年禮辭遊方至池陽謁天衣懷禪師悟旨漕使李公復圭請師開法

平江瑞光法席日盛杭州守陳公襄以承天興教

二利命師擇居蘇入擁道遮留又以淨慈為請移

文諭道俗曰借師三年為此邦植福不敢久占至

是元豐五年詔闢相國慧林禪刹召師為第一祖

既至開法翌日召對延和殿問道賜坐師即跏趺

帝悅賜茶師舉盞長吸蕩而撼之辭退帝目送之

謂左右曰真福慧僧也元豐七年駕幸相國慧林寺詔長老宗本禪衆無煩出迎帝升遐召師說法福寧殿賜號圓照禪師乞老林下得旨任便雲遊州郡不得抑令住持乃辭衆曰本是無家客那堪任意遊順風如檣棹船子下揚州晚居平江靈巖其嗣法傳道者不可勝紀哲宗元符二年十二月二十八日甲子將入滅沐浴而卧門弟子環擁請曰和尚道徧天下今日不可無偈師熟視之曰癡子我尋常尚嬾作偈今日特地圖作甚麼尋常要卧便卧不可特地今日坐也乃索筆大書曰後事付守榮擲筆慙卧若熟睡然撼之已去矣門人塔全身於靈巖山闕世八十五歲坐五十二夏師嗣天衣懷禪師嗣師之法道者曰脩顯省聰崇信守一等再傳如顯之有富鄭公弼聰之有蘇黃門轍信之有慈受禪師懷深五燈會元碑誌

江州東林禪師名常總生劍州尤溪施氏年十一
依寶雲寺文兆法師出家又八年落髮詣建州大
中寺契思律師受具初至吉州禾山聞南禪師之
道往歸宗依之經二十年盡得玄奧洪州太守榮
公修撰請住泐潭或謂馬祖再來元豐三年詔革
江州東林律居為禪刹觀文殿學士王公韶出守
南昌欲延寶覺心禪師主東林心舉師自代師聞
之宵遁去千餘里王公檄諸郡必得之得於新淦
殊山窮谷中遂乃應命學士蘇軾初遊廬山與師
契會及師之名達京師天子有詔住相國智海禪
院州郡敦請急於星火師固辭詔客之就賜紫衣
徽號廣慧禪師哲宗元祐三年徐王奏號照覺禪
師座下納衆常盈七百元祐六年九月示疾二十
五日沐浴安坐而逝十月八日葬全身鴈門塔公建
麟之東世壽六十七歲坐四
十九夏嗣黃龍南禪師續燈

癸亥

元豐六年

大遼

咸雍十九年

西夏

正月夏與數十

萬奄至蘭州

宋九月夏人納款仍乞還侵地撒邊戍長為蕃臣
乃賜秉常詔畧曰其地界已令鄜延經畧司指揮
保安軍牒宥州施行候宋封孟軻
疆界了日歲賜依舊錄曰鄆國公

甲子

元豐七年

大遼

咸雍二十年

西夏

二月夏人又寇延州
十一月上表求貢

冬十月越國大長公主集慶軍節度觀察留後尉
馬都尉張敦禮建法雲禪刹於國城之南既成詔
法秀開山賜號
圓通禪師錄燈

汴京法雲寺圓通禪師名法秀生秦州隴城辛氏
隨應乾寺魯和尚學經乃稱魯氏年十九為大僧
講大經章分句析機鋒不可觸京洛著聞恠圭峯
學禪唯敬壯京天鉢元禪師元雅號元華嚴恨元

不講曰教盡佛意如元公者不應遠教禪非佛意如圭峯者不應學禪世尊教外以法私大迦葉者吾不信也謂同列曰我將南遊窮其窟穴樓取其種類抹殺之以報佛恩乃已耳初至隨州護國讀淨果禪師碑僧問報慈如何是佛性慈曰誰無又問淨果果曰誰有其僧因有悟秀大笑曰豈佛性敢有無之別又因以有悟哉去至無為軍鐵佛謁懷禪師懷貌寒危坐涕垂沾衣秀易之懷問曰座主講何經秀曰華嚴懷曰華嚴以何為宗秀曰法界為宗懷曰法界以何為宗秀曰以心為宗懷曰心以何為宗秀莫知為答懷曰毫釐有差天地懸隔秀退而自失悚然散服願留左右日夕受法久之乃獲證悟懷禪師遷住池陽粗林移吳及廣教景德秀皆從之秀初住淮西四面山至棲賢蔣山長蘆常有千衆至是元豐七年詔住京城法雲寺為第一祖開堂日帝遣中使降香賜磨衲僧衣傳

聖旨表朕親至皇弟荆王致敬座下至哲宗元祐
五年八月示疾詔以醫診師揮去之乃更衣說偈
曰來時無物去時空南北東西事一同六處住持
無所補乃良久監寺慧當進曰和尚何不道末後
句師曰珍重珍重言訖而逝壽六十四歲坐四十
五夏師嗣天衣義懷禪師懷嗣雪竇顯顯嗣智門
祚祚嗣香林遠遠嗣雲門偃禪師續燈元豐間樞
密蔣公穎叔與師為外友公平日雖究心宗亦
泥于教乘因撰華嚴經解三十篇頗負其知見漕
淮上至長蘆訪秀而題方丈壁曰余凡三日遂成
華嚴解我於佛法有大因緣異日當以此地比覺
城東際唯具佛眼者當知之秀于時辯之曰公何
言之易耶夫華嚴者圓頓上乘乃現量所證今言
比覺城東際則是比量非圓頓宗又云異日且一
真法界無有古今故云十世古今始終不移於當
念若言異日今日豈可非是乎又云具佛眼者方

知然經云平等真法界無佛無衆生凡聖情盡彼我皆忘豈有愚智之異若待佛眼則天眼人眼豈可不知哉公於是悔謝及秀之示寂也公祭之侑以文曰方外之友惟余與師念昔相見一語投機師來長蘆我漕淮沂亦復交臂笑言熙怡我論華嚴師為品題陷虎機緣脫畧徑畦曷為捨我先其往而疏莫致誠

羅湖

十一月司馬溫國公光居洛十五年矣上表進所編書賜名資治通鑑帝製序賜之

乙丑

元豐二年八月帝崩

大遼

咸雍二十一年

西夏

春三月哲宗即位四月詔法雲秀禪師詣先帝神御說法賜號圓通禪師冬十月葬神宗永裕陵詔淨因道臻慧林宗本入福寧殿說法五月司馬光除賜臻號淨照禪師本號圓照禪師

僧寶

馬光除

門下
侍郎

義天僧統

高麗國君文宗仁孝王第四子出家名義天是冬航海至明州上表乞遊中國

詢禮詔以

朝奉郎楊傑次公字館伴所至二浙淮南

京東諸郡

迎餞如行人禮徧訪三學宗工初抵鄞

師事明智

中立而友法鄰請跋教乘草庵教入天

台山拜智

若塔渡浙造杭州上竺以弟子禮事慈

辯從諫受

天台教觀經祠山觀次靈芝拜大智元照

稟律藏

靈芝行歷慧因黔鵠從晉水淨源問賢首

宗乘

華嚴北過潤州金山以禪規大展拜佛印禪師

了元

據坐受禮館伴楊傑以為疑佛印曰衆姓

出家同名

釋子義天抑僧耳不如是何以示華夏

師法乎

朝廷聞之以元為知大體佛印義天朝京

師禮部郎

中蘇軾接伴謁拜慧林圓

照禪師宗

本有司館過甚厚師本傳

本有司

館過甚厚師本傳

本有司

館過甚厚師本傳

衣蒲童子

是時太尉呂惠卿字吉甫學道內外嘗注華嚴法界觀及出新意解莊子因戊

邊暇日遊五臺山至中臺忽雲霧四合暴風雷雨聲震林壑從者驚竦潜伏斯須有物狀若蒼虬半出雲霧間大尉駭甚移時稍霽外望見一童子體黑而被髮以蒲自足纏至肩袒右膊手執梵筴問大尉曰官人何見而震駭如此太尉曰夙有障緣遇茲惡境童子曰今皆滅矣官人何求而來太尉曰願見大士童子曰欲見菩薩何為曰嘗覽華嚴大教旨深意廣欲望大士發啓解心庶幾箋釋流行世間使幽夜頓獲光明大心者即得開悟童子曰諸佛妙意善順事理簡易明白先德注意可解如十地一品釋文不過數紙今時枝蔓注近百卷而聖意逾遠真所謂破碎大道也大尉曰童子貌若此而敢呵前輩手童子笑曰官人謬矣此間一草一木無非文殊境界在汝日用觸事不迷此真

文殊耳曷以凡情亂于思慮太尉悔前言之謬即頓首下拜纔起之間童子現大士形跨獅子隱隱雲中不見太尉自爾懷恨心神恍惚家人問故太尉曰吾欲竭誠悔過期再見衣蒲童子即嚴具香火晨夕以之志於必見而後已久之忽見童子於香几上呵曰胡為住相貪著之甚耶大尉曰正欲世人咸見大士示化之真容耳即命畫工圖之頃刻不見

華嚴感應緣并紫芝佛運編年

哲宗

照神宗第六子十歲即位宣仁太后高氏臨朝聽政相司馬光呂公著元祐之治盛焉紹聖之

後政不逮矣在位

十五年壽二十五

元祐八 紹聖四

元符三

丙寅元祐元年

大遼

咸雍二十二年

西夏

春二月司馬光拜左相三月程頤為崇政殿說書
一日言間陛下宮中盥而避蟻有是乎帝曰然深
恐傷之耳頤曰推此心以及四海帝王之要道也
聖政夏四月李公著拜右相文彥博太師平章軍

國重事

紀帝秋七月溫國文

正公司馬光

薨于相位

紀帝

冬十月勅改衍聖公為奉聖公
仍置教授一員教孔氏子弟

錄

台州白蓮寺法真大師處咸七月二十三日與衆
言別跏趺而逝嗣法二弟子曰智涌了然曰真教
智僊僊傳圓智上

竺證悟大師也

錄

淨土

汴京有曦法師者定中遊淨土見大蓮華光
明黃色題名其二曰宋比丘宗本之座既而

定起往述其事是時圓照請老歸蘇州靈巖職問
曰禪師何故位歸淨土圓照曰宗本修禪時心在

極樂世界無
二相也實人天鑑

丁卯

元祐二年

大遼

咸雍二十三年

西夏

春正月宋冊李
乾順為夏國主

秀州崇德界有車溪僧因唐世青鎮古塔建聖壽
院請法師擇卿開山住持卿慈辯之子南屏之孫
法智下第三世也入寂于徽宗大觀間塔葬院南
芙蓉浦上有嗣子曰可觀有朋齊壁如湛善榮燈
燈相續學侶皆龍象歲建法華三昧期懺高宗居
德壽宮改壽聖為廣福院吳越講宗多車溪之派
繫

記

戊辰

元祐三年

大遼

咸雍二十四年

西夏

四月寇
塞門寨

杭州南山慧因寺法師名淨源生晉江楊氏先世
泉之晉水人故學者以晉水稱師受具參方受華

嚴於五臺承遷學合論于橫海明覃南還聽楞嚴
圓覺起信於長水法師子璿四方宿學推為義龍
因省親于泉泉主請住清涼復遊吳住報恩觀音
杭守沈文通置賢首院於祥符寺以延之遷秀州
青鎮密印寶閣移華亭普照之善住左丞蒲宗孟
撫杭愍其苦志于宗奏慧因寺以居師高麗義天
僧統之來也申弟子禮以見師初華嚴一宗疏鈔
久矣散墜因義天持來咨決逸而復得義天之還
國也以金書華嚴三譯本一百八十卷自高麗遣
使遺師建大閣安奉之故俗呼慧因為高麗寺至
是元祐三年十一月己酉師乃入滅世壽七十八
歲塔舍利於寺西北隅其宗稱為中興教主馬太尉
呂惠卿字吉甫為建行業碑仍作華嚴閣記蔣
之奇立石蘇華嚴經晉譯六卷唐譯十卷

己巳

元祐四年

大遼

咸雍二十五年

西夏

靈芝律師元照普勸道俗歸命西方極樂世界阿彌陀佛是時龍圖閣學士知杭州蘇軾乃以捨其母蜀郡太君鄭氏遺留簪珥采畫淨冬十月真土佛像以薦父母仍作頌贊之文東坡集州長蘆院禪師宗贖與當時名勝咸結蓮花淨土念佛社江

冬十一月三日高麗國義天僧統遣其徒壽介至杭祭晉水於墳塔行業

庚午

元祐五年

大遼

咸雍二十六年

西夏

西湖

唐白居易刺杭州浚理為勝槩至是龍圖閣學士蘇軾守杭州奏杭有西湖猶人之

有眉目而葑生已翳乃浚湖之舊環三十里際山為岸積其葑於湖旁直通南北為長道楊柳木芙蓉間植其上杭人名曰蘇公堤坡集

辛未

元祐六年

大遼

咸雍二十七年

西夏

太史黃公諱庭堅字魯直號山谷道人至是丁家
艱館黃龍山從晦堂禪師祖心遊與死心新草堂
清尤篤方外契晦堂因語次舉孔子謂弟子以我
為隱乎吾無隱乎爾吾無行而不與二三子者是
丘也請公詮釋而至于再晦堂不然其說公怒形
於色沉默久之時當暑退涼生秋香滿院晦堂曰
聞木犀香乎公曰聞晦堂曰吾無隱乎爾公欣然
領解及在黔南致書死心新曰往日嘗蒙苦口提
撕常如醉夢依稀在光影中蓋疑情不盡命根不
斷故望崖而退耳謫官在黔州道中晝卧覺來忽
然廓爾尋思平生被天下老和尚瞞了多少惟
有死心道人不肯乃是第一相為也感山鑒仲溫羅淵錄
秋八月汴京法雲寺禪師法秀入寂詔杭州淨慈
寺禪師善本繼席住持賜號大通禪師師名善本

姓董氏漢仲舒之裔也大父琪父溫皆官于潁遂
為潁人甫及長博極羣書無仕宦意仁宗嘉祐八
年與弟善思往京師地藏院試經得度習毘尼東
遊至蘇州江陰縣禮圓照本禪師於瑞光法明悟真
執侍五年圓照令師依圓通秀公又盡其要神宗
元豐七年渡淮留太守巖久之出住雙林遷淨慈
至是詔住法雲賜大通號師凡所住見佛菩薩像
之行立者終不敢坐齋食以魚馘名者不食其真
誠敬事防心離過類如此元祐七年秋師丐老歸
杭州西湖制可至徽宗大觀三年十二月甲子屈
三指謂左右曰止有三日已而果歿塔全身于上
方世壽七十五歲僧臘四十五夏師嗣圓照本禪
師世謂大小本焉
圓照嗣懷禪師燈續
九月二十日杭州龍井山辯才法師入寂師名元
淨自仁宗嘉祐末歷治平熙寧三朝住上天竺一

十七年道滿朝野元豐間辭而復往又三年晚居
龍井飲食起居之際眉間流光皆舍利謂參寥子
道潛曰吾淨業已成越七日無疾右脇而逝門下
侍郎蘇轍銘其塔龍圖閣學士知潁州蘇軾祭之
文曰孔老異門儒釋分宮又於其間禪律相攻我
見大海有南北東江河雖殊其至則同維大法師
自戒定道律無持破垢淨皆空講無辯訥事理皆
融如不動山如常撞鐘如一月水如萬竅風八十
一年生雖有終遇物而應施則無窮我初適吳尚
見五公講有辯也海月臻也南禪有也大覺也明驚也救
後二十年獨餘此翁此又
去矣後生誰宗龍東坡文記
江西隆興府興今路兜率寺禪師名從悅生贛州熊
氏初首衆於道吾謁雲蓋智和尚智指之見洞山
文禪師深領奧旨出世鹿苑至是元祐六年冬十
一月辛卯師澡浴集衆說偈曰四十有八聖凡盡

殺不是英雄龍安路滑奄然而化領法要悟心者
無盡居士商英張公公遣使持祭且曰老師於祖
宗門下有大道力不可使來者無所起敬俾塔于
龍安之乳峯後為奏謚師號嗣真淨文禪師與法
雲杲同稟無盡張公妻負禪學猶欲尋諸宗師與
之決擇因朱給事世英語及兜率悅禪師禪學高
妙聰敏出於流類至此元祐六年公潛江西按部
分寧五禪住持逆於旅亭顧問至兜率公曰聞師
聰敏之名久矣悅遽對曰從悅臨濟兒孫若以聰
敏說文章定似都運談禪公雖壯其言而意不平
遂作偈命五禪舉揚曰五老機緣共一方神鋒各
向袖中藏明朝老將登壇者便請橫矛戰一場悅
當其未提綱之語盡貫前者公陰喜之乃遊兜率
相與夜談及宗門事公曰比看傳燈錄一千七百
尊宿機緣唯疑德山托鉢話悅曰若疑托鉢話其
餘則是心思意解何曾至大安樂境界公憤然就

榻屢寢屢起夜將五鼓不覺趄翻溺器忽大省發
喜甚叩扣悅文室門謂悅曰已捉得賊了也悅曰
臧物在甚麼處公擬議悅曰都運且寢翌日公有
頌曰鼓寂鐘沉托鉢回巖頭一拶語如雷果然只
得三年活莫是遭他受記來別去未幾悅遂歸寂
公登右揆之明年當徽宗宣和辛卯歲二月奏請
悅謚號遣使持文祭於塔祠曰昔者仰山謂臨濟
曰子之道他日盛行於吳越間但遇風則止後四
世而有風穴延沼以懺常不懌晚得省念而喜
曰正法眼藏今在汝躬死無遺恨矣念既出世首
山荒村破寺衲子纔三十餘輩然其道大振天下
師於念公為六世孫於雲庵為嫡嗣住山規範足
以追媲首山機鋒敏妙初不減風穴余頃歲奉使
江西按部西安相識於龍安山中抵掌夜語盡得
其末後大事正宗顯決方以見晚為歎而師遽亦
化去惜其福不逮慧故緣不勝喜其德不可掩故

終必有後有若疎山了常兜率慧照慈雲明鑒清
谿志言者皆說法一方有聞於時有若羅漢慧宜
楊歧子圓廣慧守真贛川智宣者皆遊跡幽居痛
自韜晦風穴得一省念遂能續列祖壽命今龍安
諸子乃爾其盛豈先師靈骨真灰燼無餘耶蓋其
道行實為叢林所宗向有光佛祖有助化風思有
以發揮之為特請于朝蒙恩追謚真寂大師嗚呼
余惟與師神交道契故不敢忘外護之志雖其死
生契濶之異而蒙被天子之殊恩則幸亦共之仰
惟覺靈祇此榮福豐仲溫錄仲溫贊曰夫尉為儒宗
而崇佛道未有如公者然非敏手安能激發苟非
上根未易承當至於嶽立廊廟展大法施既不忘
悅之道義而特與追榮矢心以詞勤勤若此蓋所
以昭示尊師重法歟文仲溫集托鉢因緣雪峯義存在
德山作飯頭一日德山托鉢赴堂雪峯曰鐘未鳴
鼓未響托鉢向甚麼處去德山便歸方丈雪峯舉

似巖頭全齋全齋曰大小德山未會末後句在德
山聞知令侍者喚齋來前曰汝不肯老僧那齋密
塔其意山乃休明日陞堂果與尋常不同齋至僧
堂前拊掌大笑曰且喜堂頭老漢會末後句他道
天下人不奈伊何雖然也祇得
三年活德山後三年示寂

錄得燈

壬申

元祐七年

大遼

咸雍二十八年

西夏

靈源禪師惟清叅承晦堂心禪師於黃龍清侍者
之名著聞叢林至是元祐七年無盡居士張公潛
江西欽慕之檄分寧邑官同諸山勸請出世於隆
興觀音其命嚴甚時清寓興化不得已遂親出投
偈辭免曰無地無錐徹骨貪利生深愧之餘珍鄧
中大施門難塔乞與青山養病身黃太史魯直憂
居里閑有手帖與興化海老曰承觀音虛席上司
甚有意於清凡清凡確欲不行亦甚好蟠桃三千

年一熟莫做褪花杏子摘却此事黃龍興化亦當作助道之緣共出一臂莫送人上樹拔却梯也琳瑯仲溫羅湖錄贊曰江西法道盛於元祐間蓋彈壓叢林者眼高耳況遴選之禮優異如此靈源以偈力辭而太史以簡美之得非有所激而云

癸酉

元祐九年
八月高宗崩

咸雍二十九年

西夏

甲戌紹聖元年

大遼

咸雍三十年

乙亥

紹聖二年

大遼

壽昌元年

帝加尊號
西夏改元

遼

道宗洪基加號聖文神武全功大畧聰仁孝惠天祐皇帝壽昌二年大國舅帳蕭轄哩四郎君

善騎射豪俠不羈常養亡命數十人從行往來遊獵於遼至東西郡問其飲食用度強取辦於富民

一日獲罪遼國捕之甚峻即嘯聚為盜未旬日有衆二千餘人攻陷乾顯等數州諸道發兵捕討潛

率衆奔生女

真界女真之衆有生熟之分居混同

所居乃江之北遼謂之結英格太師謀叛諸軍追

生女真亦臣于遼國就結英格太師謀叛諸軍追

襲至境上不敢進乃具以聞北樞密院尋降宣劄

子付英格一面圖之英格遷延數月獨斬轄哩首

級遣長子阿固達獻遼餘悉不遣紹曰已誅絕矣

遼不得已反進英格父子官爵自是英格父子內

恃有功于遼陰懷異志吞併旁近部族以

金珠良馬時常賂遺權貴以通情好契丹志

六月九日韶州南華寺禪師重辯請龍圖閣學士

蘇軾書柳宗元所撰六祖大鑒禪師碑軾又題其

後曰釋迦以文設教其譯于中國必託於儒之能

言者故大乘諸經至楞嚴則委曲精盡勝妙獨出

者以房融筆受故也柳宗元南遷始究佛法作曹

溪南嶽諸碑妙絕古今自唐以來頌述祖師者多

矣未有通亮簡至如宗元者蓋推本其言與
孟軻氏合其可不使學者畫見而夜誦之誠

三塔

是年南康雲居山真如院祐禪師始創之以
葬寺之物故僧侶童行骨殖之所諸方自爾

尊信之祐生信州上饒王氏嗣
黃龍南南嗣慈明圓禪師

錄緒王氏
燈嗣

丙子

紹聖三年

大遼

壽昌二年

西夏

冬十月大舉寇宋至
延州見有備乃拔去

丁丑

紹聖四年

大遼

壽昌三年

蘇軾謫儋州惠州太守方子容奉勅書謂子瞻曰
室人奉淮泗大聖僧伽甚謹前夕來別於夢中曰
送蘇子瞻過海南今果此行數分已定夫復何憂
宋僧元符三年庚辰歲六月軾歸自海外居常州
遨遊宜興初黃州謫所築室東坡因號東坡居士
徽宗建中靖國元年七月二十八日朝奉郎提舉

成都府玉局觀

蘇軾卒于常州

戊寅元符元年

六月大遼
號

壽昌四年

西夏

永安元年

己卯

元符
二年

大遼

壽昌五年

錢塘高僧名道潛以詩見知於蘇文忠公軾公號
之為參寥子凡詩詞迭唱更和形于翰墨必曰參
寥及呂丞相公著為琴妙總師名之後與簡牘則
曰妙總老師江浙石刻具存者多矣今畧記公離
錢塘以長短句別之曰有情風萬里卷朝來無情
送潮歸問錢塘江上西興浦口幾度斜暉不用思
量今古俛仰昔人非誰似東坡老白首忘機記取
西湖西畔正暮山好處空翠煙霏算詩人相得如
我與君稀約作年來還海道願謝公雅志莫相違
西州路不應回首為我沾衣仲溫瑩禪師贊曰噫

今世之小生於有道宗師必名呼而示其忽慢亦安知文忠於一詩僧尚爾敬重況道德崇重者耶

瑩嗣大慧

杲禪師

燈昔

台州赤城崇善寺法師名有嚴退庵于植木之下號曰植庵懷安養故鄉有詩四省淒婉感人其一章曰西方真淨本吾家今憶歸程十萬縣客路玲竈都已困風塵孤苦寂堪嗟七重樹聳千般樂八德池開四色華莫怪近來歸夢切奈何榮辱事無涯時爭傳誦嚴生平篤於淨業徽宗建中靖國元年夏四月將終見寶池大蓮花天樂四列而歸寂師著大部備檢四卷箋難四卷助覽四卷或對四

卷流

通統

庚辰

元符

正月

大遼

壽昌六年

西夏

遼帝秋七月大漸戒孫延禧曰南朝通好歲久汝性剛切勿生事又戒大臣曰嗣君若妄動卿等當力諫止之帝崩在位四十六

年廟號道宗諡天福皇帝

遼志

宋冬治泰陵知登封縣樓并請因餘力治嵩山少林道場達磨初祖之居也自監司郡縣百執事下逮士庶工賈不挽而同一朝而具名曰面壁庵林出芝十二本華各異色甘露雨于池夜有光四起屬天合為大陳東西數十里后山居士陳師道記曰子孔氏之門顏閔冉皆無傳仲弓之後有荀卿曾輿之後有孟軻端木賜之後有莊休而荀孟莊之後無聞焉李氏之傳閻尹尹之傳優無聞焉釋自能仁二十八世而為達磨又六世而為曹溪至于今又十有五世矣而儒老子之徒欲校其源委

誤矣

文后山集

隆興黃龍山晦堂寶覺禪師名祖心冬十一月十六日入寂師生南雄鄒氏嗣黃龍南禪師得寶覺

法道者曰草堂惟清死心悟
新太史黃山谷吳中立等燈

徽宗

諱佖神宗第十子初對端王年十九即帝位在位二十五年六月十日為天寧節時當承平日

久蘇杭置造作局朱勔父子督花石綱營艮嶽萬歲山民間一花一石亦以供御為名而脅之受賂滿所欲方免蔡京為太師內侍童貫領樞密受遼國燕人李嗣良而同歸言遼可取適女真來聘約夾攻遼金既滅遼復侵宋帝乃禪位太子尊帝曰太上皇為金師擁之北去降封天水郡王終於五

國城
通續鑑宋

建中靖國一
政和七

崇寧五
重和一
宣和七
大觀四

釋氏稽古畧

五十八

辛巳建靖國元年

大遼

乾統元年

天祚立

西夏

遼

天祚立諱延禧道宗之孫秦主元吉之子
自稱天祚皇帝淫縱失道卒至于亡國

遼志

女真

英格太師是歲
死子阿固達嗣

續燈錄

秋八月十五日汴京法雲寺佛國禪師名
惟白集禪派宗師機緣為續燈錄三十卷

進呈帝親為製序以賜之其文曰昔釋迦如來之
出世也受然燈佛記生淨梵王家分手指乎天地
而其機也已露遊門觀於老死而幻緣也頓寂及
乎唱道難園騰芳驚嶺無邊刹境遂現於一毫之
端大千經卷畢出於微塵之表西被竺土東流震
旦編葉而書則一時聖教雖傳於慶喜拈花而笑
則正法眼藏獨付於飲光自達磨西來實為初祖
其傳四七二三而至於曹溪於是雙林之道逾光

一滴之流愈廣自南嶽青原而下分為五宗各擅
門風應機酬對雖建立不同而會歸則一莫不箭
鋒相注鞭影齊施接物利生啓悟多矣源派廣迤
枝葉扶疎而臨濟雲門二宗遂獨盛於天下朕膺
天寶命紹國大統恭惟藝祖闢度門於縣寓太宗
聞秘義於數天章聖傳燈於景德永昭廣燈於天
聖皆宏暢真風協助神化以成無為之治者也於
皇神考尤燭空宗元豐三年詔於大相國寺勅二
大禪剎闢慧林於東序建智海於西廡壬戌之歲
以越國大長公主及集慶軍節度觀察留後駙馬
都尉張敦禮之請復建法雲禪寺於國之南於是
祖席光輝叢林鼎盛天下襲方袍慕禪悅者雲集
於上都矣今敦禮以其寺住持僧佛國禪師惟白
探最上乘了第一義屢入中禁三登高座宣揚妙
旨良愜至懷昔能仁說法華經放眉間白毫相光
照東方萬八千世界而彌勒發問文殊決疑以為

日月燈明佛本光瑞如此持是經者妙光法師得其證者普明如來今續燈之名蓋燈燈相續光光相入義有在於是矣噫圓澄覺海本含裹於十方生滅空漚遂沉淪於三有因明立所由塵發智識妄相仍轉入諸趣良可悲也若回光內照發真歸元則是錄也直指性宗單傳心印可得於眉睫可薦於言前舉手而擎妙喜世界彈指而見莊嚴樓閣神通妙用真不可思議者也嘉於有衆締此勝緣俱離迷津偕之覺路斯朕之志也

汴京法雲禪寺佛國禪師名惟白生靜江府丹氏嗣圓通秀禪師秀嗣天衣懷懷嗣雪竇顯禪師

壬午崇寧元年

大遼

天祚皇帝

女真

乾統二年

西夏

宋

敕書一件應天下舊來有名德僧為衆師法未曾謚名者仰所屬勘會聞奏謚給師號詔天下

軍州創崇寧寺又改額曰天寧寺至
高宗改報恩光孝追崇嚴薦南渡中興小歷

癸未

崇寧二年

大遼

乾統三年

女真

二年

西夏

宋

夏四月勅謚杭州天竺寺慈雲大師遵式號法
實大師南屏法師梵臻謚實相法師永興軍終

南山澄照儀師謚
法慧大師南山謚碑

甲申

崇寧三年

大遼

乾統四年

女真

阿固達三年

西夏

漏澤園

宋春二月詔天下州縣置漏澤園
澤國殞客死無歸之士東都紀

御贊佛牙

宋夏五月五日帝迎三朝宋仁宗真御讚
釋迦佛牙于大相國寺入禁中供養帝

展敬次舍利隔水晶匣出如雨點帝讚以偈曰大
士釋迦文虛空等一塵有求皆赴感無刹不分身

玉瑩千輪在金剛百煉新我今
恭敬禮普願濟羣倫翻譯名義五十二篇

蘄州五祖山禪師名法演夏六月二十五日陞堂
辭衆入寂師生綿州鄧氏嗣白雲端和尚端嗣楊

政會會嗣慈明圓禪師臨濟下九世也嗣師之法
者佛果勤也國怡佛鑑懃佛眼遠世呼曰三佛遠之

嗣曰黃龍牧庵忠等忠之
嗣普庵菩薩印肅等鐫燈

龍門三自省

佛眼遠禪師居龍門日之作也一日
是身壽命如駒過隙何暇閒情妄為

雜事既隆釋種須紹門風諦審先宗是何標格二
曰道業未辦去聖時逸善友師教誠不可捨自生

勉勵報萬佛恩惟己自知大心莫退三日報緣虛
幻豈可強為人世幾何隨家豐儉苦樂逆順道在

其中動靜寒溫
自愧自悔緇林寶訓

乙酉

崇寧四年

大遼

乾統五年

女真

阿固達四年

西夏

宋

秋八月鑄九鼎成作樂名曰大晟
東都事

丙戌

崇寧五年

大遼

乾統六年

女真

五年

西夏

丁亥大觀元年

大遼

乾統七年

女真

六年

西夏

宋詔左街十方淨因禪院禪師道楷住天寧寺開
封尹李孝壽奏賜紫衣號定照禪師楷謝恩罷上
表辭謝不敢竊冒寵榮帝再遣考壽齋璽書諭意
楷確然不回帝怒收楷付獄有司問長老有疾乎
有疾免罪楷曰生平不曾妄語豈敢僥倖稱疾遂
受罰著縫掖編管淄州次年放逐便庵于芙蓉湖
上學者益親帝賜所居額曰華嚴禪寺師生沂州
崔氏初避京師籍名街臺寺試法華經得度得法

授子山青禪師嗣之重和元年五月十四日入寂

鄧州丹霞子淳等嗣之淳有二弟子曰清了即真

曰正覺即天童高宗紹興二十七年九月二十日

宏智出辭明越郡侯十月十日還寺十一日乎書

請育王大慧果禪師主後事擲筆而逝齒

髮道具舍利流綴葬全身于東谷人師顯州

戊子大觀二年

大遼

乾統八年

女真

七年

西夏

宋

蔡京進太師童貫如武康熙河等路宣撫內侍
建節始此五月加貫檢校司空易鎮泰寧貫由

此恃功選置將吏
不復關朝廷矣宋

浙西湖州有邵宗益者剖蚌中有珠現阿羅漢像
偏袒右肩矯首左顧衣紋畢具僧俗驚喜奉之以
歸城南慈感天台教寺寺臨茗溪建炎間憲使楊
應誠與客傳玩不覺越檻躍入溪中後溪涸沙明

索而獲之建
閣藏焉韻語

飯僧觀金

練塘居士洪慶善持江東使節夜宿池州梅山愚丘宗禪師迎之相與夜話洪

問以飯僧見於何經其旨安在宗曰四十二章經有云飯凡人百不如飯一善人乃至飯千億三世諸佛不如飯一無住無作無證之者其無修證則是正念獨脫能飯斯人則功超諸佛然前輩知此旨者多矣洪曰其為誰乎宗曰且以近說如秦少游滕州貶所自所挽章有誰為飯黃縯之句東坡既聞秦訃以書送銀五兩囑范元長為秦飯僧及東坡北歸至毘陵以疾不起太學生裒錢於東京慧林飯僧蘇黃門撰東坡墓誌首載之洪曰觀金有據乎宗曰公豈不見毛詩小雅鹿鳴燕羣臣嘉賓也既飲食之又實幣帛筐篚以將其厚意蓋飲食不足以盡敬而加贈遺以致慇懃也於是為誦

丁晉公齋僧疏曰佛垂遍智道育羣生凡欲救於
傾危必預形於景貺謂白衣干祿叨冢宰之重權
丹陛宣恩忝先皇之優渥補仲山之哀曲盡巧心
和傳說之羹難調衆口嘗於安寢忽夢清容妙訓
冷冷俾塵心而早悟真儀隱隱恨凡目以那知蓋
智永周身事乖遠害至禍臨而莫測成災及以非
常黜向西京感聖恩而寬宥實於南裔當忠憲以
甘心咎實自貽孽非他作念一家之散地望萬里
以何歸既為負國之臣永絕經邦之術程由湘土
道假靈山正當煩腦之身忽接清涼之衆方知富
貴難保始終直饒賜食之榮豈若孟羹之美特形
飯命恭發精誠虔施白金充修淨供飯必藟之高
德荅嬾瓚之深慈冀保此行乞無佗恙伏願天回
南眷澤賜下臨免置邊夷白日便同於鬼趣賜歸
中夏黃泉再感於天恩虔罄丹誠永繫法力洪曰
向讀名臣傳只見補仲山袞和傳說羹一聯而已

今獲全聞其精衡嶽寺高僧名明瓚性懶而食
禱若此卧感山雲紀按殘時曰嬾殘李泌異而往謁之

撥火出芋以其半啖
泌曰領取十年宰相

己丑

大觀三年

大遼

乾統九年

女真

八年

西夏

宋十二月二十七日四明法智下二世杭州慈辯
法師從諫自元豐元祐至大觀住上竺二十四年
退居處州壽聖入寂嗣法弟子十
人西浙擇御齋壁其傳最盛教行

庚寅

大觀四年

大遼

乾統十年

女真

九年

西夏

宋六月以張商英入相時久早是夕大雨御書商
霖二大字賜商英次年四月罷宣和四年薨號無
盡居士寓荆南日道學自居少見推許圓悟艤舟
謁之劇談華嚴旨要圓悟曰華嚴現量境界理事

全真初無假法所以即一而萬了萬為一一復一
萬復萬浩然莫窮心佛衆生三無差別卷舒自在
無礙圓融此雖極則終是無風市市之波無盡於
是不覺促榻圓悟遂問曰到此與祖師西來意為
同為別公曰同矣圓悟曰且得沒交涉公色為之
愠圓悟曰不見雲門道山河大地無絲毫過患猶
是轉句直得不見一色始是半提更須知有向上
全提時節彼德山臨濟豈非全提乎公乃首肯翌
旦復舉事法界理法界至理事無礙法界圓悟又
問此可說禪乎公曰正好說禪也圓悟笑曰不然
正是法界量裏在蓋法界量未減若到事事無礙
法界法界量減始好說禪如何是佛乾屎橛如何
是佛麻三斤是故真淨偈曰事事無礙如意自在
手把猪頭口誦淨戒起出淫坊未還酒債一字街
頭解開布袋無盡公曰美哉之論豈易得聞乎羅
湖贊曰夫圓悟融通宗教若此故使達者心悅而

誠服非宗說俱通
安能爾耶

羅盤湖什溫錄

罽

悟

西川成都府昭覺寺禪師名克勤彭州駱氏子世宗儒兒時日記千言遊妙寂寺見佛書

有感遂出家依師自省祝髮從文照法師通講說又從敏行授楞嚴山蜀首謁玉泉皓次依金鑒信大通詰黃龍晦堂心東林度皆稱美之晦堂曰他日臨濟一派屬子矣最後到蘄州謁演禪師於五祖山盡領其奧旨至是崇寧中還鄉里成都帥翰林郭公知章請開法六祖寺更昭覺政和初謝事復出峽南遊時無盡居士張公商英寓荆南師謁之談華嚴無盡公信敬拜禮之留住碧巖復徙道林樞密鄧公子常奏賜紫服師號詔住建康蔣山勅補汴京天寧萬壽寺帝召見褒寵甚渥建炎初又遷鎮江金山適高宗駕幸揚州詔入對賜號圓悟禪師遷江西雲居久之還領昭覺紹興五年

高宗

欽定四庫全書

卷四

號八月己酉示微恙跌坐書偈別衆投筆而逝火化舌齒不壞舍利五色無數塔于昭覺寺之側謚

真覺禪師嗣五祖山演禪師演嗣白雲瑞瑞
嗣楊岐會會嗣慈明圓禪師臨濟派也普鑒錄

辛卯政和元年

大遼

天慶元年

女真阿固達

西夏

十年

壬辰

政和二年

大遼

天慶二年

女真阿固達

西夏

十一年

宋太師楚國公蔡京喜食鵝預籠蓄而烹之嘗夢鵝數十訴于前其一致詞曰食君廩中粟充君箸下肉一羹數百命生死猶轉轂看君宋秋九月
壽千春禍福相倚伏京甚畏焉詩與溪話改官名太

宰少宰曰左右僕射

癸巳

政和三年三月壬戌

大遼

天慶三年

女真阿固達

西夏

十二年

宋東都妙慧尼寺住持淨智大師慧光生成都范氏其著書疏唐鑑乃其叔父也是年帝自禁中以法衣衲諸禪長老光亦預焉因命資次說法而光適當其未陞座問答罷顧視大衆曰若論說禪說道則諸大禪師已說了也敎山僧到這裏說箇甚麼即得豈不見先德道千種言萬般解只要敎君長不昧然雖如是畢竟如何遂以法衣覆頂良久云衲披蒙頭萬事休此時山僧都不曾便下座于時緇素聽者萬計靡不嘆服所以韓舍人子蒼銘光之塔稱其多聞善辯焉塔砌於豫章西山聖相

之原
雲野記

宋四月西蜀嘉州奏風折大樹枯株有僧在定髻髮蒙密指爪纏身帝令送至京師秋八月迎入禁中譯經院三藏大師金總持鳴金磬出其定僧曰我東林遠法師之弟慧持也西遊我冒因入定于

欽定四庫全書

卷四

此遠公無恙否三藏曰遠公東晉人去世已七百年僧遂不語三藏徐啟令欲何歸僧曰陳留縣即復入定乃用其言葬陳留帝令繪其像頌天下御製贊三首曰七百年前老古錫定中消息許誰知爭如隻履西歸去生死徒勞木作皮藏山於澤亦藏身天下無藏道可親為語莊周休擬議樹中不是負趨人有情身不是無情彼此人人定裏身會得菩提本無樹不須辛苦問盧能普燈錄二十卷見東晉義興八年

甲午

政和四年

大遼

天慶四年

女真阿骨達十三年 西夏 秋八月叛遼

女真

金也世本新羅人號完顏氏完顏猶漢言王也世為酋長服屬大遼二百年世襲節度使

至堪布下四世妻女真女生二子長曰烏古斡烏古斡生三子長曰和哩布次曰頗拉淑李曰英格英格生

三子長曰阿固達次曰烏奇邁季曰薩哈薩哈生
尼瑪哈女真至英格太師始雄諸部丙子歲蕭轄哩
嘯聚遼捕之遂投生女真界見壽昌遼乃命英格往
圖之英格但斬轄哩遣長子阿固達獻首級于遼自
此英格內恃有功陰懷異志英格既死阿固達初
年會遼主天祚格剝是嗜上下荒淫其相李儼蕭奉
先輩庸瑣貪婪阿固達承父英格太師富庶之餘兵
強馬壯方有異圖先是女真之地東北鄰于五國五
國之東接大海出名鷹自海東來者謂之海東青
小而俊健能擒鷲鷺爪白者尤以為異遼人酷愛
之天祚嗣位責貢尤苛逼其國人窮取以獻女真
至五國戰鬪而後得女真苦之且沿邊諸帥邀求
賂遺無虛日不勝其擾諸部怨叛於遼潛結阿固
達舉兵謀亂至是甲午年秋八月阿固達始叛用
尼瑪哈和碩為謀主尼楚赫伊呀羅索棟摩等為
將師甲馬二千犯混同江之東寧江府天祚遣兵

禦之皆敗遂失寧江府阿固達將兵轉戰而前乙未年秋八月遼主天祚下詔親征女真路出長春軍中一夕戊甲有光遼相張琳曰唐莊宗攻梁矛戟夜有光郭崇韜曰火出兵入破賊之兆天祚喜而信之十一月進戰兵潰天祚一日一夜走五百里退保長春女真乘勝遂併渤海遼陽等五十四州長白山混同江俱令遼陽開元路咸平府

乙未

政和二年五月壬午

大遼

天慶五年

女真阿固達十四年

西夏

宋四月明州延慶院明智法師中立入寂立嗣神智鑒文文嗣廣智尚賢三世皆繼住持延慶祖庭至立益盛晁說之銘其塔祖庭銘

宋左街香積院法師永道勅賜號寶覺大師道三藏師傳

隆興府黃龍山死心禪師名悟新韶州黃氏子生有紫肉幕左肩右袒如僧伽黎狀壯依佛陀院德修祝髮進具參方謁晦堂心禪師得其法要遂嗣之至是乙未十二月十三日入寂茶毘舍利五色後有過其區所者獲之尤多塔于晦堂丈室之北

塔

隆興府泐潭湛堂禪師名文準生興元府梁氏受具後參方謁真淨文禪師服勤十年一日舉杖決渠水濺衣忽大悟顯謨李公景直守豫章請開法雲巖遷泐潭至是政和五年十月二十日更衣說偈而化闍維晴齒念珠不壞舍利晶圓光潔塔于南山之陽無盡居士丞相張公商英撰行業碑大慧杲禪師為禪侶時請之也師嗣真淨文文嗣黃龍南禪師

燈

丙申

政和六年

大遼

天慶六年

女真阿固達

西夏

十五年

宋秋九月一日杭州靈芝寺津師元照跏趺入寂
壽六十九歲僧臘五十一夏葬寺西北隅諡曰大
智劉燾銘其塔闕演碑其行業孫覲為立石照字
湛然生餘杭唐氏初毘尼大學親自佛制自文殊
已降不許措一詞優婆離結集不敢愆一字人間
天上十方三界剎海無盡聖衆唯同一律可謂嚴
矣如世禮樂征伐必自天子出公侯卿大夫不容
僭也然大法東度唯律未明學者失已唐太宗貞
觀中永興軍終南山澄照大律師道宣作戒疏羯
磨疏事鈔弘四分律流傳逾四百載釋義近六十
家於中大昭慶律師允堪作會正記獨為盡理最
後此靈芝大智元照以法華開顯圖意作資持記
與會正師殊途同歸推明南山元意而上合於佛
制自是會正資持又分宗於律矣如析金杖不失
金體無作戒體
果可分耶

繫年

丁酉

政和
七年
詔改節度觀察
留後為承宣使
大遼

天慶七年

女真阿固達

西夏

十六年

林靈素者溫州人也善符術輔以雷公法初往來
不逞於宿堦淮泗間乞食諸寺僧薄之至楚州
踰與釋慧世相歐擊訟于官時府倖石仲喜其辯
捷輕俊為脫之置館中問吐納燒煉蜚昇之術至
是政和七年正月仲攜之入京謁宰相蔡京京致
見帝林大言曰天上有神霄玉清府長生帝君主
之其弟青華帝君皆玉帝子次有左相僊伯并書
罰僊吏褚慧等八百餘官謂帝即長生帝君蔡京
乃左相僊伯靈素即褚慧帝忻然信之賜林號金
門羽客作通真宮以處之帝自號教主道君皇帝
二月詔改天下天寧觀為神霄玉清萬壽宮所在
無觀者以寺充仍設長生大帝君青華大帝君像
建寶籙宮置道學科宣和元年帝有景貺
冬十一月放林靈素歸溫州死之

東都事
畧紀

欽定四庫全書

卷四

隆興府黃龍山佛壽靈源禪師名惟清得法晦堂
室中至是秋九月十八日入寂師嗣晦堂寶覺心
禪師嗣師之法慧古德逢守車皆高第弟子時伊
川居士徐師川朱世英洪駒父皆從之問道普燈
汴京智海佛鑑禪師名慧懃舒州慶安汪氏子
歲師本郡廣教圓深試所習得度每以法華經佛
言唯此一事實餘二即非真味之有省入五祖演
和尚室深得法要嗣之舒守孫鼎臣請住太平法
道大播政和初詔住汴京智海經五年乞歸得旨
居建康蔣山樞密鄧公子常奏賜師號紫服至是
政和七年九月八日上堂云祖師心印狀似鐵牛
之機去即印住住即印破直饒不去不住亦未是
衲僧行履處且作麼生是衲僧行履處待十月前
後為諸人注破至十月八日沐浴更衣端坐手寫
別故舊書數紙停筆而化闍維收靈骨舍利塔于
寺左嗣師之法者守珣等珣生湖州施氏住何山

天寧號佛燈禪師至紹興六年亦以十月八日歸寂通判雙槐居士鄭績待制養空居士潘良貴深

有扣明
馬善燈

戊戌重和元年

大遼

天慶八年

大金阿骨達稱帝

西夏

天輔元年

宋帝汴京作壽山良嶽是年秋七月成賜名華陽宮蜀郡漢州雒縣僧祖秀字紫芝欽宗靖康初親遊其間作華陽宮記載之東都事畧秀嘗集文忠公修江州圓通訥禪師論議佛法大旨作歐陽外傳后湖居士蘇庠叙之高宗紹興二年其弟子曇運仲宏集師講義為傳作疏鈔三卷汝陰王銍又叙之右相魏國公張浚併述後叙刊行於世秀作佛運編年通論祖琇者作統記併為己有之琇號

石室

紀雲
臥讀

欽定四庫全書

釋氏稽古略
卷四

六五

大金

女真也阿固達建國稱帝遼主天祚在中京聞燕王兵敗女真入新州晝夜憂懼秋女真

取東京黃龍府五十餘城是時有楊朴者遼東鐵州人也本渤海大族登進士第累官校書郎先是渤海人高永昌殺遼東京留守蕭保先自稱為渤海國皇帝據遼東五十餘州遼主遣相張琳將兵討之琳敗績女真破渤海軍斬高永昌降楊朴而用之朴勸阿固達稱皇帝改元天輔以王為姓以是為名以其國產金號大金又說阿固達曰自古英雄開國受禪先求大國封冊秋八月阿固達遣人詣遼主天祚求封冊其事有十歲號大聖大明皇帝七國號大金七玉輅七袞冕七玉刻御前之寶七以兄弟通問七生辰正旦遣使七歲輸銀絹二十五萬匹兩分南宋歲賜之半七割遼東長春兩路七送還女真阿古齊克算大王七天祚付羣臣議蕭奉先大喜以為自此無恙差靜江軍節度

使蕭實訥翰林學士楊勉充封冊使副歸州觀察
使張孝偉太常少卿王府充通問使副衛尉少卿
劉湜充管押禮物官將作少監楊主忠充讀冊使
備天子袞冕玉冊金印車輅法駕之屬冊立阿固
達為東懷國至聖至明皇帝其冊文畧曰眷惟肅
慎之區實介扶餘之俗土濱上國材布中欽雅有
山川之名承其父祖之脩碧雲袞野固須挺於渠
材皓雪飛霜疇不推於絕駕章封屢報誠意交乎
載念迭芬宜膺多戩是用遣蕭實訥等持節備禮
冊為東懷國至聖至明皇帝義敦友睦地裂豐腴
嗚呼戒哉欽哉式乎于休所有徽號緣犯祖號改
為至聖至明餘悉從之使人自十月發行冬十二
月至金國是月阿固達追尊九代祖堪布謚景元
皇帝號始祖八代祖名烏魯謚德皇帝七代祖名
巴哈謚安皇帝六代祖名綏赫謚定昭皇帝號獻
祖五代祖名舒魯謚成襄皇帝號昭祖曾祖太師

名烏古龍謚惠皇帝號景祖父太師名英格謚孝平皇帝號穆宗妃后皆追加謚號金阿固達以遼使儀物示楊朴楊朴以儀物不全用天子之制又東懷國乃小邦懷其德之義仍無冊為兄之文如選芬多戩皆非美意形弓象輅亦諸侯事渠材二字意似輕侮命實訥埒歸易其文實訥埒曰兄友弟恭出自周書言友睦則兄之義見矣楊朴等面折以為非是阿固達大怒叱出使副欲腰斬之尼瑪哈諸酋為謝乃解然猶人各答百餘至次年三月止遣實訥埒楊立忠回云冊文我都不曉徽號國號玉輅御寶我都有之須稱我大金國皇帝兄即已能從我今秋可至軍前不然我提兵取上京矣天祚惡聞女真事蕭奉先揣其意皆不以聞遷延久之聞上京已破和議遂寢後天祚雖復言和阿固達皆不報遼

己亥宣和元年

大遼

天慶九年

大金

天輔二年

西夏

元德元年

宋

正月詔改佛為大覺金僊餘為僊人大士僧稱德士尼為女德士寺為宮院為觀禁銅鈸賜佛

天尊服德士依道流戴冠執笏京師左街崇先香積院寶覺大師永道上書諫曰自古佛法與國運同盛衰元魏太武信崔浩滅佛法不五六年崔浩赤族文成帝大興之周武信衛元嵩滅佛法不六七年元嵩貶死隋文帝繼興之唐武宗信李德裕李歸真滅佛法不一年歸真誅德裕竄死朱崖宣宗盛興之我國家太祖皇帝太宗皇帝列聖相承譯經試僧流通佛法自有成憲萬世可守也上震怒黜永道于道州道在貶所齋戒嚴正如常時道昔者嘗從西天總持三藏稟真言軌範至是值軍民多瘡癘道呪水以飲之無不痊安三月京師大水街衢浩渺朝廷委林靈素治水日夜益漲君臣懷懼泗州僧伽普光王現靈禁中帝焚香歸敬見僧伽振錫登城水乃頓涸上下大悅冬十一月放

林靈素歸温州宣和二年秋九月詔復佛號德士復為僧永道量移近郡宣和七年詔永道還京師復僧形服朝廷旌其護法念其精忠改賜名曰法道住昭慶昭先院兼領石街顯聖釋迦院

東都事畧又道三藏本傳

金人四月攻陷遼國上京路祖州則太祖之天膳堂懷州則太宗德光之崇元殿慶州則望僊望聖神儀三殿比先破乾顯等州如凝神殿安元聖母殿木葉山之世祖殿諸陵寢皇妃子弟影堂焚燒掠盡發掘金銀珠玉所司即以聞蕭奉先皆抑而不奏

遼志

庚子

宣和復僧大遼二年佛號

天慶十年

大金

天輔三年

西夏

元德二年

宋

太尉陳良弼建大會齋延諸禪講有善法師賢首宗之雄者號義虎致問諸禪曰吾佛設教自

小乘至于圓頓掃除空有獨證真常然後萬德莊嚴方名為佛而禪宗以一喝轉凡成聖攷諸經論

似相違背令一喝若能入五教是為正說若不能入五教是為邪說是時諸禪列坐法真禪師一公以目眴慈受禪師深公深肘淨因使對之淨因曰善而謂之曰承法師所問不足勞諸大禪師之躊只淨因小長老可解法師之惑其五教者如愚法小乘教乃有義也如大乘始教乃空義也如大乘終教乃有不空義也所謂大乘頓教乃即有空義也所謂一乘圓教乃空而不有有而不空義也我此一喝非雄能入五教至於世間諸子百空一切技藝惡能相入乃喝曰還聞麼善曰聞成曰汝既聞則此一喝是有是能入小乘教又台善曰汝今還聞麼善曰不聞成曰汝既不聞則適來一喝是無是能入大乘始教我初一喝汝既道有喝久聲銷汝復道無道無則元初實有道有則即今實無既乃不有不無是能入終教我有喝之時有非是有因無故有無喝之時無非是無因有故無

即有即無能入頓教我此一喝不作一喝用有無不及情解俱忘道有之時纖毫不立道無之時橫徧虛空即此一喝入百千萬億喝百千萬億喝入此一喝是能入圓教善遂稽首謝師復召善曰乃至一語一默一動一靜從古至今十方虛空萬象森羅六趣四生三世諸佛一切聖賢八萬四千法門百千三昧無量妙義契理契機與天地萬物一體謂之法身三界唯心萬法唯識四時八節陰陽一致謂之法性是故華嚴經云法性徧在一切處有相無相一聲一色全在一塵中含四義事理無邊周徧無餘參而不雜混而不一於此一喝中皆悉具足猶是建化門庭隨機方便謂之小歇場未至寶所殊不知吾祖師門下以心轉心以法印法不立文字見性成佛有千聖不傳底向上一路在善又問曰如何是向上一路成曰汝且向下會取善曰如何是寶所成曰非汝境界善曰望禪師

慈悲成曰任從滄海變終不為君通善於是慨然
變容俛首而退是時帝私幸觀之太師魯國公亦
預焉帝顧謂近侍曰禪宗玄妙深極如此淨因才
辯亦罕有也侍臣奏曰此宗師之緒餘耳瑩仲溫
羅湖錄贊曰成之學瞻道明左右逢原乘機挫銳
於人天衆前借使先德扶宗亦蔑以加於此矣禪
師名繼成字蹠庵生江西袁州宜春劉氏詔住淨
因禪刹師嗣智海道平禪師平嗣大湊慕詰詰嗣
翠巖可真真嗣慈明圓禪師成之嗣有二弟
子曰瑞巖勝治父川臨濟派也羅湖文集

辛丑

宣和三年

大遼

保大元年

大金

天輔四年

西夏

宋二月詔政和七年所改寺為神霄宮者田產盡
還僧寺統紀三月二十五日詔慈受禪師懷深住汴

京大相國慧林禪刹師生壽春夏氏高宗紹興
二年入寂嗣長蘆信信嗣慧林圓照本禪師
燈普

白雲庵

杭州靈隱寺方丈後山之庵也至是宣和三年有比丘曰清覺自號本然仁宗慶歷

三年十月二十二日生洛京登封縣孔氏宣尼五十二世孫曾祖高勅事梁歷唐同光時領襄州澤潞河陽節度使官至太子太師父訢進士隱德母崔氏覺幼而穎悟習儒業累請鄉舉神宗熙寧二年閱法華經有省求出家父母許之依汝州龍門山寶應寺海慧大師剃染囑其南詢初叅嘉州栽菴山千歲和尚次抵淮西舒州慶安路浮山結菴于太守巖宴坐二十年哲宗元祐七年遊浙明年至杭州靈隱寺隨衆居止汪羅二行人求師心要學侶日臻靈隱圓童禪師以寺後白雲山庵居覺玄化開闡乃自立宗以所居庵名為號曰白雲宗移居餘杭龍門山庵曰福地為龍神說三皈五戒至是崇寧三年至錢塘六和塔開化寺後紫雲菴居道俗請就正濟寺講華嚴經時當毀教覺著證

宗論三教編十地歌大觀元年卓庵湖州歸安千金市名曰十地次至烏程菁山卓錫得泉結庵而居名曰出塵徒衆復請歸正濟寺忌之者以證宗論干忤朝政聞官政和六年編管廣南思州宣和二年弟子政布等十人詣京陳狀蒙旨放令逐便至是辛丑年七月二十日謝恩八月三日作偈投太守游公指以九月二十六日為別至期乃化去世壽七十九歲僧臘五十二夏弟子慧能稟遺訓奉靈骨舍利歸葬杭州餘杭之南山當宣和五年之二月也塔曰白雲院曰普安後弟子改曰普寧其於崇德甌山松林善住皆其行道之所德清龍山超山方山乾元山歸安巖山皆分葬舍利之所其宗聿興浙石

壬寅

宣和十二月無
四年蓋屠戮

大遼

保太二年

大金

天輔五年

西夏

遼

春三月金人破中京

也

天祚在燕京聞報甚

懼即日出居庸關率騎兵五千西奔雲中府留

宰相張琳李處溫與燕王淳守燕淳居燕二十年

得人心天祚趨漁陽入夾山李處溫等三月十七

日會百官父老立燕王曰天錫皇帝改元建福下

詔廢天祚為湘陰王天錫以燕雲平中京上京遼

西六路奄為己有沙漠以北西南面西北路招討

府諸番部族天祚主之稱保大二年遼國自此分

矣八月燕帝淳病薨諡曰宣帝無嗣越王蕭幹會

百官父老議立燕帝妻蕭氏為皇太后權主軍國

事奉迎天祚次子秦王為帝蕭氏即位於柩前改

元德興天祚聞淳死下詔削淳官爵并妻蕭氏降

為庶人賜姓虺氏金主趨中京天祚

走及夏國十二月金人抵居庸關

遼志

走及夏國十二月金人抵居庸關

走及夏國十二月金人抵居庸關

癸卯

宣和五年

大遼

保大三年

大金

五月改西夏

天會元年

宋

秀州令嘉路春早禱精巖寺觀音有驗重裝聖像
夏旱復有請郡守曾侯夢白衣天人曰我固當

為此方致雨然面目不淨三十里無所見不能與
衆聖會柰何明日詰其由果匠者欲聖容明潤用

雞子牛膠調粉故爾遂改
新之隨禱即應

音感應集

遼

春正月燕帝后蕭氏在燕聞金人入居庸關夜
率蕭幹及車帳出城聲言迎敵實乃出奔至松

亭關議所往耶律達實林牙遠人也欲歸於天祚
四軍大王蕭幹奚人也欲就奚王府立國宣宗

燕王

也駙馬都尉蕭伯特曰今日固合歸天祚然而有
何面目相見林牙命左右牽出斬之傳令軍中有

敢異議者斬於是遼奚二軍列陣相拒而分矣遼
軍從林牙挾蕭后歸天祚于夾山

七月到夾山并天

外甥昌格奚渤海軍從蕭幹
錄免本罪號神聖皇帝國號大奚改元天興
府自立僭號神聖皇帝國號大奚改元天興

又曰

七月奚兵遇金人戰於腰鋪奚大敗蕭幹為其部曲特爾格殺之

遼志

金

癸卯春陞皇帝寨曰會寧府建為上京改遼之上京曰北京先是女真之初無城郭止呼曰皇

帝寨國相寨太子莊至是改焉置三省六部尹貳

曹屬左丞相陳王古新撰女真字以行金志五月阿

固達更北追天祚途中以疾殂諡曰大聖武元皇

帝廟號太祖更建國登位首末凡六年弟烏奇邁

立改名晟英格太師第二子也改天輔六年曰天

會元年在位一十一年更八子皆封王初燕人張

穀者平州人也河東山路州平州登進士第仕燕

建福元年燕王王濚之授遠西興軍節度使遼平

也州金人尼瑪哈欲擒穀康公弼曰是激其反也獨往

見穀諭金國之意穀曰契丹八路今特平州存耳敢

有異志所以未釋甲者防蕭幹耳康報其言尼瑪哈

信之改平州為南京加穀同平章事判留守事實

欲圖之也穀殺金左金弓等以平州附宋十一月
金兵襲破平州得宋朝所賜穀金花箋御筆書詔
命王安中縊穀亟首送金未幾金太子幹里雅布由

平州侵

宋矣

金志

金主旻八子一曰幹布二曰勝額之即熙宗也三曰
穆里延與勝額同母乃正室所生四曰幹里雅布

誤呼曰五曰烏里誤呼曰宋高宗紹興四年冬犯
江上者生第六曰烏珠誤呼曰七曰額爾袞誤呼曰

八曰阿里布邢王號自在郎君是也與烏珠同母
旻第二第三二子早世所以誤呼其四為二五為

三六為
四也

金志

甲辰

宣和六年

大遼

保大四年

大金

太宗歲西夏

天會二年

宋高僧寂音尊者

江西瑞州清涼禪師名惠洪
洪郡之彭氏子年十四父母俱

喪依三峯龍禪師居日記數千言覽郡書殆盡龍
器之年十九試經於東京天王寺得度從宣秘講

成實唯識論逾四年棄去謁真淨文禪師於廬山
歸宗文遷石門師隨行命掌記室未久去之顯謨

朱公彥守撫州請開法州北景德後住江寧府清

涼大慧杲禪師處衆日親依於師仰嘆其妙悟辯

慧高宗建炎二年五月辛酉入寂于同安世壽五

十八歲僧臘三十九夏太尉郭公天民奏賜寶覺

圓明之號師嗣真淨文禪師撰禪林僧寶傳三十

卷林間錄又文集曰石門文字禪流行于世普燈

遼甲辰秋七月天祚牽韃靼諸軍五萬攜其后妃

二子曰秦王趙王及宗屬南來越漁陽嶺金人

尼瑪哈回軍雲中天祚復奔山金司與小呼魯謀南
歸宋又謀奔西夏國計未決小呼魯密遣人遞報

尼雅滿金使羅索馳騎犯天祚小呼嚕遂俘天祚
以還金人削封天祚為海濱王逆長白山遼令遼東

平陽府城東築室居之明年乙巳殂遼國亡遼起自後
梁均王貞明二年丙子歲至是甲辰凡九主歷二

百單九年
遼志

乙巳宣和
七年

大金
天會三年
西夏

宋六月封童貫廣陽郡王宋朝凡異姓非外戚無
封王者蔡京用事持紹述之說以資姦謀遂贈王
安石舒王其後何執中贈清河郡王王爵於
是濫矣十二月童貫復宣撫自太原逃歸宋

大金

十二月十二月韓里雅布尼瑪哈分道入侵宋因平州張
鼓歸宋至於構怨東路之軍韓里雅布主之建

樞密院於燕山以劉彥宗主院事西路之軍尼瑪哈
主之建樞密院於雲中以時立愛主院事國人呼

為東朝廷西朝廷於是幹里雅布之兵自燕山直犯河北尼瑪哈之軍犯河東陷朔武代忻等州直趨太原金之渝盟也一因張毅帝所恃者童貫賈先臨敵逃歸貫本庸繆因蔡京為助遂握兵權貫令統兵身遠敵常數百里是致將不先敵士不用命屢見敗衄庚申帝禪位太子以道君號退居隆德宮遣李鄴使金人告以內禪且求和紀帝

欽宗

桓徽宗子至是以皇太子受內禪即帝位年二十七歲尊徽宗曰太上皇在位二年

靖康

二

丙午靖康元年

大金

天會四年

西夏

四月攻宋
宋昭死之

宋

正月金人陷相州己巳帝下詔親征太上皇出幸南京辛未帝置守城戰具粗畢而金人抵城

下矣白時中罷相李邦彥起復太宰張邦昌少宰
都人呼邦彥為浪子宰相壬申遣使督諸路帥臣
將兵入援金人索金銀搗師尊我主為伯父歸我
燕雲之人在漢者割中山太原河間之地親王宰
相為質我乃退師詔以皇弟康王為軍前計謀使
張邦昌副之李鄴高世則偕行所求皆與之其三
鎮詔書李綱留之不遣乙亥詔金國以大金稱丁
亥勤王之兵並至號二十萬京師人心稍安二月
金使復來帝遣宇文虛中齎李綱所留三鎮詔書
以往仍奉迎康王先是康王留金營與金國太子
同射連發三矢皆中鵠連珠不斷金人謂將官良
家子似非親王乃遣歸更請蕭王為質乙巳康王
自金營還金人圍京城凡三十三日既得三鎮詔
書及蕭王不俟金銀數足丙午金師退竄蔡京僭
州至潭而死年八十蔡攸竄萬安軍尋有詔所在
斬之童貫遠竄追斬於南雄三月命樞密使李綱

迎上皇于南京四月始至京師趙良嗣先竄郴州至是就斬之初徽宗政和元年秋九月童貫使遼歸至幽州盧溝河有燕人馬植者得罪於遼之燕王無所容遂見貫陳滅燕之策貫攜之歸改姓李名良嗣薦于帝賜姓趙復燕之議始於此也宣和二年二月女真請遣使通好因遣趙良嗣往約夾攻契丹卒於敗國今乃斬之金人以三鎮未得冬十月復兩道入寇十一月乙酉斡里雅布犯京師屯劉家寺閏月尼瑪哈犯京師屯青城詔康王構為天下兵馬大元帥陳構為元帥宗澤副之速領兵入衛丙辰京城失守辛酉帝如青城二酋令孫覲撰降表書成令帝簽名北望拜發且云其主別立賢君但稱宋王帝默然十二月壬戌朔帝留青城康王開元帥府于相州癸亥帝自青城回尼瑪哈請遣使迎康王使還報不見康王為辭

宋

西夏

四月夏人寇邊攻震威城我酋呼知城未昭曰大金約我夾攻自河以北大金得之自河

以西我國得之令麟府諸堡悉已歸我公何恃而不降乎攻甚急城陷昭死之十一月夏人寇邊陷

懷德軍守貳劉詮杜相死之

宋

丁未靖康二年正月辛卯朔庚子金尼瑪哈遣人邀帝到營帝以孫傅謝克家輔太子監國傅仍為留守梅執禮副之帝出城僕射何桌以下皆從帝至青城與尼瑪哈相見留之營中並留親王宰相執政學士院禮部太常寺官餘令先歸金人根括金銀帝遣中使歸云朕拘留在此候金數足方可還於是增官根括搜括威里宗室內侍僧道伎術之家凡八日得金三十萬八千兩銀六百萬兩衣段一百萬輸納金營二月丁酉尼瑪哈遣金牙郎君來責又發教坊人孟子著內侍藍折醫官周道隆等所

藏窖隱金銀凡十八日城內得金七萬五千八百
兩銀一百一十四萬五千兩衣段四萬八千四百疋
納金人軍前丁巳金人索大晟樂器太常禮制器用以至
印板戊午金人索大晟樂器太常禮制器用以至
琴棋博戲之具珍奇圖畫等物丙寅尼瑪哈令蕭慶
讀金主詔於帝曰別立異姓廢淵聖為陳留王保
州守墳墓推異姓堪為人主者從軍前備禮冊命
仍邀太上皇出城丁卯太上皇后妃鄆王以下三
十餘人諸王妃公主都尉等皆從三月丁酉金人
冊張邦昌為帝國號大楚丁巳太上皇北行寧德
皇后及諸親王妃嬪以下皆行由滑州路進發軔里
雅布軍護送四月庚申朔淵聖皇帝北行皇后皇
太子偕行由鄭州路進發尼瑪哈軍護送淵聖率后
諸王望拜城中泣別宗廟哭聲震動青城庚午元
祐皇后孟氏垂簾聽政邦昌以太宰退處資善堂
也時六宮有三位者皆從二元祐孟太后哲宗后
癸亥

羣臣請康王即位辛巳康王至單州壬午至
城縣邦昌聞車駕至南京排辦輿輦冠冕服御
物百官有司各以其職並赴南京以備冊禮癸
康王次應天府曰令歸德府豫城翌日詣鴻慶宮朝
殿御容張邦昌至伏地慟哭請罪王慰撫之甲
耿南仲等議改元建炎以有宋火德之祥也戊
太后遣使賫手書畧曰令聞涓辰之吉受冊有
將同日月之照臨行布風雷之號令天命所屬
民咸竭於驩心神器既安哀老願諧於
素志康王乃以己丑即帝位于南京

高宗

諱構徽宗第九子封康王靖康二年五月庚寅
朔改元建炎以五月二十一日為天中節竄

邦昌于潭州尋賜死建炎三年三月御營司都
制苗傅副統制劉正彥作亂逼帝遜位太子居
睿聖宮太后垂簾聽政十一日改年曰明受張
呂頤浩辛永宗劉光世韓世忠等勤王上復辟

建康秋七月韓世忠生擒苗劉繫于建康市議
劄越州發建康金人犯建康陷杭州帝航海至
州復回越州車駕如杭州陞杭州為臨安府紹
二年春正月癸巳朔壬寅帝發越州丙午駐驛
安府久之秦檜自金回專主和議徽宗欽宗鄭
邢后相繼崩于五國城金還河南地及梓宮以
越州于繼而復入寇張浚韓世忠岳飛吳玠等大
之遂遁去帝頒黃庭堅所書戒石銘於州縣興
學建二館開經筵躬籍田正經界秦檜不能體上
意罷諸將之權以沮忠義之氣卒使境土不能復
也帝年二十一歲即位在位三十六年禪位孝
宗自稱太上皇居德壽宮年八十二歲崩

宋續通鑑

建炎四

紹興三十

丁未建炎元年

冬十月車駕狩揚州

大金

天會五年

西夏

戊申

建炎 正月詔金住持克勤入
二年 對揚州賜號圓悟禪師燈普

大金

天會六年

西夏

冬十月四日蘇州北禪天台法主淨梵入寂
梵傳慧明明傳蘊堯報慈法師也統僧傳集

己酉

建炎
三年

大金

天會七年

西夏

諸天行位

秋八月二十一日杭州上天竺慧覺法師齊壁入寂石林葉夢得銘其塔壁著

普賢觀經疏三卷祖源記二卷嗣子神煥如湛法
久煥常考論諸天行位以君臣賓主男女本跡為
綱目謂大梵尊天君臨三界統上冠下諸天皆其
臣屬也大梵為三界主三目摩醯為大千主帝釋
主地居三十三天四王主領八部雖君臣不同要
各有主義若大辯在山澤功德在北天園中皆容
寄耳實無所主領也梵釋四王是男天功德大辯
地神樹神皆女天不可使男女失序況鬼子母有

女名功德天有男名散脂修摩今子居母上可謂之以母從子其可居天主之上乎梵釋四王本是地住菩薩金剛密跡本護千兄成佛不揣其本而齊其迹可乎知此四義然後始可與言天矣煥有

三弟子曰總庵妙心常齋法开覺庵簡言
言傳鑑堂思義實慶紹定間住上竺僧釋統

簡釋
傳統言

護國金光明懺

冬十月帝狩台州至金鰲山寺寂
然空靜唯廣殿香清有白髮僧老

甚禱諸天於佛前憂時保國語意誠篤帝悅而問之對曰護國金光明三昧懺也是後駐蹕杭州輦下諸巨剎歲賜金帛修金光

明下
期言
懺目
實赤
本歲
於財
此金
爐趙

修彦問
金惠話
光雅

庚戌

建炎春二月駕狩溫州駐大魚
四年江心寺因改曰龍翔

天會八年

西夏

齊

金人尼雅滿以張邦昌之死請於國主乃以河南之地九月九日冊立濟南守劉豫為帝于大名

國號大齊年曰阜昌宋屢征討之豫屢敗衄至丁巳年金主以劉豫不能立國遂廢豫齊立八年亡

豫生景州
守濟南金志

辛亥紹興元年

秋八月范宗尹
罷相秦檜右相

大金
天會九年 西夏

壬子

紹興二年
秋九月秦檜罷相
朱勝非復拜右相

天會十年

癸丑

紹興三年

天會十一年

甲寅

紹興四年
九月趙鼎入相

太宗崩熙宗立

天會十二年

乙卯

紹興五年

天會十三年 西夏
大德元年

宋九月丙辰駕幸上天竺以萬歲香山供養菩薩
召住持應如賜對如辯慧稱旨賜金帛祠部度僧

牒以勅修造初紹興三年七月龍圖閣學士梁汝
嘉知臨安府奏圓通大師應如住上竺至是帝悅

勝紀上

金

太宗晟天會十二年十二月崩熙宗孝成帝亶
立太祖嫡孫也宗浚之子稱天會十三年至戊

午改元天眷辛酉改元皇統己巳望統九年十二
月十日為從弟岐王亮弒之孝成在位十六年幼
而聰達貫綜經業喜文辭威儀太宗深所愛重平
日嗜殺晚年性尤暴宗族大臣皆懼不免遂相與
結約以伺其間而弒之亮既即皇帝位追廢亶為
東昏王亮死世宗立謚亶曰武靈皇帝廟號閔宗
久之改孝成皇
帝廟號熙宗
金志

丙辰

紹興
六年

大金

天會十四年
西夏

平江虎丘隆禪師入寂塔全身于西南隅師
和州含山人嗣園悟勤禪師勤嗣五祖演燈普

丁巳

紹興七年七月二十一日詔佛日禪師宗杲住徑山能仁禪寺

天會十五年

戊午

紹興八年三月秦檜復拜石相

金改天眷元年

勅綾度牒

宋秋八月詔賜天下僧尼勅綾度牒
釋統興廢志中

己未

紹興九年

天眷二年

宋詔以女真來和大赦天下諸路軍州建報恩光
孝禪寺以崇寧寺改之奉徽宗皇帝香火釋統興廢志中

庚申

紹興十年

大金天眷三年西夏大慶元年拓跋仁孝立

宋冬十一月七日杭州北關妙行院沙門名思淨
入寂禮部侍郎張九成銘其塔淨之族錢塘喻氏

建妙行院接持供僧三百萬畫阿彌陀佛入于神妙揚侍郎傑贊為喻彌陀人從而稱之淨於西湖

之北鐫石為
大佛頭塔銘
寺記

辛酉

紹興十一年

秦檜張浚謀誅大將岳飛

金改

皇統元年 西夏

宋朝散郎知温州張九成字子韶號無垢居士杭州鹽官人初紹興二年三月帝策試進士九成第
一九成謂前輩搢紳所立過人伊洛名儒所造精
妙皆由悟心因是叅學究竟初謁大通之嗣寶印
禪師楚明見佛日杲禪師于徑山明悟心要窮元
盡性至是辛酉年佛日重其悟入特為上堂引神
臂弓以言之是時軍國邊事方議神臂弓之用右
相秦檜以為譏議朝政五月明佛日竄衡州貶九
成南安軍九成謫居十四年寓橫浦僧舍談經著
書皆學者之未聞其心傳錄曰六經皆妙法也然

言者道之贅六經其贅道哉圓於經則贅矣又曰
世間無非幻人處幻中不知萬古紛紛喜怒哀惡
從何而起以為本有則物不形以為本無不可責
之如木石其間能自覺者又是認幻為覺覺即幻
也無幻則不覺因覺知幻覺自不可著況於喜
怒愛惡之情乎況於功名富貴之塵乎瑩仲溫
羅湖集
宋秋七月台州智誦法師了然住白蓮天台教庠
已二十四年至是沐浴更衣跏趺說法而遊所著
南嶽止觀宗圓記五卷十不二門樞要二卷虎溪
前後集八卷嗣法諸子澤山與成山堂元性白蓮
妙璘虛堂
本空
釋統
僧傳

壬戌

紹興十
二年

大金
皇統二年
西夏

宋春顯仁太皇后韋氏自北歸徽宗
也秋九月
尚書左僕射冀國公秦檜封太師魏國公繼

癸亥

紹興十三年

金夏六月英悼太子生詔海慧大師於上京宮側
創造大儲慶寺普度境內童行有籍于官者為僧
尼道士亦如之通百萬計次年詔留海慧清慧二
禪師居大儲慶寺迎瑞像供養本寺積慶閣金志記
宋勅於臨安府西山建天申萬壽圓覺寺成四月
十九日令藩邸看經僧德信奉香火至理宗寶慶
二年五月十三日始詔師贊
住持傳十方天台教觀碑刻

翻譯名義

宋秋八月蘇州江陰路景德寺沙門
法雲編成七卷唯心居士周葵叙

甲子

紹興十四年

宋明州延慶
院改賜寺額

大金

皇統四年

西夏

元慶元年

宋詔改天竺靈山寺為時思薦福賜憲聖慈烈皇
后吳氏奉先香火寧宗慶元三年冬十月卜地靈

隱之西建時思薦福寺成復還天竺舊額嘉定十年六月慶遠軍節度使吳琰請于朝曰時思薦福乞依上下天竺事體永傳十方天台教觀始詔景遷開山住持吳寺碑記

乙丑

紹興十五年

皇統五年

金國海慧大師遷化帝偕后親奉舍利五處立塔特謚佛覺佑國大禪師次年正月賜清慧號佛智護國大師登國師座特賜金襴僧伽袈大袈珍異餅爐寶器帝與后親奉接足禮拜授衣其欽敬古所未有傳本

丙寅

紹興十六年

大金

皇統六年 西夏

丁卯

紹興十七年

蒙古國祖元皇帝

天興元年

皇統七年 西夏

金國達蘭既誅其子賽罕圖郎君者率其父故部曲以叛與莽果賚通烏珠都元帥未死自將中原所教神臂弓手八萬人討之連年不能克皇統六年八月復遣蕭保壽努與之和議割西平河以北二十七圍寨與之歲遺牛羊米豆且冊其酋長鄂囉貝勒為蒙古國主至是始和歲遺甚厚於是鄂囉貝勒自稱祖元皇帝改元天興大金用兵連年卒不能討但遣精兵分據要害而還冬都元帥烏

珠堯志金

宋

三藏法師初名永道改賜曰法道徽宗宣和元年詔改佛為大覺金僊左街崇先香積院寶覺

大師永道上書諫帝怒黜道于道州宣和七年詔道還京師復僧形服朝廷旌其護法改賜名曰法道住昭慶昭先院兼領右街顯聖釋迦院高宗建炎元年以五月二十一日聖誕為天申節汴京留

守宗澤承制請道住左街天清寺補宣教郎為國
焚祝叅謀軍事三年道隨駕南巡累召至都堂預
議軍國事欲加冠裳道辭帝從其志仍前號寶覺
加賜圓通法濟大師四年五月回駕次越州夏早
詔道禱雨於圓通教寺雨通帝悅紹興二年二月
宣道入對久之詔住江州廬山東林太平興龍禪
寺三年春二月道上劄子陳僧道班次依祖宗成
法五年夏早詔道入禁中禱雨大通帝賜道金鉢
紹興至是十七年四月道叙大宋僧史畧秋七月
二十一日跏趺謂其徒曰法門扶持更在諸公言
訖而逝塔于杭州西湖之九里松寧
宗嘉定間東陽吳克己為道作傳碑誌

戊辰

紹興十
八年

大金
皇統八年 西夏

宋佛智禪師名端裕吳越王錢氏之裔嗣園悟勤
禪師初住鄧州丹霞遷虎丘移徑山庵于西華勅

住保寧萬壽遷閩之玄沙壽山西禪被旨補靈隱
是年秋赴育王之命嗣子淨慈水庵師一等錄普燧

己巳

紹興十九年

金主被弒亮改夏九年曰天德元年

天盛元年

宋五月二十三日勅賜婕妤劉氏功德院以褒親
崇壽為額寧宗嘉定十七年始詔正悟法師元粹

開山住持傳十方天台教觀

鳳山劉寺今為兩竺之亞寺觀記

金十二月甲子左丞相岐王亮即皇帝位追尊父
為德宗改元天德遷都燕京又遷汴京南侵宋

至揚州正隆六年十一月乙未為諸將弒於瓜

洲鎮龜山寺在位一十三年謚曰海陵煬王金志

宋江西隆興牧庵禪師名法忠明州鄞縣姚氏子

幼性專靜告親出家父母送之依郡中崇教院師

道英受業年十九試經得度超講肆究天台教旨

頗自負一日暴所習於禪者為其折困因有疑投

天童交禪師交使其南詢遂闕之雪峯需禪師
席不契走淮西舒州龍門佛眼遠禪師席下縱步
水磨覩其榜曰法輪常轉豁然大悟說偈曰轉大
法輪目前已裏更問如何水推石磨佛眼領之辭
去度九江登廬阜露眠草宿蛇虎為鄰山舒水緩
處會意則居馬佳勝業南木雲蓋公安大瀉五剎
復赴豫章黃龍至是己巳年太尉邢公孝揚施金
為忠營壽塔於寺東之蕪源工纔畢忠笑曰吾將
行矣書偈曰六十六年遊夢幻中浩歌歸去撒手
長空瞑目而寂法嗣佛眼遠禪師遠嗣五祖演演
嗣白雲端端嗣楊歧會會慈明圓禪師
臨濟派也嗣忠之法者普庵肅禪師等燈普

普庵寂感妙濟真覺昭貺禪師

名印肅生江西袁州宜春余氏年六

歲夢異僧勉之出家父母送之從壽隆院賢公受
業年二十七落髮越明年受具足戒賢勉之讀法

華經師曰嘗聞諸佛元旨必貴子悟于心遂辭師
遊湖湘謁牧庵忠禪師于大瀉山問萬法歸一一
歸何處忠堅起拂子師遂有省後歸受業院至是
紹興癸酉有鄰寺曰慈化衆請師住無常產師布
衾紙衣粥食禪定一日閱華嚴經合論說謁曰控
不成國撥不開何須南嶽又天台六根門首無人
用惹得胡僧特地來平居說偈曰靈妙如如不異
太虛造化萬物不礙方隅慕師之道而來者師隨
宜而為說法或書偈與之有病患者折草為藥與
之受者即愈靈應非一由是鼎新梵宇或問師修
何行而得此師畫一畫云會麼云不會師云上止
不須說孝宗乾道五年七月二十一日示衆曰諸
佛不出世亦無有涅槃入吾室者必能元契矣善
自護持毋令退失索浴更衣跏趺而逝世壽五十
五歲僧臘二十八夏塔全身於寺累受恩勅封謚
師容貌魁奇智性天發法嗣黃龍牧庵忠禪師

庚午

紹興二十年

大金

天德二年

西夏

辛未

紹興二十一年

天德三年

釋迦文佛入滅至是二千一百年

宋杭州徑山佛日禪師名宗杲生江東宣州寧國
奚氏嗣法佛果圓悟勤禪師初紹興七年詔住徑
山辛酉十一年五月為張九成上堂言神臂弓朝
廷毀其衣牒竄衡州至是二十一年十一月移梅
州未幾詔復形服蒙恩北歸四方虛席以邀不就
十二月二十三日詔住明州阿育王山廣利禪寺
紹興二十八年詔再住徑山孝宗隆興元年八月
十日示寂於徑山明月堂世壽七十五歲僧臘五
十八夏葬全身于寺山賜謚普覺塔曰寶光孝宗
為普安郡王時嘗造內都監至徑山問道佛日獻

偈曰大根大器大力量荷擔大事不尋常一毛頭
上通消息徧界明明不覆藏王嘉之及封建王復
造內知客至徑山供五百阿羅漢親書妙喜庵三
大字製真讚以寄師曰生滅不滅常往不住圓覺
空明隨物現處孝宗卽帝位賜師號大慧禪師盡
取向所賜宸翰以御寶識之聖恩隆厚嗣法弟子
燈分甚衆右相湯思退叅政李炳內翰汪藻禮部
侍郎張九成給事中馮檝士大夫得其道悟徹者
具載如長書普說少保保信軍節度使魏
國公張浚銘其塔賜語錄入藏流行普燈錄
宋隆興泐潭草堂清禪師會中書記名修仰南閩
人佛日果禪師奉旨自衡州移梅陽仰侍行郡守
謝朝議以佛日語僚屬曰朝廷編置所謂長老者
但一僧耳兵馬司東徧之隙地從其居止既而僧
行日至幾數百指施鉞鑊而平基址運竹木而縛
屋廬聽其指呼無敢怠者守雖聞其服勤如此亦

未知果何人也於是延見一二觀其能為仰適承
命乃與從容彌日語論英發擅古商今逢源左右
宇復微等伍更有蘊異能者否仰遂告以負大經
論者有之博極書史者有之詩詞高妙者有之翰
墨飄逸者有之其所以未能明微則佛祖大事因
緣而已是以不憚艱險隨侍而來得依仁政幸莫
大焉守且駭異知其徒侶皆為法忘軀之士自是
於佛日禪師日益加敬遣其子純粹求入道捷徑

佛日示以法語八
篇存語錄中

此雲臥

宋顯仁太皇后章氏紹興十二年自北歸東都至
是辛未二十二年十月於杭州阜亭山建新寺成
額曰崇先顯孝詔洞山下九世真歇禪師清了開
山住持召對稱旨賜金襴衣未幾而寂全身葬于
寺有碑存焉真歇生蜀綿州雍氏嗣丹霞淳淳嗣
芙蓉楷禪師太后謂道家以聖殊有冥助改孤山

寺為延祥觀以奉香火遷孤山尊者法
慧法師智圓全身葬北山瑪瑙坡武林經

壬申

紹興二
十二年

金自會軍府遷都燕西夏
天德四年

癸酉

紹興二
十三年

金改

貞元元年

宋詔台州東掖山圓智住上天竺太師秦檜問曰
止觀一法耶二法耶智曰一法也譬之於水湛然
而清者止也可鑒鬚眉者觀也冰則一耳以衆生
心性有昏重巨散之病用止觀為藥救而治之歸
一法界之全體法界寂然名為止寂而常照名為
觀止觀明靜之體豈有二耶檜悅首施錢五萬緡
以建法堂紹興二十八年十二月十二日證悟法
師圓智入寂曹勛撰塔銘詔嗣法首座若訥繼席
持住

宋給事中知瀘州馮檇悟心法於大慧果禪師號不動居士南渡後所在寺院佛藏經殘失檇印施補之足五千餘卷者凡四十八藏人四大部者亦如之所至與賢士大夫高僧逸民續廬山蓮社遺風每月建繫念淨土會至是癸酉冬十月三日具衣冠望闕再拜已換著僧三衣陞高座跏趺說偈

而逝
普燈錄

宋温州圓辨法師道琛所至居止每月二十三日建淨土繫念道場會禪律講宗名勝畢至緇素常逾萬人至是癸酉冬十二月十六日安坐而逝傳法嗣子法蓮慧詢仲韶韶著指南集二卷江湖寶之

佛年
錄法繫

全真教

金國貞元元年有吏員咸陽人王中孚者倡全真教談馬伯劉和之其教盛焉章宗

欽定四庫全書

卷四

九

泰和四年元學士
作紫微觀記金真寶

甲戌紹興二十四年

大金貞元二年西夏

乙亥紹興二十五年
太師秦檜老病乞與男熈致遠亮中興小歷

貞元三年

丙子紹興二十六年

金改正隆元年

宋華亭余山馬嗜禪師名法寧生山東密州營縣
李氏幼歲投沂州天寧妙空明公得度住沂州馬
嗜山淨居寺紹興初航海抵華亭青龍鎮有官居
察判章衮母夫人高氏夢天人曰古佛來也翌旦
師至迎之止錢氏園師乃建精舍掘基得鐵磬斷
碑佛像之應華亭今柳約申明所司奏賜所建寺
額曰淨居往明州省妙空于雪竇庵於補陀別峯
曰青山保寧小郡守莫將請主吉祥初哲宗元符間

余山有精舍曰靈峯請部符改額曰昭慶禪院右
丞朱諤致師開山住持遷明州廣慧復回昭慶至
是丙午年正月八日入寂塔全身方丈之東偏世
壽七十六歲僧臘五十九夏嗣雪竇明禪師明嗣
長蘆和和嗣法雲
本雲門宗派五燈會元

丁丑

紹興二
十七年

大金

正隆二年

西夏

戊寅

紹興二
十八年

正隆三年

己卯

紹興二
十九年

正隆四年

庚辰

紹興三
十年

正隆五年

宋詔謚杭州天竺慈雲尊者曰懺
主禪慧法師塔曰瑞光之塔碑下三刻

欽定四庫全書

卷四 雜記

九十二

辛巳

紹興三十一年

金世宗立改正隆六年
曰大定元年

金

辛巳年秋七月金主亮遷都汴京九月亮背盟伐宋宋帝下詔親征亮勇於誅殺興兵構禍是

時豪傑並起大名王友直濟南耿京太行陳俊倡集義眾契丹之裔耶律鄂幹並興於沙漠於是勃

海一軍萬人叛亮歸會寧府立袞為帝袞改名雍

輔之王宗十月庚子朔袞即皇帝位改元大定左丞

相張浩自汴京錄袞赦文馳報亮亮嘆曰朕欲俟

江南平後取一戎大定之義以紀元是子乃先我

乎命取書一帙示之乃預識改元之事十一月乙

未諸將集兵萬餘人控弦直入亮寢帳中左右親

軍散走諸將射帳中矢下如雨亮即崩皇子光瑛

留汴京亦為眾所殺袞追廢亮為海陵王謚曰煬

后圖克坦氏為海陵夫人袞更名雍都燕京

仁厚慈儉在位二十九年謂之小堯舜

金志

壬午

紹興三十二年

大金

大定二年

西夏

金世宗雍正月入都于燕以父故名宗輔改曰宗堯追謚尊曰懿宗建大慶壽寺於燕都城北詔玄冥禪師顓公主之為開山第一代勅皇子燕王降香賜錢二萬緡沃田二十頃

金志

宋

二月帝自建康回臨安府六月詔太祖皇帝七世孫建王瑋賜名存立為皇太子追封皇兄子

偁為秀王丙子帝內禪皇太子即皇帝位帝稱太上皇帝居德壽宮冬十月淫雨勅內侍鄧從義貴

香禱上竺觀世音菩薩即日開霽帝悅賜內府三品玉供養以謝

增觀寶

孝宗

諱昀封建王立為皇太子年三十六歲受內禪即帝位以十月二十二日為會慶節銳意克復神

州會臣下有以內修勸帝者乃以數丈德求民瘼勸農桑修水利明賞罰惜名器五日一朝太上

皇以極兩宮之奉在位二十七年禪
位太子自稱太上皇壽六十八歲

錄

隆興二 乾道九

淳熙六十

癸未興隆元年

大金

大定三年

西夏

御贊觀世音菩薩

七月帝御選德殿製觀世音菩薩贊曰觀音大士以所謂普門

示現神通力故應跡于杭之天竺山其來尚矣朕每有禱祈隨念感應曰雨曰暘不愆晷刻是有助于冲人者也因為作贊曰猗歟大士本自圓通示有言說為世之宗明照無二等觀以慈隨感即應

妙不可思

上三石刻

宋詔蔣山大禪禪師了明住徑山明生秀州陸氏
嗣大慧杲禪師楊和王重敬之捨蘇州莊田歲入

二萬斛徑山由是
豐足增益明禪師
行業碑

甲申

隆興二年

大金

大定四年

西夏

乙酉乾道元年

大定五年

西夏

丙戌

乾道二年

詔靈隱道昌住淨慈湖
州人受業寶溪虎苑寺燈

大金

大定六年

西夏

丁亥

乾道三年

大定七年

宋春二月帝幸上天竺展敬觀世音菩薩問住持
若訥曰何故歲修金光明懺訥曰大梵尊天是娑
婆世界主釋提桓因天帝中御三十三天以臨下
土四鎮天王共誓護民故佛為諸天說天說金光
明三珠此帝王盛世之典也朝家香火故宜歲歲
行之帝悅擢訥右街僧錄賜錢二萬即開山石晉

僧道翊故居建十六觀堂教翰林學士樓鑰作記
按圖亦建于禁中次年四月八佛誕日宣訥請五
十僧入內觀堂行護國金光明三昧齋罷命訥說
法帝悅進左街僧錄號慧光法師僧賜帛各一疋
自是歲歲如來誕日例賜帛五十疋付上天竺遵
修佛事乾道六年十一月御書靈感觀音之寺靈
感觀音寶殿十二大字賜上天竺昭揭山門乾道
九年正月七日宣訥入對選德殿午初引見賜坐
帝曰歲元曾去齋菩薩訥曰已領聖恩帝曰光明
懺科議如何訥曰經中有理懺有事懺理懺者端
坐究心是以曰業障如霜露皆從妄想生端坐念
實相慧日能消除事懺者有五謹自正心誠意思
惟大乘甚深空義從善如流改過不吝是修第一
懺悔孝事父母以先四海是修第二懺悔正法治
世不枉人民是修第三懺悔於六齋日境內不殺
是第四懺悔深信因果心存般若不忘靈山付囑

是修第五懺悔不必尅期禮拜但能行此五者以
事契理是名第一義懺悔帝大喜曰甚有開發帝
曰每日講甚經訥曰妙法蓮華經帝曰七卷經妙
在何處訥曰為令衆生開示悟入佛之知見不曾
動著本體點鐵成金直指人心見性成佛帝悅奏
未時訥謝恩下殿淳熙元年帝給內帑錢二萬緡
付上天竺建藏殿賜印福州經一藏命皇太子書
殿榜曰法輪寶藏並見上勝淳熙二年春三月帝幸
上竺展敬觀世音菩薩建護國金光明道場賜白
雲堂印一顆主管教門指堂隱印夏六月一日宣訥
入對內觀堂帝曰近看寶積經其文何廣訥曰華
嚴般若寶積涅槃皆為大機說法文長義廣帝曰
楞嚴造淵微何故說得如此好又說得如此濶翻
訥曰佛乃識達本源者也從體起用以無盡藏三
昧說默一如中使奏未時訥退淳熙十一年訥丐
老進左右街都僧錄退居竺山彌陀興福院詔以

欽定四庫全書

卷四

九

嗣法高第首座師覺補右街鑒義繼席住持淳熙十六年宣覺入留內觀堂七日講天台圓頓止觀光宗紹熙初帝居重華宮許訥肩輿出入註金剛般若經進呈光宗御製贊丈至紹熙二年十月一日訥歸寂世壽八十二歲僧臘六十九夏葬彌陀興福院給事中宋之瑞作行業碑嗣法諸子曰僧錄師覺廣慧妙珪虛庵有宏石礪從戒等淳熙十四年十月二十三日帝於內觀堂書般若心經一卷至寧宗嘉定二年四月十日申錫御筆賜上竺僧錄妙珪叅知政事樓鑰給事中鄒應跋後藏于

上竺
紀勝
碑刻

四月十七日明州延慶教寺法師草庵名道因入滅壽七十八夏六十一自幼遊歷諸方登明智慧照之堂又入真歇了宏智覺無示諶之禪室回歸讀指要鈔方大悟初住延慶拈香曰三八禪室五

陞講堂始終親近八善知識彼皆光明碩大有德
有言者緣不在彼如水投石此一瓣香敬為承嗣
延慶第一世法智尊者存則人亡則書心不負人
面無慚色高宗紹興丙寅退居城南草庵以生平
所得道妙著草庵錄十卷
其言丈而真江湖誦之傳

戊子

乾道四年

大金

大定八年

西夏

金國十月一日詔大慶壽寺顓禪師於東京
創清安禪寺度僧五百員作般瑟于叱會

金志

宋十二月初三日明州延慶寺法師有朋坐青玉
軒大眾圍繞諷觀經至真法身觀朋寂然坐而逝

釋統僧傳

己丑

乾道五年

大金

大定九年

西夏

欽定四庫全書

卷四 雜著

庚寅

乾道六年

大定十年

西夏

乾祐元年

金國世宗真儀皇后出家為尼建垂慶寺度尼百人賜田二百頃

志金

宋冬十月十五日詔杭州皋亭山崇先顯孝禪院前住持禪師慧達住景德靈隱禪寺次年二月二十三日宣達入對選德殿賜坐帝曰如何免得生死慧達對曰不悟大乘道終不能免帝曰如何得悟達曰本有之性究之無不悟者帝曰悟後如何達曰悟後始知脫體現前了無毫髮可見之相帝首肯之帝曰即心即佛如何達曰目前無法陛下喚甚麼作心帝曰如何是心達正身叉手立曰只這是天顏大悅乾道八年春正月二十八日車駕幸靈隱寺秋八月七日宣上竺徑山靈隱僧道三教集內觀堂齋既罷宣達入東閣賜坐帝曰有一二事欲問御前日睡夢中忽聞鐘聲遂覺不知夢

與覺是如何遠曰陛下問夢耶問覺耶若問覺而今正是寐語若問夢夢覺無殊教誰分別夢即是幻知幻即離離幻即覺覺心不動故曰若能轉物即同如來帝曰夢幻既非鐘聲從甚處起遠曰從陛下問處起帝復問前日在此閣靜坐忽然思得不與萬法為侶有箇見處遠曰願聞聖訓帝曰四海不為多遠曰一口吸盡西江水又如何帝曰亦未曾欠闕遠曰纔涉思惟便成剎法正使如斲輪如閃電了無干涉何以故法無二法見無二見心無別心天無二日帝首肯久之冬十月三十日詔景德靈隱寺佛海大師慧遠特改賜佛海禪師淳熙元年五月三十日宣遠入對帝曰古宗師坐脫立亡今世有誰遠曰徽宗皇帝朝改僧為德士詔下日建州有崇寧長老集衆陞座曰木簡拈來生具放下雲散水流去寂然天地空便安坐而去紹興二十七年南劍州西巖寺宗回因官以茶園事

据拾登座說謁曰官府追呼不暫停何如長住事
分明從前有個無生曲且喜今朝調已成言訖安
坐而去又園悟住昭覺時有五百衆第一座名道
祖一日為衆入室既畢復有僧問曰生死到來如
何迴避祖即屹然而去園悟至其所連喚祖首
座遂開眼園悟曰抖擻精神透關去祖點頭便行
此皆今世坐脫立亡者帝嘉嘆久之御侍皆相顧
達禪師秦對錄淳熙三年春正月十五日達入寂壽七十
四歲臘五十九夏葬靈隱之西山叅政周必大銘
其塔語錄三卷左相虞允文序之二月二十九日
詔台州報恩光孝寺德光繼遠席住靈隱冬十一
月入對選德殿淳熙五年特賜光號佛照禪師淳
熙七年六月五日詔光住明州阿育王山席利寺
至光宗紹熙四年正月二十六日詔光住臨安府
徑山興聖萬壽寺寧宗嘉泰三年入寂光生臨江
軍彭氏嗣大慧杲禪師五燈會元佛海禪師名慧遠生

眉山彭氏年十三從樂師院宗辯為僧遊山聽習
會園悟復領昭覺遠依之園悟普說舉龐居士問
馬祖不與萬法為侶者是甚麼人馬祖曰待汝一
口吸盡西江水即向汝道聞之大悟東下由虎丘
奉詔住皋亭山崇先屢遷名剎
東法嗣師果園悟勤禪師普燈

辛卯

乾道庚子二十日雲門下八
七年世淨慈禪師導昌入寂

大金

大定十一年

西夏

乾祐二年

宋四月庚戌帝聽朝謂左右曰太祖皇帝問趙普
曰天下何者最大普曰道理最大朕常三復斯言
祖宗每事必問道
理焉得不治事中興

壬辰

乾道
八年

大定十二年

西夏

癸巳

乾道
九年

大定十三年

觀世音菩薩應夢緣起

宋正月七日宣上天竺左街僧錄慧光法師若訥入

對選德殿帝曰上竺起因今得幾時訥曰起自石
晉天福四年僧道翊者庵山中夜每見前山大發
光明尋之得異木乃取而刻為聖像夢神人曰明
日有洛陽僧來宜從之求舍利果得舍利三顆置
菩薩頂髻中太祖開寶間吳越忠懿王錢俶夢白
衣天人曰吾居處甚陋覺而詢其實為廣其殿宇
名天竺看經院英宗治平間沈文通蔡襄繼守杭
州具奏始末宰相曾公亮數陳之賜額靈感觀音
院今蒙陛下宸翰改院為寺方成大刹慧光奏感
山紀談曰蜀僧祖秀字紫芝蚤以文鳴士大夫間
慕嵩明教之風著歐陽文忠公外傳蘇養直庠為
序冠其首畧曰君子以佛之教不見證於堯舜禹
湯之世而孔子孟軻之後歷代先儒雖當國不少
禁聽其橫流寓內古今持此論者有矣獨秀公以

謂堯之丹朱不足以授政而禪舜舜亦憂商均而禪禹至湯武革命斯教之所始使孔子行事亦何以異此由堯迄武王佛未誕生有以也成康既沒佛於是顯跡然而未被中國以竢聖人生於魯集大成於古帝王之教也甚矣聖人困於魯衛陳宋欲居九夷乘桴浮海當是時以外數萬里之教加于中國天子諸侯嗜聽之哉佛之法不苟傳非顯宗後漢明帝感而求諸遠恐未能速應耳此皆秀公京師之書其駭古震今之論溢數萬言秀又讚東坡像曰漢之司馬揚王唐之太白子昂是五君子者皆生乎蜀郡未若夫子而有耿光夫子之詩抗衡者其唯子美夫子之文並軫者其唯子長賦亦賢於屈賈字乃健於鍾王此夫子之絕技蓋至道之批據夫子之道是為后稷伊尹可以致其君於堯湯時議將加之以鈇鉞而夫子尤諷於典章海表之遷如歸故鄉言蜀郡之五傑者莫得窺夫子之

垣牆秀至是癸巳年
歸老蜀山焉文登仲溫集

甲午淳熙元年

宋淑妃陳氏建功德院於杭州南山賜額曰寧親
廣福陳詩碑四月八日詔温州鴈蕩山靈峯寺禪師
中仁入對選德殿奏答稱旨仁於徽宗宣和間慶
基殿賜牒落髮往來譯院諦窮經論後得法於圓
悟勤禪師普燈錄

乙未

淳熙二年

大金

大定十五年西夏

丙申

淳熙三年

大定十六年

丁酉

淳熙四年

大定十七年

九世同居

金國鄭州尹泌九世同居三月詔免賦役三年御書曰敕賜旌表孝義尹氏之家

金志

戊戌

淳熙五年

大金

大定十八年

己亥

淳熙六年

大金

大定十九年

西夏

庚子

淳熙七年

大定二十年

西夏

金國正月敕建仰山棲隱禪寺於燕京之西山詔玄冥禪師顓公開山賜田設會度僧萬人刻碑宋秋召明州雪竇寺禪師寶印入對選德殿帝曰三教聖人本同這箇道理印對曰譬如虛空東西南北初無二也帝曰但聖人所立門戶不同孔子以中庸設教耳印曰非中庸何以安立世間故法華曰治世語言資生業等皆與實相不相違背華嚴曰不壞世間相而成出世間法帝曰今時士大

大學孔子者多只工文字語言不見夫子之道不識夫子之心唯釋氏不以文字教人直指心原頓令悟入不亂於死生之際此為殊勝印曰非獨後世學者不見夫子之心當時孔門顏子號為具體盡平生力量只道得箇瞻之在前忽焉在後如有所立卓爾竟捉摸未著而聖人分明八字打開向諸弟子曰二三子以我為隱乎吾無隱乎爾吾無行而不與二三子者是丘也以此觀之聖人未嘗迴避諸弟子而諸弟子自踈過了昔張商英曰吾學佛然後能知儒此言實為至當帝曰朕意亦謂如此帝又曰莊者何如人印曰只是佛法中小乘聲聞以下人蓋小乘厭身如桎梏棄智如雜毒化火焚身入無為界即如莊子所謂形固可使如槁木心固可使如死灰若大乘人則不然度眾生盡方證菩提正如伊尹所謂予天民之先覺者也將以斯道覺斯民也有一夫不被其澤者若己推而

內之溝中也帝大悅詔住徑山興聖萬壽禪寺淳
熙十年春二月帝親註大方廣圓覺經一部遣中
使賁賜寶印許述序刊行淳熙十五年印請老賜
退居庵名曰別峯光宗紹熙元年十一月到寺身
交承智策禪師與之言別策問行日印曰水到渠
成歸別峯索紙書十二月初七夜鷄鳴時九字如
期而化奉蛻質返寺之法堂留七日顏色明潤髮
長頂溫葬于庵之西岡教謚慈辯禪師塔曰智光
嗣華藏民禪師民生眉州朱氏嗣園悟佛果勤慈
辯名寶印生嘉州李氏自幼通六經而厭俗務乃
從德山清素得度具戒聽華嚴起信既盡其說棄
去會園悟歸昭覺印依之隨衆入室而大悟嗣之

五燈會元

辛丑

淳熙八年

大金

大定二十年

西夏

原道論

宋帝御製論曰朕觀韓愈原道言佛老之相混三教之相絀未有能辯之者但文煩

而理迂揆聖人之用心則未昭然何則釋氏專窮性命棄外形骸不著名相而於世事了不相關矣何與禮樂仁義哉然尚猶立戒曰不殺不淫不盜不飲酒不妄語夫不殺仁也不淫禮也不盜義也不飲酒智也不妄語信也如此與仲尼又何遠乎從容中道聖人也聖人所為孰非禮樂孰非仁義又烏得而名焉譬如天地運行陰陽循環之無端豈有意春夏秋冬之別哉此世人強名之耳亦猶仁義禮樂之別聖人所以設教治世不得不然也因其強名揆而求之則道也道也者仁義禮樂之宗也仁義禮樂固道之用也揚雄謂老氏棄仁義滅禮樂今迹老子之書其所寶者三曰慈曰儉曰不敢為天下先孔門曰溫良恭儉遜讓又曰惟仁為大老子之所謂慈豈非仁之大者耶曰不敢

為天下先豈非遜之大者耶至其會道則互相偏
舉所貴者清淨寧一而與孔聖果相背馳乎蓋三
教未流昧者執之自為異耳夫佛老絕念無為修
心身而已矣孔子教以治天下者特所施不同耳
譬猶耒耜而耕機杼而織後世徒紛紛而惑固失
其理或曰當如之何去其惑哉曰以佛修心以老
治身以儒治世斯可也唯聖人為
能同之不可不論也

中興治蹟十
三朝聖政錄

壬寅

淳熙九年

大金

大定二年

西夏

宋春二月十九日四明法智下四世秀州今嘉興路當
湖竹庵解空尊者可觀入寂世壽九十一歲僧臘
七十八夏少依車溪擇卿講席得旨深穩一日聞
舉般若寂寥言下大悟曰如服一杯降氣湯卿印
可之又見慧覺法師於湖州雪牕下讀指要至若
不謂寶鐵床非苦變易非遭豁然喜曰世間文字

語言皆據批耳初高宗紹興戊午主當湖德藏至
是乾道七年秋左相魏杞在平江請住北禪天台
寺適九日入院指法座日胃中一寸灰已冷頭上
干莖雪未銷老步只宜平地去不知何事強登高
聞者悅服魏杞牧鄞致師住延慶祖庭時八十九
歲矣不二載歸竹庵入滅茶毘日無風無雨無事
邦人詫為三無事日烟所到處皆舍利塔于德藏
院解空著楞嚴補注四卷金剛通論事苑二卷圓
覺手鑑一卷蘭盆補注一卷山家義苑二卷草錄
一卷生平提唱宗旨如頌中論四句曰中論因緣
所生法一句道盡無剩語我說即是空假中珠簾
暮捲西山雨人頌船子曰夾山不在一楫上明月
蘆花夜夜寒船子故應無可做偶來此地弄鉤竿
嗣師之法者曰宗印等印也北來生杭州鹽官陳氏
年十五具戒參學得竹庵道隱雷峯毛氏庵赴華
亭普光遭秀州德藏復遭華亭之超果蘇之北禪

移天竺靈山寧宗召對選德殿賜號慧行法師嘉
定六年行化十二月八日至松江謂其徒曰吾化
緣畢此右
脇而逝本傳

癸卯

淳熙
十年

大金

大定二十三年

西夏

甲辰

淳熙十
一年

大定二十四年

昊天寺

金國大長公主二月降錢三百萬建寺於
燕京城額曰昊天給田百頃每歲度僧尼

十人
本寺
碑刻

乙巳

淳熙十
二年

大金

大定二十五年

西夏

丙午

淳熙十
三年

大定二十六年

丁未

淳熙十
四年
十月八日太
上皇高宗崩

太定二十七年

戊申

淳熙十
五年

太定二十八年

己酉

淳熙十
六年
二月光宗受禪即帝位
三月皇子擴進封嘉王

太定二十九年

宋

春正月以周必大留玉為左右丞相二月辛酉
朔壬戌帝內禪移居重華宮皇太子明皇帝立

立

妃李氏

為

皇后

宋鑑

光宗

諱惇孝宗第五子年四十歲自東宮受禪尊孝宗曰壽
皇聖帝在位五年禪位太子自稱太上皇壽五十四歲

紹熙

五

庚戌紹熙元年

大金 章宗璟 西夏

明昌元年

金

國主雍正月癸巳崩章宗璟立太子允恭之子也改元明昌追謚雍正為世宗父允恭為顯宗璟

幼好學善屬文寬裕溫之母趙氏

志金

辛亥

紹熙二年

明昌二年

西夏

壬子

紹熙三年

明昌三年

癸丑

紹熙四年

明昌四年

金

十月誅皇叔鄭王允蹈先是太子允恭早世允蹈次長當立樞密使張克己內侍江淵等以私

意立太孫璟然允蹈性寬厚母亦趙氏遠避恩寵中外無黨璟每見之有愧色日亦酣飲內都知省江淵出入宮掖大受四方饋遺國體始弱矣京師謠言立鄭王璟惡之遣東隊主李白曜西隊主張

飛龍御前將軍完顏赫特分兵擒捕置獄會同館
獄成鄭王允蹈駙馬都尉唐古布拉同母妹新興
公主榮安公主並賜死餘同逆者夷三族次年正
月鄭王長子大通節度使愛王大辯據五國城以
叛報父

讎也

金志

金詔洞宗禪派萬松長老於內殿說法章宗躬親
迎禮奉錦綺大會低衣詣座授施后妃貴戚羅拜
于前各施珍財建普度會每歲設齋後於
承安二年詔萬松禪師住西山之仰山

金志

甲寅

紹熙五年

大金

明昌五年

西夏

宋無準禪師名師範生蜀郡梓潼雍氏是年十月
登戒叅學來杭州見松源岳於靈隱肯堂充於淨
慈謁破庵先禪師於平江西華秀峯頓悟玄旨出
世明州清涼移焦山遷雪竇詔住育王遷徑山召

入對修政殿賜金襴僧衣宣詣慈明殿陞高座說法帝垂簾而聽賜號佛鑑禪師後建接待御書賜額曰萬年正續又築室明月池上榜曰退耕乞老于朝入寂塔金身于圓照嗣破庵祖先禪師行業夔州卧龍破庵禪師名祖先廣安王氏子嗣密庵傑禪師宗派明州天童密庵禪師名咸傑生福州鄭氏自幼穎悟出家為僧徧叅知識後謁應庵於衢州明果應庵孤硬難入屢遭呵叱一日應庵問如何是正法眼師遽荅曰破沙盆應庵領之未幾辭省親應庵送以偈曰大徹投機句當陽廓頂門相從今四載微詰洞無痕雖未付鉢代氣宇吞乾坤却把正法眼喚作破沙盆此行將省覲切忌便躐跟吾有未後句待歸要汝遵出世衢之烏巨次遷祥符建康蔣山華藏未幾詔住徑山靈隱晚居天童示寂塔全身于寺之中峯嗣應庵華禪師會元

明州天童應庵禪師名曇華生蘄州江氏生而奇傑年七十出家於東禪剎頭受具編叅知識謁園悟禪師於雲居悟入蜀指之見彰教隆禪隆移虎丘師侍行半載間頌悟玄奧累遷巨刹住歸宗日大慧在梅陽寄師偈曰坐斷金輪第一峯千妖百怪盡潛蹤年來入得真消息報道楊岐正脈通其歸重如此孝宗隆興元年六月十三日奄然而化塔全身于寺山嗣虎丘隆禪師隆諱紹隆嗣園悟勤禪師臨濟派也五燈會元

臨安府淨慈肯堂禪師名彥充生杭州於潛盛氏幼依明空院義堪為師得度遊學領旨於東林亡庵顏禪師充奉勅淨慈示寂寂塔于寺之南庵嗣亡庵顏亡庵住江州東林名道顏蜀郡潼川人族鮮于氏父叅園悟洎悟還蜀囑之依妙喜仍以書致喜曰顏川彩繪已畢但次點眼耳妙喜居雲門

及洋嶼顏皆侍焉朝夕質疑方
得大悟遂嗣大慧杲禪師會元燈

杭州景德靈隱禪寺禪師名崇岳生處州龍泉吳
氏孝宗隆興二年得度於杭州西湖白蓮精舍遊
方叅請寂後見密庵傑禪師於衢州西山密庵移
建康蔣山華藏杭之徑山皆侍從之密庵開室問
僧不是心不是佛不是物師侍側忽大悟密庵遷
靈隱寺師居第一座旋出世平江澄照為密庵嗣
遷江陰光孝無為治父饒州薦福明州香山平江
虎丘寧宗慶元三年詔住靈隱慶元六年上章乞
老帝許之退居東庵嘉泰二年八月四日手書別
文舊公卿垂語于學者曰有力量人因甚擡脚不
起又曰開口不在舌頭上貽書嗣法弟子香山光
睡雲居善開囑以闡法書偈曰來無所來去無所
去瞥轉玄闕佛祖罔指跣趺而寂壽七十
一歲臘四十夏塔全身北高峯之原行業碑刻

宋

紹熙五年春三月壽皇不豫六月丁酉夜壽皇崩帝亦寢疾是日太皇太后有旨聽就內中成

服秋七月甲子太皇太后降旨云皇帝以疾至今未能執喪曾有親筆自欲退閑皇子嘉王可即皇帝位尊皇帝為太上皇帝皇后為太上皇后嘉王固辭且顧樞密趙汝愚曰某無罪恐負不孝之名閣門宣贊中侍闕禮等遽以黃袍被嘉王王拒不受汝愚固請遂即皇帝位於東楹之素幄嘉王諱擴光宗長子封嘉王即帝位臨下以簡御衆以寬省刑薄賦罷歲貢寬民力留心帝王之業

寧宗

服漸濯之衣二十七歲受禪
在位三十年壽五十七歲

慶元六

嘉泰四

開禧三

嘉定七

乙卯慶元元年

大金

明昌六年

西夏

丙辰

慶春二年

金改
承安元年

金國改元十一月二十三日大赦度僧千員志金

丁巳

慶元三年

大金
承安二年 西夏

戊午

慶元四年

大金
承安三年 西夏

己未

慶元五年

大金
承安四年 西夏

金九月太后趙氏寢疾國主候起居鄭宸妃亦至
后曰我有一心願未遂宸妃能成我意乎我家三
四百口為場王場即海陵王也所殺叢塚在和龍即燕之
府黃龍也我欲創一寺在彼追薦冥福歲時奠享我不
敢費公錢我自錢七萬可以辦汝說與皇帝越
旬太后崩宸妃以其遺留分與中外姻親及諸趙

欽定四庫全書

卷四

氏之在京遠近者奏手詔下和龍府起大明寺造九級浮圖遺太后殿內侍侯衍監造務極壯麗且度僧三萬人施以度牒度及五萬人寺傍建八寺以處之金志

庚申

慶元六年

大金

承安五年

西夏

宋五月丁亥壽仁太上皇后崩謚曰

慈懿八月丁亥太上皇帝光宗崩宋鑑

金愛王既叛求援大軍是年大軍大舉深入十二月丁酉取大都城圍和龍大勢也金志

辛酉嘉泰元年

金改泰和元年

壬戌

嘉泰二年

行禪宗機緣普燈錄

泰和二年

西夏

癸亥

嘉泰三年

泰和三年

甲子

嘉泰
四年
追封岳飛
曰鄂王
宋鑑

泰和四年

西夏

乙丑

開禧
元年

金議遣都
泰和五年

丙寅

開禧
二年

泰和六年

西夏拓跋失都兒忽仁宗姪也乾順之小
子曰仁友者之子也五月立
在位六年

金志

丁卯

開禧
三年

泰和七年

戊辰嘉定元年

泰和八年

金

十一月丙辰章宗崩無嗣羣臣奉遺詔立衛王
允濟丙寅即帝位世宗第七子也在位四年
赫

舍哩執
中弒之

己巳

嘉定二年

金改

大安元年

西夏

庚午

嘉定三年

旃檀佛像至是庚午計二百二年矣

大安二年

旃檀瑞像

是歲止金國十二年矣十月迎赴上京禁庭供養按翰林程鉅夫瑞像殿記曰

釋迦如來初為夫子生七日母摩耶棄世生忉利天佛既成道思念母恩遂昇忉利天為母說法優填國王自以久失瞻仰於如來欲見無從乃刻旃檀為像目犍連尊者慮有闕陋躬以神力攝三十匠昇忉利天諦觀相好三返乃得其真既成國王臣民奉之猶真佛焉及佛自忉利天復至人間王率臣庶同往迎佛此像騰步空中向佛稽首佛為摩項授記曰我滅度千年之後汝從震旦也東土廣利人天由是西上一千二百八十五年龜茲六十八年涼州十四年長安一十七年江南一百七

十三年淮南三百六十七年復至江南二十一年
汴梁一百七十七年北至燕京居聖安寺十二年
北至上京大儲慶寺二十年南還燕宮內殿居五
十四年丁丑歲三月燕宮火迎還聖安寺居今五
十九年乙亥歲當今大元世祖皇帝至元十二年
也帝遣大臣博羅等四衆備法駕使衛音伎迎奉
萬壽山仁智殿丁丑建大聖萬安寺己丑歲自仁
智殿迎安寺之後殿大作佛事瑞像計自優填王
造始之歲至今延祐丙辰
凡二千三百有七年

碑殿刻

辛未

嘉定四年

大金

大安三年

西夏

神宗

光定元年

春西夏神宗拓跋須蕃邸立始為大軍所攻求援
於金金不能救夏人乃叛金是時大朝國勢益強
但居其故地於燕雲置行省命其大臣領之所謂
太師國王也韃靼之與女真同類蓋皆韃靼之

後也其國在元魏齊北周文宣之時稱勿古至隋稱

靺鞨地直長安東北六千里東瀕海離為數十郡

有黑水白山等名白山本臣高麗唐滅高麗其遺

人迸入渤海惟黑水疆及及渤海盛靺鞨皆役屬

之後為奚契丹所攻部族分散其居混同江之上

黑水東開元路咸平府長白山初名曰女真同江即

高麗鴨綠水之源乃黑水遺種其居於陰山者自

號為靺鞨在末及五代時常通中國宋初各再入

貢靺鞨之人皆勇悍而善戰其近漢地者謂之熟

靺鞨尚能種秫稌以平底瓦釜煮而食之其遠者

謂之生靺鞨止以射獵為生無器甲用骨鏃而

已蓋以地不產鐵故也契丹雖通其和市而鐵禁

甚嚴後金人得河東及執劉豫廢鐵錢由是秦晉

鐵錢皆歸靺鞨得之遂大作軍器而國以益彊方

金國盛時靺鞨歲時入貢衛王金靺鞨主特穆

津皇始稱青吉斯皇帝山東兩河皆為大朝收附

矣又有蒙郭勒國者在女真之東北唐謂之蒙克
部金國謂之蒙克亦謂之蒙古人不火食夜中能視
鮫魚皮為甲可捍流矢自金國熙宗天眷年間始
叛都元帥宗弼用兵連年卒不能討宗弼所稱四太子
也但分兵據守要害反厚賂之其國亦自稱祖元
皇帝建立年號時為邊患得契丹漢兒婦女而妻
妾之自是漸有火食至是大朝乃自號大蒙古國
然二國居東西兩方相望凡數千里不知何以合
為一名蓋金國盛時置東北招討司以捍禦蒙古
高麗西南招討司以統隸北方西夏蒙古所據蓋
金主太宗創業時地二十七國寨而北方之境東
接臨潢府西與夏國鄰南距靜州北抵大國今
盡為大朝之
所有也金志

壬申

嘉定
五年

金改
重慶元年
西夏

癸酉

嘉定六年

大金改至寧元年
九月改貞祐元年

金八月起赫舍哩執中為右副元帥將武藝軍三千迎敵大軍二十日發燕京至紫荆關執中開關延敵聞大軍過關一時潰走執中還京見帝言大軍勢盛難敵完顏綱亦敗而回密奏執中故放大軍入關執中聞之懼誅先是左副元帥南平沮格軍賞衆共怨之執中因人心之憤欲廢主遂回軍以誅南平為名二十四日軍至東華門外召南平計事手刃之宮中聞變門皆不開執中欲縱火燒門守門將軍合住啟其門執中引兵入宮侍衛皆散走執中遣兵執帝并其后因於舊府甲午二十日夜執中遣內侍李監成弑國主於其府國主為人仁厚居兄弟中最賢在位五年宣宗立降封為東海郡侯宣宗諱珣世宗之孫也顯宗允恭之長子九月丙午即位改至寧元年為貞祐元年拜赫舍

哩執中太師都元帥領三省事封澤王大軍至紫
荆關至燕京二百里遣左監軍高乞以紅軍五千
拒之失期不至執中欲斬之國主以高有功諭令
免死執中益其兵令出曰勝則贖罪敗則殺無赦
出戰兵大潰自度必為執中所殺遂引紅軍圍執
中府突入其卧內殺之退詣應天門待罪十月辛
亥國主以高乞掌兵不欲加罪盡收執中弑逆之
人殺之拜高乞平章軍國如樞密大使時大軍圍
燕京又約

宋夾攻

志金約

甲午

嘉定七年

大金貞祐五年西夏

金三月京師乏糧軍民餓死者十四五金主遣使
大軍議和索公主及護駕將軍十人細軍百人從
公主童男女各五百人綵繡衣三千襲御馬三千
匹金銀珠玉又請左丞相完顏福興為質金主皆

欽定四庫全書

卷四

從之以東海郡侯少女應之又令金主鄉其國遙拜主不敢拒又曰元帥團燕日久未嘗擄掠欲得犒軍金帛主亦從之大軍北歸是時京城白金三斤不能易米三升死者不可勝計議遷都汴梁九月二十八日起駕十月二十四日入汴京大軍既歸聞金遷汴怒曰既和而遷是有疑心而不釋憾特以和為款我之計耳次年八月復圍燕京分兵下中原州郡遣使至汴索犒軍金銀等物金主皆與之東平大名真定勤王之兵遇大軍皆潰敗自是內外不通太子守緒自燕京取間道歸汴燕京宮闕雄麗為古今冠至是為亂兵所焚火經月餘不絕金志

乙亥

嘉定八年

大金

貞祐三年

西夏

丙子

嘉定九年

貞祐四年

丁丑

嘉定十年

禪宗聯燈錄

淨慈晦翁明禪師集

金改

慶元年

夏

金國地勢日促遂有南窺江漢之謀構怨於宋數攻宋地而取之是時西夏於金益懷戒心以書來

宋議夾攻金八月

宋安丙允夏謀諡

戊寅

嘉定十一年

己卯

嘉定十二年

癡絕禪師名道冲生武信長江荀氏光宗紹熙三年出峽叅松源岳禪師於饒州薦福會松源舉首座曹溪生和尚出世妙果聽其入門法語有省遍歷叢林皆分半座至是嘉定十二年由徑山首座出世嘉興天寧嗣曹源生遷蔣山理宗嘉熙三年移雪峯方半載詔遷天童育王虛席兼攝住持說

欽定四庫全書

卷四

法兩山淳祐四年奉旨住靈隱退歸金陵朝命以虎丘俾其養老淳祐八年六月詔住育王使者三返不起明年二月間山吳之法華八月詔住臨安府徑山淳祐十年五月十三日入寂八十二歲僧

臘六十一夏遺骨舍利葬金陵山中

葬舍碑誌

庚辰

嘉定十年三年

大金

興定四年

西夏

辛巳

嘉定十年四年

興定五年

壬午

嘉定十年五年

興定六年

癸未

嘉定十年六年

金改

元光元年

九月拓政德仁立改

乾定元年

甲申

嘉定十年七年

秋閏八月帝崩皇子成國公立

元光二年

乾定元年

宋

閏八月丁酉帝崩于福寧殿年五十七歲皇后楊氏史彌遠立貴誠為皇子進封成國公即皇

帝位更名的尊皇后為大太后垂簾聽政廢皇太子竑降封濟陽郡王出判寧國府殺之

續宋史

金

十月國主珣崩廟號宣宗珣第三子名守緒即帝位義宗也性寬和慈仁少而嗜書長而博學

才藻富瞻好為文章在位十一年

金志

理宗

諱昀寧宗姪年二十歲即帝位尊尚道學崇重士類初政翕然晚年宰相賈似道買民田為官

田抑軍賞而不行國體由是多故而哀馬在位四十一年壽六十一歲崩

續宋史

寶慶三

紹定六

端平三

嘉熙四

淳祐十

寶祐六

開慶一

景定五

乙酉寶慶元年

金改

正大元年

西夏

丙戌

寶慶二年

大奎

壬寅二年

西夏招跋德仁七月卒清平郡王立

金國是時羣盜縱橫干戈充塞括馬穀糧公私並竭金由是困矣

金志

丁亥

寶慶三年

正大三年

西夏

滅

西夏自五代唐明宗天成間縱亂剽掠而州城被擾其河西諸鎮言定難節度使李仁福潛通契丹朝廷慮其連兵併吞河右南侵關中長興四年三月癸未仁福卒遷其子彝超為彰武留後彝超不奉詔遣其兄阿囉王守青嶺關集境內黨項諸胡以自守而輕朝廷廢帝清泰二年二月丁丑夏州城連勃所築之節度使李彝超上言疾病以兄行軍司馬彝殷權知軍州事彝超尋卒晉出帝開運元年二月壬子詔以彝殷為契丹西南面招討使漢乾祐二年正月甲寅詔以靜州隸定難軍二

月辛未彞殷上表謝彞殷以中原多故有輕傲之志每藩鎮有叛者常陰助之邀其重賂朝廷知其事亦以恩澤羈縻之周顯德二年正月庚寅定難節度使李彝興耻與折德辰並列節度乃塞路不通周使二月癸未世宗遣供奉官齊藏珍賫詔往責之通鑑至宋太宗太平興國七月十月李繼捧來朝太宗嘉之詔授彰德軍節度賜姓趙名保忠留京師奉朝請仁宗寶元戊寅趙元昊僭稱帝至是丁亥七月二十七日北朝大軍滅之止一百九十年宋鑑

戊子紹定元年

大金正大四年

己丑

紹定二年

正大五年

庚寅

紹定三年

正大六年

辛卯

紹定四年

正大七年

壬辰

紹定五年

金改年春曰開興夏改曰天興

天興元年

金國為大軍合圍汴京金人百計守城四月天向
熱大軍意將還師又講和好取太子金紫為質所
與金帛無數城中雖暫退敵師然兵疲力盡河南
蕩析宋師瞰其南洪寇擾其東矣天使復至命金
主黜尊號拜詔稱臣去冠冕剔為西京留守交
割京城金主難之親率護衛軍五千人突圍而出
與大軍戰獲勝左丞相完顏博索奏請過河取衛
州截其歸路北至衛州大軍雲集金主急回被其
追及元帥賀都喜死之先是金主既出囑崔立以
留守事衛州既敗諸軍從者止二千人汴京聞之
崔立盡殺朝官之在京者以太后皇后皇妃公主
皇兄荆王降于大軍悉取官中金帛珠玉玩好之

物以獻自稱鄭王兼丞相大軍因而授之
如河南行省權皇帝金主留歸德府

大金志

癸巳

紹定相趙葵乞
六年經理營田

大金

天興二年

金歸德絕糧六月戊戌金主自亮還蔡州宋十一月遣襄陽太尉江海襄陽帥孟珙以兵四萬人攻蔡州駐城南帥臣史嵩之弼也運糧十萬給南北軍且置樵場於城南更相貿易大軍賴之十二月初九日大軍攻外城克之十六日大軍併力攻西城弗克十八日大軍復大至鑿其西城十九日金主悉出御用器皿賞軍士二十二日金主微服將馬軍百步軍千夜出東城將遁及柵不戰而還

金志

甲午端平元年

大金

天興三年

金

金

正月初十夜摘三面精銳軍備西城天未明大軍至方大戰南面宋兵萬餘已薄城矣金主知

城必破乃詔大臣遜位於東面總帥丞麟丞麟西
向固讓金主自持符璽授之曰朕所以付卿者豈
得已哉以朕體肥不便鞍馬城陷之後馳突必難
顧卿平昔以趨疾聞且有將畧可稱萬一得免使祚
胤不絕此朕之志也強以符璽丞麟跪受之金主
退閉閣門而自縊時宣徽使溫都命東上閣門使
事富森蘇布實引後主丞麟陞正座身被甲胄立
受百官拜禮成咸出迎大軍戰南城之陴皆宋師
旗幟四面鼓譟夾攻聲震天地守者開門縱大軍
進金兵巷戰久不能禦退保子城後主丞麟知主
崩率百官詣前拜泣謂衆曰先帝在位勤儉寬仁
圖復舊業有志不就可哀而已吾欲諡曰哀醇酒
未終大軍已至城下攻急城陷後主為亂軍所
害國亡諡金主哀者咸謂未盡也廟號義宗
金自徽宗重和戊戌稱帝至是端平甲午九主合
一百一十七年而亡義宗既自縊點檢官完顏色

埈覺之矯制召丞御實嘉氏近侍局大使焦春和
內侍局殿頭宋規赴義宗前色埈曉以名分與三
人者皆從死初色埈將從死遺言奉御經實使焚
於義宗縊所幽蘭軒火方熾子城陷近侍左右皆
走獨經實留為大軍所執問之為誰經實曰吾奉
御也大軍帥曰衆皆走而汝獨留何也經實曰吾
君已崩吾欲收其骨瘞之大軍笑曰汝狂者耶汝
之命不能保能瘞君骨耶經實曰汝事汝君吾事
吾君吾君有天下十餘年功業弗終身死忽徒暴
露遺骸與士卒等同耶吾逆知汝必不違我情吾
故留於此也大軍以其言白布展布展曰此奇男
子也許之經實乃入掇其餘燼裹以弊衾瘞于汝
水之傍絳山再拜號哭投身汝水軍士救而存之
志金 乙未端平二年詔集議楮幣出度收兩界會
子 丙申三年議楮幣宜造十
八界降黃榜措置會子通鑑宋

丁酉嘉熙元年

戊戌二年 己亥三年 詔穀州縣義倉以備賑濟庚子四年右

相史嵩之以稱提會子以五折二
七界會子五道准十八界一道

續宋通鑑

辛丑淳祐元年

壬寅二年 癸卯三年 甲辰四年 史彌忠薨特贈少師保寧軍節

度使鄭國公令有司定謚以聞詔彌忠子嵩之起復右丞相兼樞密使永國公乙巳五年嵩之致仕

丙午六年

丁未七年

戊申淳祐八年 明州育王山笑翁禪師三月二十七日入寂世壽七十二歲僧臘五十二夏師諱妙堪生明州慈溪毛氏寧宗慶元三年受具叅松源岳禪師於靈隱次謁無用全禪師於天童領旨無用諱淨全生越州翁氏嗣役山大慧果禪師堪出世明州妙勝嗣全禪師次遷金文移光孝遷台之

報恩平江虎丘福州雪峰奉詔住臨安府景德靈
隱禪寺闢寺左屠沽之地為林藪立門曰飛來峯
又建僧行梵化瘞骨之三塔于山北皆奏准焉史
魏王明州建大慈寺請師開山說法為第一代王
薨謝去主台州瑞巖移溫州江心詔主事慈又詔
住天童有旨主育王至是戊申春再詔移淨慈不
赴遂入
寂

寂

行業
刺業

己酉淳祐九年庚戌十年

辛亥十一年壬子十二年

癸丑寶祐元年

甲壬二年
丁巳五年

乙卯三年
丙辰四年

戊午六年

己未開慶元年

釋迦文佛入滅至是己未二年

二百八年矣

韃靼國憲宗皇帝九月親帥大軍入蜀順流東下
幹腹一軍自大理國南來歷邕桂之境南至靜江
府一軍度江圍鄂州吳潛入奏帝以賈似道為宣
撫視師江上十月丁大全罷相吳潛入相帝以賈
似道為右相荆湖宣撫策應大使進兵援鄂州趙
葵為樞密使江東西宣撫策應大使屯信州遏廣
右幹腹之師十一月憲宗駕留釣魚城下似道遣
使約和陰許歲幣兵解去雪寒帝出內庫銀絹犒
岳不

庚申景定元年

韃靼國色辰皇帝四月即位五月十九日建元中
統宋賈似道入朝以右相兼太子太師北使郝京
來宋尋盟賈相諱言前事拘留郝京於真州不遣
人使來荆湖賈相又留之滎陽之純口致成背盟

之禍卒於國亡宋十月以皇弟嗣榮王與芮之子
祺為皇太子封忠王宋辛酉景定二年壬戌三

年右相賈似道買民田為公田直欲得一千萬畝
歲入六七百萬頃臺臣交章言星變災異公田不
便民問愁嘆不平之所致乞罷公田以答天意賈
相力辯之自此公論頓沮矣宋癸亥景定四定

甲子

景定五年
一準十八界
至繼元國改宋造金銀見錢闕子以

子之行也物價頓踴冬十月帝崩皇太子即帝位
帝本福州古田縣之宗室父為越州山陰尉娶縣
人全氏生二子一曰與昌理馬宗太保一
曰與芮王也隸越遂為越人焉通鑑宋

度宗

初諱孟啓理宗弟嗣榮王丙之子理宗子多而
不育鞠孟啓於宮中改名孜又改曰祺立為皇

太子封忠王賜名獻帝即位進封嗣榮王為福王
是時權臣持國帝擁虛器在位十年壽三十五歲

紀序 咸淳 十

乙丑咸淳元年

詔淨慈虛堂愚禪師住徑山師
嗣湖州道場山運庵巖巖嗣松

源岳禪
師行業
碑誌

丙寅咸淳二年 丁卯三年封魯參郕國公孔汲

沂國公配享先聖顯孫師陳國公陞十哲之位進

賈似道平章軍國重事魏國公帝稱師臣通國稱

曰師相繼宋戊辰四年 己巳五年 庚午六年

二月帝一日問似道曰襄陽之門三年矣奈何賈

相曰北兵已退去陛下得何人言帝曰適有女嬪

言之賈相詰問而殺之自是

無人敢對帝言違事者續宋鑑

辛未咸淳七年三月淮西制置司申襄園不解乞

調兵增戍韃靼國建國號大元取周易乾元之義

以明資始
之功績宋始

臨安府中天竺永祚禪寺首座諱淨伏出世潭州
石霜嗣虛舟度禪寺詔中天竺虛舟禪師普度住
景德靈隱師揚州人受業揚子橋白蓮寺嗣常州
華藏無得通禪師通嗣靈隱松源岳禪師行業碑

壬申八年
癸酉九年

甲戌

咸淳十年
七月帝崩

少帝

諱焮度宗長子年五歲即位太皇太后謝氏
垂簾聽政明年改元德祐帝在位二年大兵臨

城舉國
歸附宋
德祐
二

乙亥德祐元年


丙子

德祐二年二月丙申朔乙卯起三宮北遷丁
巳出宮太皇太后至燕七年崩封壽春郡夫

人全后為尼正智寺
少帝封瀛國公

續宋通鑑

右宋十六主合三百一十七年舉國歸附大元



釋氏稽古畧卷四